



Narodna in univerzitetna knjižnica
v Ljubljani

R

6885

6885. II. B. G. 1. 3.






GETE DIBADJIMOWIN,

gaie dach

N i t a m

MEKATE-OKWANAIEG

ogagikwewiniwan.



LAIBACH,

(Illyrie, Autriche.)

JOSEPH BLASNIK

ogimasinakisan mandan masinaigan.

1843.

(N=030003809

Nin nidjanissidog!

Ow minawa bejig gagikwe-masinaigan ki mininim; weweni odapinamog, naningim wabandamog, kakina dach mino ganawendamog minik eteg oma masinaiganing. Mi oma tchi wabandameg, nin nidjanissidog, gaiat gabijiwebak, Jesus bwa binigid oma aking, gaiji-jawenimad Kije-Manito gete anichinaben.

Mi gaie oma masinaiganing tchi mikameg wenijiching gagikwewin, nitam mekale-okwanaieg gaiji-gagikwewad, igiw sa ketchitwawenda gosidjig ininiwag, gawabamadjig, ganonda-

wadjig gaie Jesusan. Apegich weweni nissitotameg minik waiabandameg oma masinaiganing. Kichpin dach gego nissitansiweg, kagwedjimig ki me-kate - okwanaieiwa.

Ochki anamiewinan, ochki nagamowinan gaie anind atewan oma masinaiganing. Kakina sa go mino inabatchitoiog, nin nidjanissidog, tchi mino - ijiwebisiieg oma aking wenibik bimadisiieg, wedi dach kagige bimadisiwin tchi gachkitoieg gjigong.

FRÉDÉRIC BARAGA ,
Mekate - okwanaie.

Pisindawichig, nin nidjanissidog, ki gawindamoninim gaijiwebak waiechkat.

Apitchi waiechkat kawin bapich
gego gidagossinon; aki, gjig gaie ka-
win gidagossinon; win eta Kije-Manito
nesso-bejigod kaginig giaia. Minawa
dach ningoting taichkwa-akiwan, kawin
dach bapich gego tadagossinon; aki,
gijig gaie kawin tadagossinon; win eta
Kije-Manito Debeniminang kaginig ta-
aia; anjeniwag, ki tchitchagonanig dach
gaie takagige-bimadisiwag. -

Kije-Manito kakina gego ogigij-
ton, aki, gjig, kakina gaie minik en-
dagog aking, gjigong gaie. Kawin
bapich gego ogiaiossin wi-gijitod kakina;
odikitowin eta mi gaaiod.

Apitchi nitam Kije-Manito ogigijian
Anjeniwan; mino-manitowiwig Anje-
niwig. Kitchi nibiwa ogigijian, kakina

dach mamawi gijigong ogiassan, win odo-gimawiwining. Anind igiw Anjeniwag gijigong gimaminadisiwag, kawin Kije-Manon ogibabamitawassiwawan; Kije-Manito dach anamakamig kagige ichkoteng ogiapaginan iniw gamaminadisnidjin Anjeniwan; nongom dach matchimanitowiwag. Ogima-matchi-manito *Beelzebub* ijinikaso, *Luzifer* gaie ijini-kaso. — Igiw dach meno-ijiwebisidjig Anjeniwag keiabi gijigong aiawag, kaginig dach gaie gijigong taminawani-gosiwag. Nissiwag dach igiw Ogima-Anjeniwag gijigong eiadjig, mi sa *Michel*, *Gabriel*, *Raphaël* gaie.

Mi ejibiigadeg Kije-Manito oma-sinaiganing: Ningotwasso-gwan gidajita Kije-Manito, giojitol aki, gijig gaie, kakina gaie minik endagog aking gaie gijigong. *Nitam gijigad* Kije-Manito ogiojiton ow aki; pijichig aki ogiojiton nitam, kawin gego machi atessinon iwapi oma aking; mamawi gaie kakina ate, nibi, aki gaie. Wasseia gaie Kije-Manito ogiojiton, mi iw gijigad; twasseiamagad, ikito Kije-Manito, mi dach eji-wasseiamagad. — *Nijing giji-*

gad ogiojiton ow gijig ichpiming, anak-wadon gaie ogiojitonan. — *Nissing gjigad* Kije-Manito ogiojiton jiwitaganikitchigami, kakina kitchigami, sagaiganan, sibiwan gaie; mi dach pitchinag weweni nagwad aki. Ka dach machi tego atessinon aking, kawin awia mitig, kawin gaie tego machkossiw; mi dach eji ojiad kakina mitigon ejiwinsonidjin, anotch gaie machkossiwan odo-jitonan. *Niwing gjigad* Kije-Manito odojian gisisson, tibikigisisson, anangon gaie. Kawin dach machi awia bimadisissi aking, kawin awia awessi, kawin gaie binechi, kawin bapich awia. *Nanning gjigad* mi pitchinag ojiad Kije-Manito kigoian, kakina gaie nibikang ebinidjin; gaie dach binechiian, kakina gaie bebamissenidjin odojian iw gjigad. *Ningotwatching gjigad* dach Kije-Manito odojian kakina awessiian endasswoiagisinid, kakina gaie akikang bemossenidjin. Apitchi ichkwatch dach bejig ininiwan odojian; *Adam ijinikaso* aw nitam anichinabe.

Aki odaion Kije-Manito, omasinadinan nitam ininiwan wiiawini; och-

kinjigoning dach onessenodawan, tchi otchitchagonid. Gwanatch kitiganing Kije-Manito odassan nitam ininiwan. Ningoting dach Kije-Manito odinan: Ambe, Adam, ki wabamag oma kakina awessiiag, kakina gaie binechiiag endasswoiagisivad, kakina gaie bemadisidjig akikang, nibikang gaie ki wabamag oma. Ambe wawinj getijinikasowad kakina; kin getijiwinadwa, mi getijinikasowad. — Mi dach eji-wawinad Adam kakina aki-kang, nibikang gaie ebinidjin.

Kitchi onijichin kitigan, endaji-bimadisid nitam inini Adam; anotch maniwidjig mitigog ima patakisowag. Kawin dach minwendasin aw inini, kachkendam nijke aiad. Ningoting dach Adam niba, megwa dach nibad, Kije-Manito omamowan bejig opigeganani, mi dach ojiad ikwewan. Adam dach gwechkosid kitchi mamakadendam, be-kich gaie kitchi minwendam waiabamad ikwewan. *Eve* ijinikaso nitam ikwe. Kije-Manito dach owidigean nitam ini-niwan, nitam ikwewan gaie. Mi sa iwapipi gaojitol wenijiching widigendiwin.

Neienj igiw nitam anichinabeg

pingwachagidiwag, kawin dach okiken-dasinawa, kawin gaie bapich ondji mat-chi inendasiwag, epitch kitchi mino-ijiwebisiwad.

Ima dach kitiganing kitchi nibiwa patakisowag mitigog maniwidjig; nawaiai gaie kitiganing bejig mitig patakiso. Kije-Manito dach ow odinan nitam anichinaben: Mano midjig egodeg kakina mitigong oma kitiganing; mi eta egodeg wedi mitigong nawaiai petakisod, kego iw midjikegon; kichpin midjiieg, ki ganibom; odinan. — Kawin anawi sanagassanon iw Kije-Manito organasongewin; nitam anichinabeg dach kawin obabamitawassiwawan Kije-Maniton; kitwen omidjinawa iw maniwang, ano kinaamawindwa, matchi maniton ododagowan. Waiabamad nitam anichinaben eji jawendagosinid ima gwannatch kitiganing, kitchi nichkadisi, kach-kendam gaie; mi dach kinebigong biijinagwiod mitigong nawaiai petakisod; ikwewan dach organonan: Mano amon aw michimin, odinan. Ikwe dach ikito: Kawin nin gatamwassi. Kego midjikegon oma egodeg, nin giigonan Kije-

Manito. Ki ganibom, kichpin midjiieg, nin giigowan. — Matchi manito dach ikito: Kawin ki ganibossim; nawatch ki ganibwakam, kakina gego ki gakkendanawa, tibichko Kije-Manito, kichpin midjiieg; mi dach: kego midjikegon, gaondji inineg Kije-Manito. — Mi dach ikwe eji odapinad michiminan, amwad; ininiwan gaie odachaman, gaie win dach inini odamwan.

Mi gaijiwebisiwad nitam anichinabeg kitchi kitiganing; gikitchi-matchidodamog sa, kawin Kije-Maniton ogibabamitawassiwawan, awachime matchi maniton ogibabamitawawan. — Mi sa iw netamissing batadowin oma aking, mi iw batadowin bagiginigiiang kakina.

Pabige dach pakichkaniwan ochkinjigowan, wabandisowag pingwachagidiwad; matchi inendamog dach, agatchiwag gaie; mi dach eji mamowad kitchi anibichan, odansianiwad. — Iwapi dach Kije-Manito obiganonan ininiwan, aniinad: Adam, anindi aiaian? — Adam dach segisi, ningotchi kaso. Onakwetawan dach Kije-Maniton ekitong: Nin ginondan ki gigitowin, ki gos-

sin dach, pingwachagidiian, mi wendji kasoian. — Kije-Manito dach odinan: Anichwin kekendaman pingwachagidiian? mi eta gimidjiian iw gaininan tchi midjissiwan, mi wendji kikendaman. — Adam dach ikito: Aw ikwe gamijiian tchi widigemid, nin giachamig, nin gimidjin dach. — Kije-Manito dach okag-wedjiman ikwewan: Wegenen gaondjidodaman iw? — Ikwe dach ikito: Kinebig nin giwaiejimig, mi gaondji midjiiian. — Kije-Manito dach odinan kinebigon: Gidodaman iw, ki gakitchi-jingendagos oma aking; kakina aking ebidjig awachime taapitendagosiwag, kin getapitendagosiian . . . — Ikwewan dach ow odinan: Ki gakitchi-animis aking. Getapitch gigichkawad abinodji, ki gatanimis; api dach geodjitchisseg gijigad tchi nigiawassoian, ki gakitchi-animis. Ki nabem dach ki gadibenimig. — Ininiwan dach ow odinan: Ki gibabamitawa ikwe, ki gimidjin iw gaininan tchi midjissiwan; ki gakotagendam api kitigeian, tamanedad aki, kin ondji. Getako-bimadisiian ki gakitchikitige, tchi ondji bimadisiian . . . Ki

gatabwes ki katigwang, tchi bwa amwad pakwejigan. Aking giondji-ojitchigade kiiaw, minawa dach ki gatakiw.

Kije-Manito odagwian nitam anichinaben, awessi-waianan odaionan; osagidjinajawan dach kitchi kitiganing.

Panima dach nagatch nitam ikwe Eve onidjanissi, nitam ogwissan onigian,

Cain odijinikanan. Minawa dach ningoting ogwissi, *Abel* dach odijinikanan.

— Abel kitchi bekadisi, mino-ijiwebisi, manichtanichan organaweniman. Cain dach matchi-ijiwebisi; kitigewininiwi dach win. Ojingeniman dach ochimeian, gagawenimad. Ningoting dach pagitchigewag neienj; Kije-Manito dach

omino-odapinan Abel opagitchigewin, Cain dach opagitchigewin kawin odo-dapinansin; mi dach awachime wendji nichkadisid Cain. Ningoting dach odinan ochimeian: Ambe, kitiganing ijada.

— Badagwichinowad kitiganing, otakonan ochimeian, onissan dach. Mi iw nitam nibowin oma aking, Abel onibowin.

Kitchi ginwenj bimadisiwag iko iwapi anichinabeg aking, bekich dach

kitchi matchi-ijiwebiwag, anotch matchi dodamog, kawin gaie bapich Kije-Maniton omanadjiasiwwawan. Ningojan eta mino-ijiwebisiwwag, mi sa Noe, wiwan gaie, nisswe gaie ogwissan, nisswe gaie ossimin. — Kije-Manito dach kawin bapich minwendasin ejiwebisiwwad bemadisidjig aking, mi dach eji inendang, kakina anichinaben nibikang tchi dapinead; meno-ijiwebisinidjin inniwan Noeian eta ojaweniman. Odinan dach ningoling: Ambe ojiton kitchi nabikwan; jaigwa becho iw tchi ichkwbimadisiwwad kakina anichinabeg aking; nibikang nin gadapineag. Kin eta, gaiedach ki widigemagan, kigwissag gaie, owidigemaganiwan gaie, kawin ki ganibossim nongom.

Ominan dach gaie Kije-Manito machkawendamowin tchi gachkitod tchi ojitol kitchi nabikwan. Ginwenj dajita, mi sa ningotwak dasso bibon achi nijtana; megwa dach ojitol nabikwan, mojag gagikwe, weweni organonan metchi-ijiwebisinidjin tchi anwenindisowad, tchi andjitowad obimadisiwiniwan. Mi sa ojitoian kitchi nabikwan, odinan, tchi

bimadisiian; kinawa dach kakina nibikang ki gadapinem, kichpin anwenindisossiweg, kichpin gaie andjitossiweg ki bimadisiwiniwa; odano-inan. Kawin dach awia bapich obabamendasin wenijiching gagikwewin.

Api dach gagijitod Noe kitchi nabikwan, Kije-Maniton odigon: Kakina awessiag, kakina gaie binechiiag, kakina go aking bemadisidjig neningotwewan ki gabosiag, anind dach nenijwasswewan; midjim gaie bositon. — Kije-Maniton dach owidokagon Noe tchi gachkiad kakina awessiian tchi bosiad.

— Ichkwatch gaie winawa bosiwag. Gabosiwad dach, Kije-Manito okitchikimiwaniton enigokwag aki nimidana dasso gijig, nimidana gaie dasso tibik; mi dach kakina mochkaang aki. Geget iwapi kitchi animisiwag metchi-ijiwebisidjig; ano mawiwag, ano ojimowag ningotchi wadjiwing, echkam dach mochkaan, echkam nibiwa pangichinog nibing; kegapi dach kawin ningotchi panginagossinon aki. Kakina dach iwapi nibikang dapinewag. Igiw dach menoijiwebisidjig, kitchi nabikwaning gabo-

sidjig, kitchi minoaiawag nabikwaning,
okitchitwavenimawan Kije-Maniton.

Ningotwasso gisiss gimochkaan aki;
panima dach echkam iskate, nabikwan
dach ningotchi wadjiwing bagossin; ka-
win dach pabige Noe sagaansi, keiabi
nisso gisiss achi abita aia nabikwaning,
mi eji inendang wi-sagaang; nitam dach
opagidinan bejig kagagiwан, omikan
dach aw ningotchi tchi bonid, kawin
minawa giwessi nabikaning. Panima
dach nagatch opagidinan wabi-omimin,
win dach kawin ningotchi bonissi, mi-
nawa bigiwe nabikwaning. Minawa
dach nagatch opagidinan wabi-omimin,
kawin dach kabegijig bigiwessi, ona-
gochig dach bigiwe, binimaang anibichan.
Minawa dach opagidinan wabi-
omimin, mi nissing; kawin dach bigi-
wessi. Mi dach Noe eji kikendang,
apitchi giiskatenig, mi dach eji saga-
amowad nabikwaning, pabige dach opa-
gidendamawawan Kije-Maniton pagi-
tchigewin, omamoiaawamawan gaie gi-
bimadjiigowad. Kije-Maniton omino-
dapinan iw pagitchigewin, odinan dach:
Kawin wika minawa tamochkaansinon

aki . . . Mi ow nagweiab, tchi ondji-mikwendameg ekitoian nongom. Dassing waiabandamegon nagweiab, mikwendamog nind ikitowin.

Gaako mochkaang aki nawatch mino - ijiwebisiwag bemadisidjig aking; ogossawan Kije-Maniton; aw gaie meno - ijiwebisid inini Noe mojag ogagikiman tchi mino - ijiwebisinid; omikweniman gaiji - animisiwad metchi - ijiwebisidjig, api gamochkaang aki. — Kegapi dach minawa matchi - ijiwebisiwag. Okikendanawa gaiji - dodawad Kije-Manito kakina gamatchi - ijiwebisinidjin, inendamog dach: Gonima minawa tibichko ki gadodagonan Kije-Manito, gonima minawa tamochkaan aki. Mi dach wendji ojitowad ketchi - ichpamagad assini - wakaigan, ima tchi biinini-jimowad, kichpin minawa ningoting tchi mochkaang aki.

Bejigwanong dach kakina inwewag igiw anichinabeg, kakina weweni nis-sitotadiwag, mi dach kakina mamawi anokiwad. Kije - Manito dach kawin minwendasin endodamowad, mi dach ejii maiagwead kakina anichinaben. Ki-

tchi mamakadendamog dach, kawin bapich nissitotadissiwag, mi dach eji bonitowad iw assini-wakaigan. Miima wendjissing bebakan inwewin oma aking. Igiw dach nessitotadidjig mamawiidiwag, mi dach eji mamawi odetowad. Minawa dach matchi-ijiwebisiwag, ek-kam igo.

Kije-Manito dach iwapi odapitchi jaweniman bejig ininiwan; mi enenimad: Aw inini onidjanissan, oojicheian gaie, odaianike oojicheian gaie taanamiawan; nin gakikenimigog, nin gamanadjiirog. — *Abraham* ijinikaso aw inini; geget dach kakina onidjanissan, oojicheian, odaianike oojicheian gaie okikenimawan Kije-Maniton, omanadjiawan. *Judawiniwag* inawag igiw, *Israelitag* gaie inawag.

Veweni ijiwebisi mojag aw inini Abraham. Kije-Maniton odigon ningoting: Abraham, kego oma aiaken endanakiian, osam matchi-ijiwebisiwag kakina oma endanakidjig, anotch gego omanitokenawan; kegapi gaie kin ki gamatchi-ijiwebis, kichpin oma aiaian. Nindawatch madjan, wassa ningotchi

ki gaminin kitchi gwanatch aki; koji-cheiag kaginig wedi tadanakiwag; odinan Kije-Manito. — Pabige dach Abraham onagadan endanakid, wassa dach ija, *Chanaaning ejnikadeg*; omadjinan gaie wiwan, ossan gaie. *Sara ijinikaso Abraham wiwan.*

Mi dach wedi Chanaaning weweni bimadisiwad, mino-ijiwebisiwad. Kitchi kachkendam dach mojag Abraham, kawin sa wiwan wika onidjanississiwan. Naningim anamia Abraham; apegich onidjanissid nin widigemagan, inendam. Panima dach wika Kije-Manito ojawaniman: Ningoting sa Abraham owabaman nisswe ininiwan bemossenidjin, pabige dach onandoman. Ondas, odinan, biwissinig oma nakawe. — Weweni dach odachaman, kawin dach okikenimassin; Kije-Manito dach win bejig, nij dach Anjeniwag, inining kakina ijinagosiwag, kawin Abraham okikenimassin. Gaichkwa wissiniwad, Kije-Manito odinan Abrahaman: Api getibichkosseg iw gijigad, nongom eji-gijigad, minawa nin gabidagwichin oma, mi dach iwapi ki widigemagan Sara tchi ogwis-

sid. Mamakadendamog dach neienj; Sara dach bapi, ow inendang odeing: Abraham ningotwak dasso-bibonagisi; nin dach nin jangassimidana dasso-bibonagis, mi daah nongom pitchinag tchi onidjanissiān? — (Kawin dach bapich okikendasin Sara, Kije-Manitowid aw gagitod.) Minawa dach Kije-Manito odinan: Sara kego bapiken . . . gego nange Kije-Manito obwanawiton.

Igiw dach nisswe ininiwag, (mi sa Kije-Manito, nij gaie Anjeniwag,) pasigwiwag, madjawad; Abraham dach owidjiwan. Megwa dach bimossewad, Kije-Manito ow odinan Abrahaman: Mi nongom tchi banatchitoiān iniw odenawan, Sodome, Gomorrhe gaie; osam bichigwatch-ijiwebisiwag ima endadjid. — Abraham dach ikito: Gonima anind mino-ijiwebisiwag wedi; kakina na mamawi ki gabanatchiag, metchi-ijiwebisidjig, meno-ijiwebisidjig gaie? — Kije-Manito ikito: Kichpin anind mino-ijiwebisiwad ima odenang Sodoming, kawin nin gabanatchitossin odena. — Abraham dach ikito: Kichpin nanimidana, gonima nimidana, gonima

nissimidana, gonima nijtana, gonima gaie midasswe eta aiawad odenang meno - ijiwebisidjig, ki gabanatchiton na odena? — Kije - Manito dach ikito : Kichpin midatchiwad eta meno - ijiwebisidjig ima, kawin nin gabanatchitos-sin odena. — Kitchi bapinenimo dach aw kejewadisid inini Abraham; ganage midatchiwag meno - ijiwebisidjig ima kitchi odenang, inendam. Kawin dach geget aiassiwag; anawi kitchi mitchamagad odena Sodome, gaiedach Gomorrhe, ka dach ganage midasswe meno - ijiwebisidjig ima aiassiwag, kakina kitchi bichigwatch - ijiwebisiwag. — Mi dach Kije - Manito eji pangissitod ichkote ichpiming ondji; kakina dach ima eia-djig bechigwadisidjig tchagisowag kitchi ichkoteng. Mi sa tchi kikendamowad kakina bemadisidjig getijiwebisiwad, kichpin bichigwatch - ijiwebisiwad, tchi danakisowad kagige ichkoteng anamakamig, kichpin anwenindisossigwa.

Bejig eta meno - ijiwebisid inini danisi odenang Sodoming, mi sa *Lot*, Abraham odojiman. Anjeniwag dach odinawan *Lotan*: Ojimon wewib. —

Geget dach Lot ojimo; omadjinan gaie wiwan, nij gaie odanan. — Anjeniwag dach odinawan: Kijikag, kego ganage abanabikegon. — Gwaiak dach ojimo-wag; Lot wiwan eta abanabi; onichkian dach apitchi Kije-Maniton, mi dach eji jiwitagananiwid.

Iwapi dach Sara, mi sa Abraham wiwan, ogwissi; *Isaac* dach odijinikanan ogwissan. Kitchi bapinenimowag neienj, okitchi-mino-nitawigiawan dach Isaacan. — Ningoting dach Kije-Manito ow odinan Abrahaman: Ambe, pagidinamawichin kigwiss Isaac, nichi wedi wadjiwing. — Abraham dach pabige minwendam wi-debwetawad Kije-Maniton. Anawi naningim Kije-Manito ogiinan Abrahaman: Takitchi-batinowag kojicheiag; eji batinowad anangog ichpiming gijigong, mi kojicheiag getiji-batinowad; ogiinan naningim. Non-gom dach odinān: Pagidinamawichin kigwiss, nichi. — Kawin dach bapich Abraham ningot inendasin; mi eta widodang gaigod Debeniminang. — Mi dach eji madjinad ogwissan Isaacan wadjiwing. Baoditamowad dach wadjiwing,

Abraham weweni odaton missan, Isaacan dach ogitchaiai odassan, mokoman dach ododapinan wi-nissad ogwissan, wi-pagidinamowad Kije-Maniton. — Iwapi dach Anjeniwan obiganonigon ichpiming ondji, odigon: Abraham, Abraham, kego nissaken kigwiss. Jaigwa Kije-Manito ki kikenimig eji songendaman majag tchi babamitawad... Geget ki jawendagos, Kije-Manito ki kitchi sagiig; gaie dach kojicheiag takitchibatinowag; anangog gijigong eji batinowad, mi geiji-batinowad kojicheiag.

Isaac mojag kitchi mino-ijiwebisi, weweni odanokitawan Kije-Maniton. Api dach ininiwid, ododapinan meno-ijiwebisinidjin ikwewan, *Rebecca* ejinikasod. Ginwenj *Rebecca* kawin onidjanississi, mi sa nijtana dasso bibon; panima dach ningoting onigian nij ogwisan nijodensan, mi sa *Esau*, *Jacob* gaie. Kitchi bakan dach ijiwebisiwag igiw: Esau mojag nopiming babamosse, babagiosse; Jacob dach bekadissi, manichtanichan organaweniman.

Anawi nijodeiag igiw nij; pangidach sasikisi Esau. Sesikisid dach mojag

niganendagosi, nawatch gaie gego odi-bendan; mi enakonigewad iwapi ani-chinabeg. Ningoting dach Esau dagwi-chin endawad, kitchi aiekosi, bakade gaie; Jacob dach tchibakwe. Esau dach odinan: Nichime, mijichin iw tchabak-weian, nin bakade. — Jacob dach odinan: Kawin; mi eta mijian, nin tchi niganendagosiiàn, tibichko sesikisid. — Esau dach ikito: Mano; waiba sa nin ganib, kawin nin babamendasin iw ni-ganendagosiiwin. — Mi dach ejí minad ochimeian tchi niganisinid; ochimeian dach odachamigon.

Iwapi dach Isaac jaigwa kitchi gika; kawin gaie wabissi. Ningoting dach odinan sesikisinidjin ogwissan Esauan: Ningwiss, giessen, bidon wiiass, achamichin dach; ki gatanamieton sa tchi bwa ni-boià̄n, Kije-Manito tchi jawenimik mo-jag. — Geget dach Esau giosse. Megwa dach babanandawendjiged, Rebecca tchibakwe, Jacoban dach ominan iw wiiass, eniinad: Ningwiss, mano acham koss, tchi bwa dagwiching kissaie Esau; kin dach ki gatanamietawig koss, Kije-Manito tchi jawenimik. — Jacob jagwenimo,

ogossan ossan. Ogin dach odigon: Mano, ningwiss, nasikaw koss, acham; kawin sa wabissi, kawin ki gakikenimigossi. — Geget dach Jacob odachaman ossan Isaac: Isaac dach kawin okikenimassín; mi sesikisid ningwiss, odineniman; mi dach eji anamietawad. — Panima dach Esau dagwichin, kitchi kachkendam dach waiabandang gaijiwebak, bekich gaie kitchi nichkadisi, wi-nissad ochimeian Jacoban; Jacob dach ojimo, wassa dach ija bakan aking; ginwenj wedi danisi, mi sa nijtana dasso bibon, kitchi nibiwa dach wedi ógachkiton anokitaged. — Minawa dach bigiwe endanakid, nij ikwewan owidigeman, kitchi dani dachgaie. Badagwiching dach endanakid, ogossan ossaieian Esauan; kawin dach keiabi Esau nichkadisissi; omino-odapinan ochimeian, bisan dach minawa mamawi bimadisiwag.

Bejig Jacob wiwan *Rachel* ijinikasso, bejig dach *Lia*. Jacob ogwissan kitchi batinowan, midatchiwan achi nij; mi ejinikasowad: *Ruben*, *Simeon*, *Levi*, *Judas*, *Issachar*, *Zabulon*, *Dan*, *Nephtali*, *Gad*, *Aser*, *Joseph*, *Benjamin*.

Mamakadakamig ejíwebisid bejig Jacob ogwissan, mi sa *Joseph*. Kitchi mino-ijiwebisi aw Joseph, ossan dach okitchi-sagiigon; kakina dach Joseph ossaieian matchi-ijiwebisiwan, ojíngeni-mawan ochimeiwan. — Ningoting dach Joseph inabandam nibatibik, pabige dach waiabang owindamawan ossaieian gaiji-inabandang, aniinad: Nissaeidog, ow nin giinabandam tibikong: Mamawi ki gaiamin kitigaming, mamoiang pakwejiganachkon; nawaiai dach nin giwabandanán nin pakwejiganachkoman, giwitaiai dach kinawa ki pakwejiganachkomiwan; kit aiaimiwan dach ojagachkitanawa nind aiaiman. — Minawa dach ningoting odinan: Mi minawa gainabandam tibikong: Gisiss, tibikigisiss gaie, anangog gaie midasswe achi bejig nin gibinasikagog, nin gibijagachkitagog. — Echkam dach ossaieian ojinge-nimigon.

Ningoting dach wassa ningotchi ijawag, ganawenimawad manichtanichan, pijikiwan gaie. Jacob dach odinan Josephan: Ningwiss, madjan, nandawabam kissaieiag; biwindamawichin dach eji bi-

madisiwad. — Mi dach ejji madjad Joseph, omikawan dach ossaieian. Winawa dach, api waiabamawad Josephan dagwichininid, pabige matchi inendamog, ganonidiwig dach: Mi wedi baddimossed neta-inabandang; taga nissada. — Bejig dach ikito: Kego, kego nissakegon; oma nindawatch assing wanikaning. — Panima gimodj nin gagitchiwebina, inendam; mi dach, oma assig, wendji ikitod. — Geget dach odassawan ima; nitam dach omakawan wenijiching obabinsikawagan. Iwapi dach owabamawan atewewininiwan, wassa wendjibanidjin. Badagwichinowad dach atawewininiwig, organowan Joseph ossaieian, odatawenawan dach ochimeiwan. Atewewininiwig dach omadjinawan Josephan wassa, mi sa *Egypting*. Winawa dach Joseph ossaieian omamonawa Joseph obabinsikawagi, omiskwimitonawa, bejig dach omadjidon ossiwan Jacoban, odinan dach: Nin gimikamin ow babinsikawagan bagwadakamig; wabandan, gonima kigwiss obabinsikawagan. — Jacob dach pabige ikito: Mi sa ningwiss obabin-

sikawagan; matchi awessiian oginissi-gon. — Ginwenj dach kitchi mawi, kitchi kachkendam, goniaid ogwissan.

Atawewininiwag dach omadjinawan Josephan Egypting, mi dach wedi atawewad; bejig inini, *Putiphar* enind, ogichpinanan. — Weweni Joseph ima ijiwebisi, weweni odanokitawan iniw ininiwan. — Putiphar wiwan dach bichigwatch-ijiwebisiwan; organonan nинготинг Josephan wi-matchi-dodamoad. Joseph dach agatchi, ow ikito: Kawin nin gabichigwadisissi, osam nin manadjia ki widigemagan debenimid; osam gaie nin gossa Kije-Manito; kawin bapich nin minwendasin tchi matchi dodamān, Kije-Manito sa nin wabamig. — Keiabi dach iniw ikwewan organonigon; mi dach Joseph eji ojimod; ikwe dach omindjiminan obabinsikawaganing; Joseph dach onagadan obabinsikawagan, ojimod. Ikwe dach kitchi nichkadisi, bibagi, nandomad odochkinigiman, anii-nad: Aw matchi aiaawich Joseph nin gibiganonig tchi bichigwatch-ijiwebisiang; kawin dach nin giminwendasin, nin gisagidjiwebina, okitchi-babinsika-

wagan dach onike oma, epitch ojimod.
— Putiphar dach debwetam ekitod wiwan, Josephan odassan kibakwoodiwigamigong.

Ima dach kibakwoodiwigamigong iwapi nij aiawag kitchi ogima *Pharao* odochkinigiman. Ningoting dach megwa nibawad inabandamog neienj. Joseph dach odinan: Mi sa wendji - inabanda-meg tchi ondji kikendameg getijiwebisiiieg: bejig tajawendagosi, kitchi-ogima ogajaweniman, ogamino-odapinan minawa nissogwanagadinig; bejig dach tanimisi taagona nissogwanagadinig. — Mi dach geget ejiwebak.

Ningoting dach gaie win *Pharao*, kitchi ogima, inabandam. Onandoman dach kakina nebukanidjin ininiwan, odinan: Mi gainabandamān: Nijwasswe pijikiwag nin giwabamag ketchi-min-didodjig, nijwasswe dach ketchi-paka-kadosodjig; pekakadosodjig dach ogiam-wawan mendidonidjin. Minawa dach nin giwabandanā nijwasswe wenijichingin pakwejiganachkon, nijwasswe dach egassagin; iniw dach egassagin ogimidjina-wa wenijichingin. Wegenen iw? anin

enendameg? — Kawin dach awia ogach-kitossin tchi windamawad kitchi ogiman, wegotogwen iw gainabandang. — Mi dach aw bejig gakibakwaigasod pitchinag mikwenimad Josephan, keiabi kebakwai-gasonidjin, odinan dach kitchi ogiman: Aw Joseph kebakwaigasod odagachkiton tchi windamok wegotogwen iw gainabandaman. — Pabige dach kitchi ogima onandoman, owindamawan dach gainabandang. Joseph dach ow odinan kitchi ogiman: Debeniminang Kije-Manito ki windamag getijiwebak. Nijwasswe mendidodjig pijikiwag, wenijichingin gaie pakwejiganachkon, mi nijwasswe kikinonowinan; iwapi takitchi-nitawiginon kitiganan; kawin wika giijiwebassinon, getijiwebak nijwasso kikinonowin. — Igiw dach pekakadosodjig pijikiwag, egassagin gaie pakwejiganachkon, mi minawa nijwasswe kikinonowinan; iwapi dach kawin bapich tanitawigginsinon kitiganan; mi dach tchi kitchi bakade-winiwang. Mano dach, kitchi ogima, anoj nebwakad inini, tchi mawandjitod pakwejiganachkon endasso nibin nijwasso kikinonowin, weweni tchi wissini-

wad oma endanakidjig api gebakade-winiwang nijwasso kikinonowin.

Mi sa Joseph enad kitchi ogiman. Kitchi ogima dach kitchi mamakaden-dam, ow dach odinan Josephan : Geget Kije-Manito ki widjiwig; kawin awia iji nibwakassi, kin eji nibwakaian; kin nindawatch ki ganiganis oma nind aki-ming Egypting; kin gaie ki gatanoki tchi mawandjitowad pakwejiganachkon endasso nibin nijwasso kikinonowin. — Mi dach kitchi ogima eji anokid, tchi bibagiwad misi ima odenang', tchi ikitowad : Mi aw Joseph aiapitchi-niga-nisid oma Egypting.

Gaikitod Joseph kija, mi geget eji-webak. Mojag dach babaija mawandji-tod pakwejiganachkon, nijwasso kikino-nowin; mojag kitchi nitawiginon kitiganan. Gaichkwasseg dach iniw nijwass-we mino kikinonowinan, mi madjisseg kitchi kitimagisiwin, kitchi bakadewin gaie; kawin sa bapich nitawiginsinon kitiganan nijwasso kikinonowin. Mi dach Joseph iwapi achamad kakina ima endanakinidjin, odatawenan pakwejiga-nachkon.

Gaiédach winawa Joseph ossaieian kitchi bakadewan ; kawin dach okiken-dasinawa eji mino - aiad Joseph ima Egypting. — Ossiwan dach odigon : Nin nidjanissidog, Egypting kiwe batinadon pakwejiganachkon ; madjag awi - gich-pinadoiog, osam ki bakademin. — Mi dach eji ijawad ; ginwenj bimossewag, mi dach dagwichinowad Josephan endanid, mi sa ochimeiwan ; kawin dach okikenimassiwawan, win dach Joseph pabige onissitawweniman ossaieian. Ondjita dach kawin omino-ganonassin, nechkadisingin dodam, wi-segimad ; nin wi-kikenimag nissaieiag ejiwebisiwad, inendam, gonima keiabi matchi-ijiwebisiwag. Okagwedjiman dach : Anin endachiieg ? — Nin midatchimin oma, ikitowag ; bejig dach, mi sa *Benjamin* egachiid, ichkwi endanakiiang ; bejig dach ginibo. — Joseph dach odinan : Madjag, binig oma kichimeiwa Benjamin ; bejig dach oma taichkwi binich tchi dagwichineg minawa. — Ominan dach pakwejiganachkon, jonia gaie minik gabidowad, gimodj odaton omachkimodaning. Mi dach eji giwewad, owin-

damawawan ossiwan kakina gaikitod aw naganisid inini.

Anawi nibiwa midjim obidonawa, waiba dach kakina otchaginanawan batinowad. Mi dach minawa wi-ijawad; Jacob dach kawin bapich minwendasin tchi pagidinad ogwissan Benjaminan, osam osagian. Panima wika opagidinan, api minawa bekadewad apitchi. — Api dach degwichinowad Egypting, kitchi minwendam Joseph, omino-ganonan; api dach waiabamad ochimeian Benjaminan, kitchi bapinenimo odeing, gimodj mawi. Weweni dach odachaman, omino-dadawan; kawin dach machi awia endachiwad onissitawenimasson Josephan. — Jonia dach neiab obidonawa. Minawa dach Joseph ominan nibiwa pakwejiganachkon, jonia gaieminik gabidowad, minawa gimodj odaton omachkimodaning; gaiedach jonia-minikwattchigan, win tibinawe odaiaim, gimodj odaton Benjamin omachkimodang; mi dach eji pagidinad tchi madjawad. Gamadjawad dach, Joseph odinan bejig odochkinigiman: Madjan, nopinaj igiw, ow dach ki gatinag: Anin ejiwebisiieg

gimodiieg, ano mino - dodagoieg? Debenimid ominikwatchigan ki gigimodinawa. — Kitchi mamakadendamog dach kakina, ow ikitowag: Kawin gego nin gigimodissimin. Wabandan oma nin machkimodananin; kichpin mikaman iw minikwatchigan, mano kakina nin gatawakanigonan debenimik. — Kawin, ikito aw inini, win eta gagimodid ogatawakanan debenimid. — Mi dach eji pakinamowad kakina omachkimodawan; Benjamin dach omachkimodang omikanawa minikwatchigan. Minawa dach kitchi mamakadendamog, segisiwag gaie. (Kawin dach okikendasinawa gaijiwebak; Joseph tchi giatod ominikwatchigan win Benjamin omachkimodang.)

Mi dach eji giwewad odenang; bejig dach organonan Josephan aniinad: Wegonen getikitoiang! Kije - Manito omikwendan nongom gaiat nin matchijiwebisiwininan, mi sa iw wendji-dodagoiang. Mano kakina ki gatawakaji-min. — Joseph dach ikito: Kawin kakina; win eta gagimodid, nin gatawakan; kinawa dach giweiog. — Bejig dach ikito: Kawin nin nin gagiwessi,

kichpin Benjamin oma ichkwid; kawin nin daminwendasin tchi wabandamàn nossinan okitchi-kachkendamowin; nin giigonàn sa: kichpin binassiweg minava ningwiss saiagiiag Benjamin, nin ganib, geapitch-kachkendamàn. — Mano nin nin gatichkwi oma, win dach tamadjà; osam takachkendam nossinan, kichpin Benjamin giwessig.

Joseph nongom weweni okikendan eji mino-ijiwebisinid kakina ossaieian; mi dach madji-mawid Joseph, odinan dach ossaieian: Nindaw Joseph, kichimeiwa! Keiabi na bimadisi kossinan? — Apitchi dach segisiwag; kawin awia ogachkitossin tchi gigitod. — Minawa dach Joseph odinan: Binasikawichig; Joseph nindaw, kichimeiwa. Kego segisikegon; Kije-Manito nin giinenimig, oma tchi biijàn kija, kinawa kakina tchi mino-aiaieg. Nijo bibon eta, eko bakadewiniwang, keiabi dach nano bibon takitchi-bakadewiniwan. — Odinan dachgaie tchi nanawad ossiwan, kakina tchi biijawad Egypting. — Geget dach Jacob Egypting ija; kakina dach onidjanissan, oojicheian gaie odani-widji-

wawan. Joseph dach omino-odapinan kakina, weweni organaweniman.

Jacob kitchi gika iwapi, ningotwak achi nissimidana dasso-bibonagisi; kitchi batinowan jaigwa oojicheian. *Israel* gaie ijinikaso Jacob, mi dach *Israelitag* wendji-ijinikasowad kakina Jacob odaianike-ojicheian. Bejig dach Jacob ogwisan *Judas* ina, mi aw maiamawi-niganendagosig, mi dach *Judawininiwag* gaie wendji-ijinikasowad *Israelitag*, mi sa kakina Jacob odaianike-ojicheian, binich igo nongom gjigak, binich gaie tchi ichkwa akiwang; mojag sa aking taaiauwag *Judawininiwag*.

Midasso bibon achi niywasso bibon Jacob danisi Egypting, mi dach nibod. Kitchi ginwenj dach win odaianike-ojicheian ima aiawan, mi sa niywak achi midasswe achi nano bibon. Mi dach ejii batinowad *Israelitag*; ka dach bapich mino-aiassiwag ima Egypting. Waiechkat eta, megwa bimadisid Joseph, mino-aiawag; echkwa-bimadisid dach Joseph, echkam igiw bekanisidjig kitchi ogimag ojingenimawan *Israelitan*. Bejig dach kitchi ogima Egypting ow inakonige:

Kakina kwiwisensag wechki-nigidjig Israelitag tanissawag, nibikang taapaginawag. — Mi wendji-inakaniged iw, epitch jingenimad Israelitan.

Iwapi dach ondadisi bejig kitchi gwanatch kwiwisens, Moïse ejinikasod. Ogin okitchi-sagiigon, bekich dach okitchi-gossan jímagáníchan; gonima waiba tabi-ijawag tchi nissawad ningwissan, inendam. Kitchi ginwenj anawi ogin okanigon, kawin awia okikenimassín tchi ogwissid. Kawin dach ogachkitos-sin, mojag tchi kanad; kichpin kíkenimigoiàñ tchi ogwissiàñ, nin ganissigog, ningwissan gaie organissawan, inendam.

— Mi dach ojitet wadabimakakons, pindjaiai dach opigikadan, ogwissan ima weweni opagidinan, nibikang dach odasan, becho ima kitchi ogima owakaigan endagog. Wenagochig dach kitchi ogima odanan ima bimossewan, mi dach eji wabamad abinodjiian wadabimakakonsing, omíno-odapinan dach, wenidjanissingin odiji-odapinan, weweni dach onitawigian kitchi ogima owakaiganing.

Nimidana dasso bibon Moïse aia kitchi ogima owakaiganing. Kitchi kach-

kendam mojag waiabamad widjikiweian Israelitan eji kotagendaminid. Ningoting dach Moïse owabaman bejig metchijiwebisinidjin ininiwan megwa pakiteowanid Israelitan, kega onissan; Moïse dach nindawatch onissan iniw metchijiwebisinidjin iniwan. — Mi dach eji ojimod Moïse, wassa ija, mi sa Madi-
aning ejinikadeg; ginwenj wedi aia, manichtanichan ganawenimad, tchi on-
dji - bimadisid. Ningoting dach wassa nopiming odijiwinan omanichtanichi-
man; ima dach sesika owabandan kibinsan sakidenig, anawi kitchi saki-
deni, kawin dach nawadidessinon. Gin-
wenj organawabandan iw ichkote, kitchi mamakadendam. Kegapi dach ija awi-
wabandang namandj ejivebadogwen; bauditang dach ima becho, Kije-Manito ima ichkoteng odondji-ganonan,
odinan: Moïse, kego nawatch becho bijaken, kisikan ki makisinan, kitchitwa-
wendagwad sa ow aki takwokian.

Mi dach Kije-Manito eji anonad ima Moisan, Egypting tchi ijad, tchi ojimoad Judawininiwan, (Israelitan,) eji kotagendamowad wedi. — Moïse dach

jagwenimo ; nin dagachkiton nange, iw tchi dodamàn, ikito. — Kije - Manito dach omachkawisian ; kaginig ki gawidokon, odinan. Ow dachgaie odinan : Akikang apagiton ki sakaon tekonaman. — Moïse dach odapagiton, mi dach ejí kinebigowang. — Minawa dach Kije - Maniton odigon : Odapin aw kinebig. — Moïse dach ododapinan, mi dach neiab osakaon. — Nibiwa gaie minawa Kije - Manito odinan Moïsan, tchi ondji-kikendaminid, win awid Kije - Manito gagitod ima ichkoteng.

Mi dach Moïse ejí madjad, Egyp ting awiijad; onasikawan kitchi ogiman, ow dach odinan : Debeniminang ichpiming gjigong eiad kit ig, tchi pagidinadwa Israelitag, tchi sagaamowad oma Egypting, bakan aking tchi ijawad. — Kitchi ogima dach kawin bapich minwendasin, kawin gaie opagidinassin Israelitan. Kije - Manito dach odinan Moïsan, mamakadakamig tchi dodang; mi dach geget anotch kitchi mamakadakamig dodang Moïse, tchi ondji - kikendang kitchi ogima, ejiwebisid Kije - Manito, win enendang tchi madjawad

Israelitag. Nawatch dach nichkadisi kitchi ogima, kawin gaie opagidinassin Israelitan, (Judawininiwan.)

Ichkwatch dach Kije-Manito odinan Moisan: Nasikaw minawa kitchi ogima, ow dach ki gatina: Mi ekitod Debeniminang: Kichpin pagidinassiwadwa Israelitag tchi madjawad, kakina sesikisidjig kwiwisensag tanibowag oma Egypting; gaie kin segikisid kigwiss tanibo; kakina gaie endassing wigiman sesikisid kwiwisens tanibo. — Kawin dach bapich debwetasin kitchi ogima, *Pharao ejnikasod*, kawin gaie opagidinassin Israelitan. — Kija dach Moise ow odinan Israelitan: Gijitaiog, nongom tibikak ki gamadjamin.

Nibatibik dach geget ijiwebak gaitod Kije-Manito; kitchi ogima ogwisan sesikisinidjin nibowan, kakina gaie sesikisidjig kwiwisensag misi ima Egypting nibowag. Mi dach kitchi ogima eji segisid; onandoman dach Moisan nibatibik, odinan: Mano madjaiog kakina. — Kakina gaie Egypting endanakidjig odinawan Israelitan: Madjaiog, madjaiog: kakina nin ganibomin, kichpin madjas-

siweg. — Kitchi nibiwa gaie jonia, osawa jonia, agwiwinan, anotch gaie gego wenijiching ominawan Israelitan, wewib tchi madjawad. — Mi dach geget madjawad; kitchi batinowag, ningotwasswak dassing midasswak ininiwag eta, nwatch dach nibiwa ikwewwag, abinodjiag gaie. Moïse dach odijiwinan Israelitan, (Judawininiwan) bagwadakamig, weweni ima tchi manadjiauwad Kije-Maniton.

Pharao dach, kitchi ogima, pabige minawa matchi inendam, kawin minwendasin gimadjawad Judawininiwag; kekejdine dach onandoman ojimaganiciman, odinan dach: Ambe madjada, nopinanada Judawininiwag, miganada, tchi bigiwewad minawa, tchi anokiwad oma. — Mi dach geget madjawad, kitchi ogima, ojimaganichiman gaie. Badagwichinowad dach bagwadakamig, omikawawan Israelitan. Kitchi segisiwag Israelitag; Moïse dach odinan: Kego segisikegon; Kije-Manito ki gawidokagowa, kawin win gego obwanawitosin; weweni apenimoioig.

Tibikak iwapi. Kije-Manito dach

odaton kitchi anakwad nissawaiai Israe-litag, igiw gaie jimaganichag, kawin wabandisossiwig; kitchi wasseiamagad Israelitag nakakeia; kitchi kachkitibikad dach jimaganichag nakakeia.

Kitchigaming dach dagwichinog Israelitag, miskwagami-kitchigami ejinikadek. Mi dach iw wendji-segisiwad apitchi, ikitowag sa: Kawin nongom ki gachkitossimin tchi ojimoiang oma. — Kije-Manito dach odinan Moisan: Ki sakaon mamon, pakitean kitchigami. — Opakitean dach, mi dach nibi ejinigadechtag, tanassag, nij kitchi wadjowan ate nibi, nawaiai dach aniben-gwanini, mi dach ima bimossewad kakina Judawininiwig kabe-tibik, mi dach weweni dagwichinowad agaming. Kigijeb dach kitchi ogima, gaie dach jimaganichag owabamawan Judawininiwan agaming; bekich gaie owabanda-nawa kitchigami ejinagwak; ikito dach kitchi ogima: Ambe ijada agaming gaie kinawind oma nawaiai. — Geget dach madjawag wi-nopinanawad Israelitan. Api dach degwichinowad nawaiai kitchigami, Kije-Manito odinan Moisan: Tan-

gaan kitchigami. — Otangaan dach Moïse, mi dach eji kibwagamichkag nibi, kakina dach ima nibikang dapinewag, mi sa kitchi ogima, kakina gaie jimganichag.

Israelitag dach agaming nabawidjig kitchi bapinenimowag, okitchi-mamoia-wamawan Kije-Maniton giojimoigowad. Madjawag dach bagwadakamig ijawad; nimidana dasso bibon mojag bagwadakamig babaaiaiwag, Kije-Maniton dach weweni odachamigon; mi sa pakwejigansan waiabichkisinidjin achamad. *Manä*, mi ejinikasowad igiw pakwejigansag. Mojag sa go, megwa Judawininiwag babadanisiwad bagwadakamig nimidana dasso bibon, apitchi wenijichi-djig pakwejigansag ichpiming gjigong biondji - pangichinog endasso kigijeb; Judawininiwag dach omawandjiawan amwawad; mi dach iw wendji - bimadisiwad bagwadakamig nimidana dasso bibon. Echkam nawatch wassa ijawag bagwadakamig, kitchi bengwanini dach ima, kawin ningotchi nibi omikasina-wa. Pabige dach Judawininiwag okitchi-matchi - inawan Moïsan, wi-nissawad.

Moïse dach anamia, Kije-Maniton nandomad. Kije-Manito dach odinan Moïsan: Mamon ki sakaon, pakitean dach wedi kitchi ajibik. — Moïse dach dodam iw, mi dach ima ajibikong baondji-sigidjiwang nibi, mi dach minikwewad kakina, kitchi mamakadendamog.

Ningoting dach Kije-Manito odinan Moïsan: Ow ki gatina kakina Ju-dawininiwag: Gijitaiog, biniidisog; nissogwanagadinig Kije-Manito ki gaminigowa oganasongewinan, ima wadjiwing, *Sinai* ejinikadeg. Nissogwanagadinig dach ijawag becho wadjiw, ima nibawiwag, kitchi segisiwag dach api waiabandamowad kitchi wassamowinan wadjiwing, api nwandawawad gaie kitchi animikin. Mi dach ima wadjiwing anakwadong Kije-Manito kitchi enigok gigito ekitong: Kije-Manito misi gego gagijitod ki gabejigo-manadjia, enigokodeian ki gabejigo-sagia. Kawin anicha Kije-Manito ki gawawinassi. Anwebinigijigad ki gamanadjiton. Kinigiigog ki gababamitawag, ginwenj tchi wi bimadisiian oma aking. Kego awia nissaken. Kego ba-

bamenimaken awia widigemassiwad. Kego gimodiken. Kego giwanimoken. Kego awia missawenimaken. Kego gaie awia missawendamawaken gego endanidjin.

Judawininiwag (Israelitag) nwan-dawawad Kije-Maniton, kitchi segisi-wag; agawa bimadisiwag epitch segi-siwad; kakina dach mamawi ikitowag: Weweni ki gatijiwebisimin mojag, eji ininang Debeniminang.

Iwapi Kije-Manito onandoman Moïsan; ima wadjiwing tchi ijanid win nijike; mi dach Moïse nimidana dasso gwan aiad wadjiwing, Kije-Maniton okikinoamagon getijitchigenid, weweni tchi ogimakandowad Judawininiwan. Ichkwatch dach Kije-Manito omamon nij assinin, (nabagissagonsing ijinago-siwag,) ima odijibianan midasswe oganasongewinan, ominan dach Moïsan, aniinad: Madjidon onow nin ganason-gewinan; wewib nissakiwen, jaigwa bata-ijiwebisiwag Israelitag. — Mi dach Moïse eji nissakiwed wadjiwing; badagwiching dach becho, owabaman Israe-litan endodaminid. Megwa sa Moïse

wadjiwing aia nimidana dasso gwan, Israelitag odojiawan osawa-jonia pijikinsan, nawaiai dach odassawan iniw masinitchiganan, giwitachimowag dach, bekich ikitowag: Mi aw ki Kije-Manitominan, gaojimoinang Egypting. — Moïse dach waiabamad kitchi ossitawendam, ow ikito: Kawin geget apitenda-gosissiwag ogow tchi aiawad Kije-Manito organasongewinan. — Mi dach eji apaginad iniw nij assinin, Kije-Maniton gaminigodjin, obigwichiman dach gaie; mi dach eji anokid tchi nissindwa igiw ganimidjig giwitaiai masinitchigan; nijtana achi nissing midasswak Israelitag nissawag iwapi.

Panima dach nagatch Moïse minawa ija wadjiwing, Sinai ejnikadeg, omadjinan nij assinin, minawa dach Kije-Manito odojibianan assining midasswe organasongewinan; banissakiwed dach wadjiwing, ominan Israelitan.

Nimidana dasso bibon mojac Israelitag babadanisiwig bagwadakamig. Moïse kitchi nibiwa mamakadakamig dodam, Kije-Maniton ominigon iw machkawiswin, mamakadakamig tchi dodang.

Ichkwatch dach Kije - Manito ominan Israelitan iw kitchi gwanatch aki, gaijivawindamowagobanen Abrahaman, Isaacan, Jacoban gaie, kakina gaie oojicheiwyan, mi sa Judawininiwag, Israelitag. — Nijing ijinikade iw aki, mi sa *Chana-an*, *Judée* dach gaie. — Mi dach ima Judeing weweni aiawad Judawininiwag; Kije - Manito naningim odininajawan inihiwan ketchitwawendagosinidjin, tchi gakimigowad Judawininiwag, mojag weweni tchi anamiawad.

Mamakadakamig gaiji - webisiwad anind Judawininiwag ima Judeing. Bejig inini, *Samson* enind, apitchi kitchi machkawisi, mi aw maiamawi - machkawisid inini endachiwad. Ningoting bekanisdjig anichinabeg, Philisteiag enindjig, wi - nissawad Samsonan ; kitchi batinowag baijadjig wi - nissawad. Samson dach waiabamad iniw, kekejdine sagaam, kawin gego otakonansin onindjing, ima dach mikanang omikan memangiche odamigegani, mi dach iw aiod, pabige dach midasswak ininiwan onissan, anind dach ojimowag.

Minawa dach ningoting onagochig

Samson pindige odenang, Gaza ejini-kadeg. Philisteiag dach kekejdine oki-bakwaanawa kitchi ichkwandem ima odenang, inendamog: wabang kigijeb ki ganissamin aw inini. — Samson dach onichka nibatibik, omamon iw ketchi-mitchamagad ichkwandem, omadjidon dach ningotchi wadjiwing.

Ningoting dach Philisteiag otakonawan Samsonan, opapachkabawawan, panima dach omadjinawan kitchi assin-wakaiganing; nissimidananakosiwag dach Philisteiag ima pindig. Samson dach omindjiminan nij kitchi assinin, wendji-songang wakaigan, mitchaiai dach odapaginan, mi dach eji bigochkag kakina wakaigan; kakina dach pindig eia-djig nibowag, Samson gaie win nibo.

Mindjimendamog gaie gaijiwebiswad anind kitchi ogimag Judeing. Mi bejig *David* enind. Megwa ochkinigid David, ningoting ija endaji-migading; bejig dach inini ima aia, *Goliath* enind, kitchi-ginosid, kitchi-mindidod gaie inini, apitchi gaie machkawisi. Kakina Israelitag okitchi gossawan Goliathan; win dach Goliath okitchi-matchiinan

Israelitan. Mano awia endachiieg tabiija oma, tchi migajid, kichpin iji gachkitod, odinan.— Kitchi segisiwag Israeltag, bekich kachkendamog.

David dach badagwiching ima, ikito: Nin sa nin gamigana aw inini; Kije-Manito nin gawidokag, win eta nind apenimona.— Odinawan anawi kakina: Kawin ki gagachkiassi avv inini, osam kitchi machkawisi.— David dach Kije-Maniton odapenimonan, mi dach eji miganad Goliathan, assin opakitewan okatigwaning, mi dach eji nissad.

Ani kitchi ininiwid David, ogimawi Judeing, ogimakandowad Judawniniwan; Jerusaleming dach danisi, mi maiamawi-mitchamagad odena Judeing. Kitchi mino-ijiwebisi, weweni odanamietawan Kije-Maniton. Ningoting dach kitchi batadodam, okitchi-nichkian Kije-Maniton. Win dach Kije-Manito bejig ininiwan odininajawan tchi anwenimigod David. Pabige dach David kitchi kachkendamgimatchi-dodang, kitchi enigok geget anwenindiso, minawa kitchi mino-ijiwebisi, Kije-Maniton dach ojavenimigon, gassiamagod obatadowinan.

Api dach echkwa - bimadisid David, *Salomon* ogimawi, mi sa David ogwisan. Salomon kitchi nibwaka; eko-akiwang kawin awia giiji-nibwakassi, Salomon eji nibwakad; Kije-Maniton ondjita ogiminigon kitchi nibwakawin. Ningoting sa nibatibik Kije-Manito oganonan Salomonan: Ambe nandotamawichin gego enendaman igo, ki gaminin; odinan. — Salomon dach kawin kitchi daniwin onandotamawassin Kije-Maniton, kawin gaie kitchitwawisiwin oma aking; nibwakawin eta onandotamawan. Kije-Manito kitchi minwendam, mi dach geget minad apitchi kitchi nibwakawin; ominan dach gaie bekich kitchi daniwin, kitchitwawisiwin gaie oma aking.

Salomon anoki kitchi anamiewigamig tchi ojitowad Judawininiwag Jerusaleming, midasswak dasso bibon, bwa binigid Jesus oma aking. — Kitchi nibiwa anokiwiniwan odanonan, weweni tchi ojitowad anamiewigamig, mi sa ningotwak dassing achi nichwassimidana dassing midasswak (180000) ininiwan anonad; nichwasso kikinonowin dach da-jitawag tchi degijitowad. Gigijitod dach

anamiewigamig, Salomon weweni oda-namietan, kitchi anamia ekitong: Kije-Manito Debenimiiang! anawi misi kit aia, gjigong aking gaie; memindage dach oma kaginig aian ki wigiwaming, gaojitoiang . . . Jawenim oma gepindigedjig tchi anamiawad; mij minik manesiwad, tchi ondji-kikendamowad eji kijewadisiian . . . Kichpin awia batadodang, oma dach pindiged wi anwendnisod, jawenim, bonigidetaw gaiji-matchi-ijiwebisid. — Mi sa eji anamia-d kitchi ogima Salomon. Kije-Manito dach okitchi-minotawan Salomonan anamianid.

Kije-Manito kitchi naningim oda-nonan naganikikendaminidjin ininiwan, tchi gagikimigowad Judawininiwag tchi mino-ijiwebisiwad. Dassing meno-ijiwebisiwadjin, mino aiawag, Kije-Manito omino-dodawan; dassing dach metchi-ijiwebisiwadjin, Kije-Manito obachajewan, anotch okotagian.

Mi gaijiwebisiwad gaiat Judawini-niwag. Kije-Manito ondjita ogiowenabaman Judawininiwan, tchi anamianid; tchi mino ganawendamowad gaie Kije-

Manito odikitowin. — Kakina gaiat ani-chinabeg endassowinsowad enigokwag aki ogionenimawan Kije-Maniton; kawin awia ogikikendasin Kije-Manito odi-kitowin; mi eta Judawininiwag. Mi dach Kije-Manito gaondji-owenabamad Judawininiwan, Ogwissan Jesusan tchi on-dadisinid megwe Judawininiwag.

Waiechkat api wechki-akiwang, Kije-Manito ow ogiwawindamowago-banen bemadisinidjin aking: ki gajaniminim ningoting. — Kitchi naningim gaie ow ogiinagoban Judawininiwan: Nin gatininajawa aking genodjimoineg. Oma endanakiieg taondadisi. — Geget dach giondadisi Judeing, mi sa odenang Bethleheming, aw ganodjimoad kakina anichinaben, *Jesus-Christ*, Kije-Manito Ogwissan.

Gaijiwebisid dach Jesus, megwa gibimadisid oma aking, gaiji-gagikwed gaie nisso bibon, mi kakina ejibiigadeg gagikwe-masinaing, *Jesus obimadisi-win oma aking ejinikadeg*, mi dach iw gewabandameg naningim.

Mi ow ekitod kitchitwa Luc,
(mi sa bejig Jesus omekate - okwanaiemer).

Nin giojibian masinaigan netamissing kakina gadodang Jesus, gaiji-gagikwed gaie, binich iw gjigad, api gjigong ijad, gaichkwa-gagikimad omekate- okwanaiemer, gaowenabamad Wenijichid-Manito omachkawisiwining. Ogiwabandaan wiiaw omekate- okwanaiemer gaichkwa-kotagiind; naningim weweni ogiwabandaan nimidana dassogwan, dajindang bekich Kije-Manito odogimawiwin. Jesus owidopaman omekate- okwanaiemer, mi dach ejii gagansomad tchi nagadasigwa Jerusalem, tchi bitowad Ossan Kije-Maniton owindamagewin; gaijinondameg, ikito, gawindamonagog: Jean-Baptiste geget gisigaandage nibing; kinawa dach Wenijichid-Manito omachkawisiwining ki gasigaandagowa; wai-ba, tchi bwaa nibiwa dassogwanagak. — Igiw dach gamawandjiidiwad okagwe-djimawan Jesusan: Debenimiiang, odinawan, mi na nongom tchi songitoian Israel odogimawiwin? Jesus dach od-

nan: Kawin kinawa ki dakikendasim ,
api Noss misi netawitod, enendang tchi
dodang iw. Ki gaminigowa Wenijichid-
Manito omachkawisiwin apigeodissineg;
minik dach gaijiwebisiiàn gaiji - gag-
kweiàn gaie , ki gadibadodanawa Jeru-
saleming , misi gaie Judeing, Samariiing
gaie enigokwag aki gaie.— Echkwa - iki-
tod dach iw, gjigong ombina , kakina
owabamigon; anakwadong dach odan-
gwabamigon. —

Megwa dach ganawabamawad eji
ombichkad gjigong, nij ininiwan owidji-
gabawitagowan wabichki - kwanaiewan ;
ikitowag dach: Galibing endaji - ininiwi-
dog , wegonen wendji - nibawiieg , ich-
piming gaie kit inabim ? Aw Jesus we-
dapinamagoieg gjigong tchi ijad , mi-
nawa tibichko tabiija, gawabameg giom-
bichkad gjigong.

Nanimidana gadasso - gwanagadi-
ning gaakoabitchiibad Jesus , kakina ome-
cate - okwanaieman mamawi ningotchi
abiwan wigwaming ; mi dach eji non-
dagwad gego ichpiming ondji , tibichko
kitchi nodin , omochkinadon dach wig-
wam namadabiwad. Ouwabandanawa

dach ichkote, odenaniwing ijinagwadi-ni, mi dach atenig bebejig ochtigwaning. Kakina dach mochkinechkagowan Wenijichinidjin-Maniton, mi dach madji-maiagwewad, eji minigowad Weniji-chinidjin-Maniton bakan inwewin tchi inwewad. Iwapi dach aiawag Jerusaleming Judawininiwag enamiadjig misi wendjibadjig enigokwag aki, anotch ejivwinsodjig. Api dach nwandagwad iw, kakina bimawandjiidiwag, kitchi mama-kadendamog, nwandawawad iniw innivan enwenid, bebakan eji inwewad winawa misi wendjibadjig. Geget makadendamog kakina, ow dach ikitowag: Ka na igiw gagitodjig kakina Galileing daji-ininiwissiwag? Anin dach iw eji nondamang kakina bebakan kit inwewininanin gadaji-nigiiang? Parthianag, Medad, Elamitag, Mesopotamiing gaie endanakidjig, Judeing, Cappadociing, Ponting, Asiing gaie endanakidjig, Phrygiing, Pamphyliing, Egypting gaie endanakidjig, Libiing gaie becho Cyrening endanakidjig, Roming gaie wendjibadjig, Judawininiwag gaie, wechki-anamiadjig, Cretag, Arabianag gaie,

kakina ki nondawwananig gigitowad ti-bichko enweiang, odibadodanawan Kije-Manito omamakadodamowinan.

Kitchi mamakadendamog dach kakina, ikitowag dach: Anin iw ejivebak? . . . Iwapi dach *Pierre* pasigwi, ikito dach: Judawininiwidog, kinawa kakina oma Jerusaleming endanakiieg pisindamog nind ikitowinan: Win Kije-Manito ogiininajawan Jesusan oma aking, ogiminan machkiwisiwin, mamakada-kamig tchi dodang; kinawa tibinawe ki kikendanawa iw. Kinawa dach ki gisassagakwawawa tchibaiatigong, ki ginissawa gaie, metchi-ijiwebisidjig gianonegwa. Kije-Manito dach ogiabi-tchiibaan Jesusan. . . . Ninawind kakina nin kikendamin iw, nin dibadjimomin dach. Gijigong dach ija, namadabi Kije-Maniton okitchinikaning, mi dach gai-ninajawad Wenijichinidjin-Maniton, eji wabandameg, eji nondameg gaie tibinewe kinawa. . . . Nongom dach kakina Judawininiwag mano ow ogakikenda-nawa: Mi aw Jesus Debeniminang, Ganodjimoad anichinaben; kinawa dach ki sassagakwawawa tchibaiatigong. —

Mi ekitod kitchitwa Pierre, gagikimad Judawininiwan.

Api dach nwandamowad iw Judawininiwag, kitchi anwenindisowag odeiwang, ow dach odinawan Pierran, kakina gaie mamawi Jesus omekate-okwanaieman ow odinawan: Wegenen gedodamang, ininiwidog, nikanissinadog! Pierre dach odinan: Anwenindisog, kottagiidisog, kakina gaie ki dasigaandagom, Jesus odijinikasowining, tchi ondji-gassiigadeg ki batadowiniwan; Weniji-chid-Manito dach ojawendjigewin ki gaminigom. Kije-Manito waiechkat ki giwindamagowa iw tchi ijiwebisiieg, tchi jawendagosiiieg, ki nidjanissiwag gaie, kikanissiwag gaie wassa eiadjig. — *Mienad kitchitwa Pierre Judawininiwan.*

Igiw dach wedapinangig ogagikwe-win, sigaandasowag; mi dach iw gijigad, (*mi sa Pentecótegijigad, api kitchitwa Pierre maiadji-gagikwed,*) nissing midasswak bemadisidjig ima Jerusaleming sigaandasowad. — Weweni dach oganawendanawa gagikwewin, Jesus omekate-okwanaieman eji gagikwewad; mamawi obokobinawan pakwejiganan, (*mi*

sa, kitchitwa Eucaristiwin ododapinawan,) mojag gaie māmawi anamiawag. — Kakina dach ima anichinabeg segisiwag; kitchi mamakadakamig sa dodamog enonindjig ima Jerusaleming; get kitchi segisiwig kakina.

Igiw daiebwetangig enamiadjig māmawi mojag aiawag, kakina dach odinodewisiwiniwan omamawī-dibendanawan. Odatawenawan kakina okitiganewan, odanokatchiganiwan gaie, oma taonamawan dach kakina enamianidjin, minik igo eji manesinid. Endasso gijigadinig gaie anamiewigamigong mama wi pindigewag; ningotchi gaie wigiwaming obokobinawan pakwejiganan, (*misā, kitchitwa Eucaristiwin ododapinawan;*) mamawi gaie wissiniwag, bapinenimowad, minodeewad; Kije-Maniton okitchitwawenimawan; anichinaben dach kakina osagiigowan. — Kije-Manito dach endasso gijigak minawa anind ominan mino inendamowin tchi anamiawad, tchi jawendagosiwad.

Ningoting dach Pierre, Jean gaie anamiewigamigong ijawag awi-anamiawad. Bejig dach inini memandjigosid

eko - bimadisid bidawa endasso gijigadiniq, ima dach assa wenijiching ichkwandeming anamiewigamigong, gego wi - nandotamawad pandigenidjin anamiewigamigong. Waiabamad dach Pierran, Jeanan gaie megwa pindigenid anamiewigamigong, onandotamawan jo-nian. Pierre, Jean gaie gwaiak oganawabamawan; Pierre dach odinan: Ganawabamichinam. — Aw dach inini oganawabaman; nin gaminigog gego, inendam. Pierre dach odinan: Jonia, osawa-jonia gaie kawin gego nind aiassin; iw dach aiaian ki minin: Jesus-Christ odijinikasowining kit inin, pasigwin, bimossen. — Osaginikenan dach okitchinikang pasigwindinad; pabige osidan, okadan gaie machkawisimagadiniwan; pabige pasigwi, gwaiak nibawi, bimosse gaie; owidjiwan dach, anamiewigamigong pindiged, ani-gwachkwani, migwetch inad Kije-Maniton.

Kakina dach anichinabeg ima owa-bamawan bimossenid, migwetch inanid Kije-Manito. Okikenimawan aw awid namadabipan iko wenijiching ichkwandeming anamiewigamigong wi-nando-

tamaged; enigok mamakadendamog, minwendamog gaie eji jawendagosid. Memandjigosipan inini dach ganodji-moind omindjiminan mojag Pierran, Jeanan gaie; kakina dach anichinabeg mamawi apaidiwag ima, kitchi mama-kadendamog dach. Waiabamad dach Pierre odinan: Judawininiwidog, anin eji mamakadendameg? anin iw eji - makasabamiiang? Ninawind nange nin machkawisiwininang wendji - bimossed aw inini? Abraham Okije-Manitoman, Isaac Okije-Manitoman, Jacob Okije-Manitoman, mi sa kossinanig Okije-Manitomiwa ogikitchitwawian Ogwissan Jesusan. Kinawa ki gipagidinawa; kawin nin kikenimassiwanan, ki giikitom enassamabid Ponce Pilate, api ano wi pagidinad. Kawin ki gidebwetavassivawa meno-ijiwebisid; nechiwechkid dach inini (*mi sa Barrabas,*) ki ginandomawa tchi pagidinind; aw dach debendang bimadisiwin ki ginissawa, Kije-Manito dach ogiabitchiibaan; ninawind gwaiak nin kikendamin, nin giwabamanan giabitchiibad. Win Jesus odiji-

nikasowining ondji - bimosse aw inini
waiabameg, kekenimeg gaie.

Nikanissidog, nin kikendan, ondjiita kawin ki gikikendasinawa, mi ga-ondji - dodameg; mi tibichko gaie ki nigganisimiwag. Kije-Manito dach gaiat kakina kija ogidibadodan gekotagitonid Ogwissan; mi dach giijiwebisid. — Anwenindisog dach nongom, andjitoiog ki bimadisiwiniwan, tchi gassiigadege ki batodowiniwan . . . Ki jawendagosim; Kije-Manito ogiinajawan Ogwissan oma aking, kinawa dach nitam kit odis-sigowa, tchi webinameg kakina ki matchi dodamowiniwan.

Megwa dach gaganonawad anichinaben, pagitchigewiniwag, naganisidjig gaie bidagwichinog; kawin dach minwendasiwag iw gagikimawad anichinaben windamawawad, giabitchiibad Jesus.

— Otakonawan dach Jesus omekate-
okwanaiemer, okibakwawawan, bito-
wad tchi wabaninig . . Nibiwa dach
igiw ganondangig gagikwewin, debwe-
tamog; nanimidanakosiwag igiw daieb-
wetangig iwapi.

Waiahang dach mawandjiidiwag na-

ganisidjig ima Jerusaleming, akiwessiiag, ojibiigewininiwag gaie. . . . Nawaiai dach ogabawianwan iniw Jesus omekate- okwanaieman, okagwedjimawan dach : Anin iw machkawisiwin , anin iw ijini- kasowin , wendji - dodameg iw kinawa ? — Pierre dach mochkine Wenijichid- Manito ojawwendjigewin , ow odinan : Kinawa wegimakandoweg anichinabeg , kinawa gaie akiwesiidog , pisindamog. Mi nongom wendji - dibakonigoiang gi- minododawangid aw inini memandji- gosipan , ginodjimo dach. Kikendamog kinawa kakina , Debeniminang Jesus- Christ odijinikasowining giondji - nodji- mo aw nabawid oma ; kinawa dach ki gisassagakwawawa tchibaiatigong , Kije- Manito dach ogiabitchiibaan . . . Win eta Jesus ogachkiton tchi nodjimoad anichinaben. Kawin gego bekanak iji- nikasowin oma aking okikendasinawa bemadisidjig , tchi ondji - nodjimowad , mi eta Jesus odijinikasowin.

Api dach waibamawad Pierran , Jeanan gaie eji machkawideenid , oki- kenimawan gaie neienj nissitawinasinig masinaigan , kitchi mamakadendamog ;

okikenimawan dach gaie, tchi giwidjiwanid Jesusan. Memandjigosipan ininiwan gaie ganodjimoimindjin api waia-bamawad widjigabawitowawad, kawin ogachkitossinawa tchi agonwetawawad. Osagidjinajawawan dach Pierran; Jean-nan gaie; mi dach eji ganonidiwad, ow ikitowag: Anin gedodawangwa ogow ininiwag? kitchi mamakadakamig aindodamowad; kakina oma Jerusaleming endadjig okikendanawa; kawin ki dagachkitossimin tchi agonwetamang. Ki gagagwesegiananig dach tchi gagikwes-sigwa minawa Jesus odijinikasowining, echkam wassa tchi kikendagossinok. —

Onandomawan neiab, enigok dach odinawan: Kego minawa gagikwekegon Jesus odijinikasowining. — Pierre, Jean gaie onakwetawawan, ow ikitowag: Kinawa tibinawe ikitoiog, nawaitch na daonijichin, kinawa tchi debwetagoieg, Kije-Manito dach tchi debwetawangid? Kawin nin dagachkitossimin tchi dibadjimossiwang gaiji-wabandamang, gaijinnondamang gaie. — Api dach naganisidjig gaichka-nanibikimawad, opagidinawan; kawin omikasinawa gego ge-

ondji - matchi - dodawawad , ogossawan gaie anichinaben ; kakina sa ima endajig Jerusaleming okitchitwawenimanwan Kije-Maniton, iw gaijiwebak ondji ; awachime sa nimidana dasso bibonagisi aw inini ganodjimoind , mamandadodamowin ondji.

Gapagidinindjig dach Pierre , Jean gaie , odijanawan wadjiwidjin , odibadodannawa dach kakina gaigowad iniw naganisinidjin pagitchigewininiwan , akiwesiian gaie. Nwandumowad dach iw , enigok omamoiaawamawan Kije-Maniton . . . Api dach gaanamiawad , wigwam naningichka aiawad , kakina dach mochkinewag Wenijichinidjin - Maniton , machkawideewag tchi dibadodamowad Kije-Manito odikitowin. Kakina dach igiw daiebwetangig enamiadjig bejigwanini odeiwan , bejigowan gaie otchitchagowan ; kawin dach gaie endachiwad awia : mi nin nindaiaim , tchi ikitod ; kakina mamawi odibendanawa minik eiawad. Kitchi machkawisiwig dach enonindjig dibadodamowad Jesus odabitchiibawin . . . Kawin gaie awia endachiwad kitimagisissi ; kakina gaie

wewigiwamidjig, wekitiganidjig gaie odatawenawan owigiwamiwan, okitigan niwan gaie, obidonawa dach jonia gainagindeg, pagidinamowad enonindjin; maminawag dach minik eji manesiwad bebejig.

Bejig dach inini, *Ananias ejinkasod*, (wiwan *Saphira* enind), odatawen okitigan, odichkonan dach anind jonia, wiwan gaie okikendamini; anind eta obidon jonia, obiminan enonimindjin. Pierre dach odinan: Ananias, wegogenen wendji - pisindawad matchi manito, tchi guginawichkimag Wenijichid-Manito, ichkonaman anind gainagindeg ki kitigan? Ka na kin ki dibendas-wamban? gaatanding dach, ka na kin ki dibendasin iw jonia? Wegogenen wendji - inendaman kideing tchi guginawichkiiān? Kawin bemadisid aking ki guginawichkimass; Kije-Manito sa ki giginawichkima. — Ananias dach nwandang iw gigitowin, pangichin, nibod. — Kaklna dach kitchi segisiwag iw nwandangig. Anind dach ochkinaweg pasigwiwag omamowan dach sagisiawad awi - pagidenimawad.

Panima dach nagatch, nisso dibai-gan minik, wiwan pindigewan, kawin okikendasin gaijiwebadinig. Pierre dach odinan: Ikwe, windamawichin, mi na iw gainagindeg kitigan? — Ikito dach aw ikwe: E, mi go iw. — Odinan dach Pierre: Anin iw eji widokodadiieg ka-gwedibenimoieg Wenijichid - Manito? Wedi ichkwandeming nibawiwag ga-pagidenimadjig ki nabeman; gaie kin dach ki gasagisiigog. — Pabige dach pangichin aw ikwe, nibod. — Pindige-wag dach ochkinaweg, osagisiaawan awi-pagidenimawad . . . Kakina dach enamiadjig kitchi segisiwag, kakina gaie minik nwandangig iw, kitchi segendamog.

Kitchi nibiwa bakan mamakada-kamig dodamog enonindjig, (*misa Jesus omecate - okwanaieman.*) Mamawi dach aiawag enamiadjig; enamiassigog dach kawin ganage becho biijassiwig, epitch segisiwad; okitchitwawenimawan dach. Echkam dach nawatch batinowag daieb-wetangig enamiadjig, ininiwig, ikwe-wag gaie; obinawan dach aiakosinidjin mikanang, nibaganing obimi - assawan, Pierre agawateching tchi bimi - agawa-

techkanawan anind, tchi ondji - nodji - mowad. — Kitchi nibiwa anichinabeg giwitaiai endanakidjig obinawan Jerusaleming aiakosinidjin; enonindjig dach kakina onodjimoawan aiakosinidjin.

Naganisid dach pagitchigewinini, kakina gaie wadokagodjin, kitchi nichkadisiwag, otakonawan dach iniw Jesus omekate - okwanaiemer, kibakwoodiwigamigong odassawan. Kije - Manito dach odanjeniman nibatibik bidagwichni oda-wi - pakindenan ichkwandem kibakwoodiwigamigong, sagisiad odinan dach: Wini - madjag, windamawig anichinabeg anamiewigamigong iniw binadisiwini - ikitowinan. — Ganondamowad dach iw, pabige pindigewag anamiewigamigong apitchi kigijeb, gagikwewad. Naganisid dach pagitchigewinini, wadjiwigodjin dach gaie omawandjiawan kakina gekanidjin Judawininiwan, anokiwag dach tchi nanindwa enonindjig kibakwoodiwigamigong. Api dach degwichinowad jimaganichag ima kiba. kwoodiwigamigong, kawin awia omikawassiwawan, mi dach eji givewad awi - dibadjimowad; mi ow ekitowad:

Kibakwoodiwigamig nin gimikamin we-weni kibakwaigadeg, kejadigedjig gaie nin giwabamananig nibawiwad ichkwandeming, paiakindanamang dach kawin awia nin gimikawassinan pindig tchi aiad. Debakonigedjig dach anamiewigamigong, naganisidjig gaie pagitchigewininiwag api nwandamowad iw gigitowin, gwinawi-inendamog, namandj ejkiyebadogwen. Bejig dach inini bida-gwichin, ow ikitō: Igiw ininiwag gakibakwowagobanig nibawiwag anamiewigamigong, gagikimawad anichinaben. Ogima, dach jimaganichag gaie, māmawi ijawwag anamiewigamigong, endaji-gagikwewad enonindjig, beka dach obinanawan; ogossawan sa anichinaben tchi bimossinaigowad.

Api dach banawad, ogabawiawan enassamabiwad debakonigedjig; naganisid dach pagitchigewinini ow odinan: Apitchi gwaiak ki gikinaamoninim tchi gagikwessiweg *Jesus* odijinikasowining. Jaigwa ki gimochnadonawa Jerusalem iw gagikwewin . . . — Pierre dach, kakina gaie enonindjig ow ikitowag: Awachime nin dadebwetawanen Kije-

Manito, geiji - debwetawangidwa dach bemadisidjig aking. Kije - Manito ogabitchiibaan Jesusan, ganisseg kinawa gisassagakwaweg tchibaiatigong. Win Kije - Manito misi gego netawitod ogabitchiibaan, tchi ogimawid, tchi bimadjived, anwenindisowin tchiminad Israel onidjanissan (*kakina gaie enamianidjin,*) tchi gassiamowad obatadowinini. Ninawind weweni nin kikendamin kakina iw, nin dibadjimomin, Wenijichid-Manito gaie odibadodan, bidagwichin gaie win daiebwetangig odeiwang.

Api dach nwandamowad iw, kitchi nichkadisiwag odeiwang, inendamog dach gaie tchi nissawad iniw enonindjin. Bejig dach inini pasigwi ima dibakonigewigamigong, *Gamaliel* enind, nebvakad inini, kakina anichinaben okitchitwawenimigon; anoki dach tchi sagisindwa wenibik enonindjig; ow dach odinan debakonigenidjin: Dadibabig wa-aindodawegwa igiw ininiwag. Anomaia gibinagosi bejig inini, *Theodas ejinkasod*; nin kitchi apitendagos, giikito. Niwak dach iuniniwan ogigachkian tchi widokasonid. Ginissa dach win; kakina

dach minik gapisindagodjin gisaswech-kawan. — Nagatch dach minawa bejig inini gibinagosi, *Judas* enind, nibiwa anichinaben oginopinanigon. Ginissa dach gaie win; kakina dach minik gapisindagod gisaswechkawag. — Nongom dach kit ininim: Kego ningot dodawa-kegon igiw ininiwag; boniig. Kichpin bemadisidjig aking eta gaojitolodjig iw iijitwawin, kawin ginwenj taatessinon; kichpin dach Kije-Manito gaojitol, kawin ki gagachkitossinawa tchi bigobidoieg. Kego agonwetawassida Kije-Manito. — Mi ekitod Gamaliel. Kakina dach odebwtagon. — Onandomawan dach Jesus omekate - okwanaiem, obachajewawan, okinaamawan dach gaie tchi gagikwessigwa Jesus odijinikasowining, mi dach ejji pagidinawad. Enonindjig dach sagaamog, bapinenimowad, gikotagitowad Jesusan ondji. Endasso gjigadinig dach gagikwewag anamiewigamigong, anotch gaie wigiwaming; windamagewad Jesus odijitwawin.

Bejig dach inini iwapi aia Jerusaleming, *Etienne ejinikasod*. Weweni anamia aw inini, Wenijichinidjin-Ma-

niton ojawendjigewin omochkinechkagan. — Epitch dach machkawendang Etienne, kitchi mamakadendagwakamig aindodam megwe anichinaben Jerusaleming. Anind dach Judawininiwag anotch ejitchigedjig ojingenimawan Etiennan, odagonwetawawan eji gagikwenid, kawin dach ogachkitossinawa tchi nakwetawawad, epitch nibwakatagosid. Odanonawan dach ininiwan ow tchi ikitonid: Nin ginondawan an inini *Etienne* gimatechi inad Moisan gaie dach Kije-Maniton. — Odombwemawan dach anichinaben... obitakonawan, madjinawad dibakonigewigamigong. Geginawichkinidjin ininiwan dach odanonawan, wibatamind, ow tchi ikitonid: Aw inini *Etienne* mojag omatchi dajindan anamiewigamig, dibakonigewin gaie. Nin ginondawan gaie giikitod: Aw Jesus Nazarething wendjibad, ogabanatchiton ow odena, ogatandjiton gaie gagikwe-win, Moise gaiji-mininang. — Kakina dach nemadabidjig dibakonigewining oganawabamawan Etiennan; owabandanawa dach ochkinjig tibichko Anjeni odochkinjigoni ijinagwadinig.

Naganisid dach pagitchigewinini odinan: Mi na geget ejiwebak kakina iw? Etienne dach dibadjimo kakina minik gaiji - jawenimad Kije-Manito gaiat Judawininiwan, anawi dach mojag gitmatchi-ijiwebisigwaban. Ichkwatch dach odinan: Kinawa gaie ki kitchi machkawideem tchi matchi-ijiwebisiieg; kaginig kit agonwetawawa Wenijichid-Manito; gaijiwebisiwad gaiat kossiwag, mi ejiwebisiieg gaie kinawa. Kakina gaie naganikikendaminidjin ininiwan ogimatchi - dodawawan kossiwag; oginissawan gaie iniw nigan gadibadjimimindjin, tchi dagwiching aw Gwaiak-ejiwebisid, (*mi sa Jesus,*) win gapagidineg, ginisseg . . . Nwandumowad dach iw, kitchi nichkadisiwag. Win dach Etienne omochkinechkagon Wenijichid-Manito ojawendjigewin, gjigong inabi, owabandan dach Kije-Manito okitchitwawisiwin; Jesusan gaie owabaman nibawinid Kije-Manito okitchinikaning; bekich dach ikito: Nin wabandan gjig pakichkag anichinabe gaie ogwissan (*Jesus*) nin wabama nibawid Kije-Manito okitchimikang.

Judawininiwag dach enigok nich-kadji - gigitowag , okibaanawan odata-wagawan ; otakonawan dach kakina Etiennan sagitchiwebinawad odenang , mi dach wedi babimossinaawad ; wado-kasodjig dach nakawe odatonawan obabinsikawagananiwan bejig ochkinawe osi-daning, *Saul ejinikasod*. — Megwa dach babimossinaigod Etienne, ow ikito : Jesus Debenimiian , odapin nin tchitchag. — Otchitchingwanita , enigok dach ikito : Debenimiian , kego ningot inenimaken ogow eji matchi - dodamowad. — Echkwaikitod iw , mi eji pagidinamowad otchitchagwan Kije - Manitou , ichkwanamod. Saul dach minwendam, Etienne tchi nissind.

Mi iw gjigad kitchi matchi - dodagowad enamiadjid Jerusaleming ; kega dach kakina ningotchi ojimowag Ju-deing , Samariiing gaie ; enonindjig eta ichkwiwag . . . Saul dach odapitchi-matchi - dodawan enamianidjin ; bapindige wigiwaming , sagitchiabanad ininivan , ikwewan gaie enamianidjin , kibakwoodiwigamigong odassan.

Igiw dach gaojimodjig misi baba-

gagikwewag Kije-Manito odikitowin. Bejig dach inini ketchi-anamiad, *Philippe* enind, odenang *Samariing* ija, mi dach ima gagikwed Jesus odijitwin; debwetamog dach ima endanakidjig, Philippe eji gagikwed, pisindamowad mamawi, mamandadodamowan gaie owabandanawa aindodang. Wanisinidjin maniton gegichkawadjig nibiwa nodjimowag; kitchi bibagi ko aw matchi manito, mi dach eji sagaang. Nibiwa gaie nebowidjig, memandjigosidjig gaie nodjimowag. Kitchi bapinenimowiniwan ima odenang Samariïng ...

Igiw dach enonindjig Jerusaleming eiadjig nwandamowad, Samariwininiwag gidapinamowad Kije-Manito odikitowin, odininajawawan Pierran, Je-anan gaie Samariïng tchi ijawad. Badagwichinowad dach odanamietawawan tchi odissigowad Wenijichinidjin-Maniton; kawin sa machi awia wedi ogipindigagossin Wenijichinidjin-Maniton; gisigaandasowag eta, Jesus odijinikasowing. Enonindjig dach otanginawan onindjiwang, mi dach odissigowad Wenijichinidjin-Maniton ... Gagikwewag

dach Samariïng Kije-Manito odikito-win; mi dach eji giwewad Jerusaleming, babagagikwewad.

Aw dach Saul mojag omatchi inan enamianidjin, wi-nissad. Naganisinidjin dach pagitchigewininiwan onasikawan, masinaigan nandotamowad, Judawini-niwan Damasking tchi ijiwidod, kich-pin mikawad wedi enamianidjin inini-wan, gonima ikwewan, Jerusaleming awi-biijiwinad. Mi dach eji madjad; badagwiching dach becho Damasking, sesika gjigong biondji-wassakonessen iwigitaiai wiiawing. Pabige dach pangichin aking, mi dach nondang ow: Saul, Saul, wegonen wendji-matchi-dodawiiian? — Saul dach ikito; Awenen kin, Debenimiian? — Minava dach onandan ichpiming ondji iw ikitowin: Jesus sa nindaw: kin dach ki matchi-dodav; kitchi sanagad tchi tangichkaman ganagin. — Saul dach kitchi segisi, mamakadendang, ikito dach: Debenimiian, anin iw enenimiian tchi doda-màn? — Jesus dach odinan: Pasigwin, odenang ijan, mi dach wedí tchi windamogoian gedodaman.

Ininiwag dach minik wadjiwadjig Saulan, nibawiwag mamakadendamowad; onondanawa gigitowin, kawin dach awia owabamassiwawan. Saul dach pasigwi, ka dach bapich wabissi, gagibingwe; osagabiginawan dach ani-madjinawad, binawad odenang Damasking. Nissogwan dach ima kawin wabissi, kawin gaie wissinissi, kawin gaie minikwessi.

Ima dach Damasking bejig inini aia enamiad, *Ananias ejinikasod*. Kije-Maniton dach oganonigon nibatibik, odiggon: Ananias . . . pasigwin, ijan nondawabam Saul, megwa anamia . . . Ananias dach ikito: Debenimiian, nibiwa nin nondawag anichinabeg dajimind aw inini minik gaiji-matchi-dodawad enamiandjin Jerusaleming; mi dach gaie baondjiijad oma, kakina witakobinad enamiandjin naganisinidjin pagitchigewininiwan odanonigon. — Kije-Manito dach odinan: Madjan; nin giowenabama aw inini tchi bimiwidod nind ijinikasowin enassamiwad enamiassigog, gaie kitchi ogimag, gaie Israel onidjanisan. Nin gawabandaan minik gekotagi-

tod ninondji, getapitch-gagikwed nind ikitowin.

Ananias dach ani-madja, pindiged wigiwaming; odani-tanginan dach Sau-lan, ekitong: Nikaniss Saul, Debeni-minang Jesus, gawabandaik wiiaw meg-wa bimosseian, nind anonig, tchiondji-wabiian minawa, tchi mochkinechkagoian gaie Wenijichid. Manito ojawendjigewin. — Pabige dach ondji-pangis-sininiwan ochkinjigong abinagichkanig, mi dach eji wabid, pabige pasigwi, mi dach sigaandasod. Api dach gawissinid kijijawigane. Ima dach aia goma dassogwan, owidokawan enamianidjin Damasking.

Pabige gagikwe Jesus odikitowin, ekitong: Win Jesus geget Kije-Manito Ogwissan. — Kakina dach nwandan-gig kitchi mamakadendamog, ow ikitowag: Ka na aw awissi gahanadjiad enamianidjin Jerusaleming. Oma gaie gibiondji-dagwichin, tchi takobinad enamianidjin, tchi madjinad Jerusaleming, naganisidjig pagitchigewininiwag endawad. — Saul dach echkam machka-wendam, agonwetawad Judawininiwan;

kitchi gwaiak gagikwe : Jesus, mi aw Christ, Kije-Manito Ogwissan, ganodji-moinang.

Iwapi bejig inini aia odenang Cesareing, *Cornelius ejinikasod*, jimaganichi-ogima. Kitchi mino-ijiwebisi aw inini, Kije-Maniton ogossan, kakina gaie mino-ijiwebisiwag endachiwad owigwaming; nibiwa ojaweniman ketimagingisnidjin, mojag gaie Kije-Maniton odanamietawan; (*kawin dach machi sigaandjigasossi*.)

Ningoting dach megwa gjigak owa-baman bejig Anjeniwan pandigenidjin ima win Cornelius endad. Kitchi segisi dach. Anjeniwan dach odigon; *Kego segisiken*, Kije-Manito omino-odapinan kit anamiewin, ki jajawendjigewin gaie. Nongom dach ininajaw ininiwag tchi nandomawad Pierran, win ki gadibadjimig gedodaman. — Gamadjad dach Anjeni, aw ogima onandoman nij odochkinigiman, bejig gaie ojimaganichiman meno-ijiwebisinidjin, owindamowan gaijiewbak, odininajawan dach Pierre endad.

Mi dach eji madjawad, waiabang dach dadwichinog, omikawawan Pierran.

Pabige dach Wenijichinidjin - Maniton odigon Pierre odeing: Ambe, nisswe ininiwag ki wi-ganonigog; pasigwin, nissandawen, ani-widjiiw dach; kego gwinawi-inendangen; nin sa nin gianonag. — Pierre dach odani-nasikawan iniw ininiwan, ani-inad: Nin sa nindaw, nendawabameg; wegogen dach baondji-ijaieg? — Ow dach ikitowag ininiwag: Cornelius, jímaganichi-ogima, geget meno-ijiwebisid inini, Kije-Maniton ogossan . . . mi dach aw gwabamad Anjeniwan; odigon dach, kin tchi nandomik tchi pindigeian owigiwamig, tchi pisindok getikitoian. — Pierre dach opindiganan iniw nisswe ininiwan endad, waiabaninig dach odani-widjiwan, anind gaie enamiadjig owidjiwawan.

Mi dach pindigewad odenang Cæsareing; Cornelius dach obian, gamawandonandomad enawemadjin, wassokawadjin gaie. — Pierre dach pandiged, Cornelius onagichkawan, osidaning dach apagiso, kitchitwawenimad. Pierre dach ododapinan ekitong: Pasigwin, nind ininiw gaie nin. — Megwa dach gaga-

nonad, ani-pindige, nibiwa omikawan gamawandjiidinid. Pierre dach ow odinan jímaganichi-ogiman: Ki kagwedji-min nongom, wegonen wendji-nandomiiian? — Ogima dach ikito: Megwa anamiaiàn nin giwabama Anjeni wabichkwanaie; nindig dach: Cornelius, kit anamiewin nondjigade, ki jajawendjigewin gaie kikendjigade enassamid Kije-Manito. Ininajaw ininiwag awi-nandomawad Pierran . . . Pabige dach nind anoki nandominan; kitchi migwetch dach dagwichinan. Nongom mamawi oma nind aiamin tchi pisindagoian minik gainik Kije-Manito tchi gagikweian.

Pierre dach ow ikito: Geget nin kikendan nongom, kawin Kije-Manito awia awachime odapitenimassin, bejjig epitenumad; kakina ejiwinsonidjin osagian gwessigodjin, meno-ijiwebisindjin . . .

Nikanissidog! Ki ginondanawa ikitowin kakina gagikindim misi Judeing; Galileing ondji madji-gagikindim gaichkwa-gagikinding Jean-Baptiste osigandadiwin. Kije-Manito ogiminan Jesusan Wenijichinidjin-Maniton, machka-

wisiwin gaie ogiminan ; gibabamino-dodam dach Jesus, ginodjimoad kakina matchi maniton gegichkawanidjin ; Kije-Maniton ogiwidjiwigon. Ninawind dach kakina nin giwabandamin gadodang Judeing, Jerusaleming gaie ; oginissawan dach, gisassagakwawawad tchibaatigong ; Kije - Manito dach ogiabitchii-baan waninisso gjigadinig , ogiwaban-daiwenan dach weweni ; kawin kakina anichinaben ogiwabandaassin , iniw eta Kije - Manito gaowenabamadjin ; nina-wind sa nin giwabamanàn , nin giwi-dopamanàn gaabitchiibad.

Nikanssidog! Debeniminang nin gigagansominàn tchi gagikimangidwa anichinabeg tchi debwetamowad , win Kije - Manito giinakonized , Jesus tchi dibakonad bemadisinidjin , nebonidjin gaie. Kakina ganiganikikendamogobane-nag gidibadjimowag : Gedebwetawadjig Jesusan tajawendagosiwag , kakina sa obatadowinan tagassiigadeniwan , win odijinikasowining ondji. — Megwa dach Pierre gigitod , Venijichid - Manito binanjisse oditang iniw pesindagodjin odeiwang. Kitchi mamakadendamog dach

igiw gaiat anamiewin ejitwadjig *), minik bawidjiwadjig Pierran, waiabanda-mowad eji minawad gaie enamiassigog Wenijichid - Manito ojawendjigewin; onondawawan sa enwenid bakan inwe-winan, kitchitwawenimawad Kije - Maniton. Pierre dach odinan: Awenen gegachkitod tchi migiwessig nibi tchi siga-andasowad ogow gaminindjig Kije - Manito ojawendjigewin, tibichko kinawind. — Mi dach eji ikitod Pierre tchi sigaan-dasowad, Debeniminang Jesus - Christ odijinikasowining.

Mi ovv ekitod kitchitwa Paul, (bejig Jesus omekate - okwanaieman.)

Kawin nin daagatchitasin Jesus ogagikwewin; mi sa Kije - Manito omach-kawisiwin tchi ondji - nodjimowad kakina daiebwetangig, Judawininiwag nitam, gaie dach kakina enamiassigog,

*) gaiat anamiewin, mi sa dibakonigewin, gaiji - inakoniged Kije - Manito, Jesus bwa bijad aking.

(*kichpin debwetamowad Jesus ogagi-kwewin.*) Mi iw gagikwewin wendjikikendagwad Kije-Manito ojawendjigewin, omino - ijiwebisiwin, kichpin awia weweni debwetang gagikwewin ; ijibii-gade sa : Gwaiak ejiwebisid debweien-damowin ondji - bimadisi. Metchi - ijiwebisidjig okitchi-nichkiawan Kije-Maniton, kaiadodjig gagikwewin, epitch matchi - ijiwebisiwad.

Kawin bapich gwaiak ki dodansi, dibakonad, *matchi dajimad* kidj' anichinabe ; kichpin dibakonad awia, ki banatchiton tibinawe kiiaw; tibichko sa kin ki matchi dodam, endodang kidj' anichinabe debakonad, *metchi dajimad*. Gwaiak ki kikendamin, geget Kije-Manito tchi matchi-dibaamawad kakina aindodaminidjin iw dinowa. Kit inendam na kin, debakonadwa kidj' anichinabeg metchi - dodangig, kichpin gaie kin tibichko dodaman, kit inendam na, tchi ojindaman Kije-Manito odibako-nigewin? Ki nichibapinodawa na Kije-Manito, eji kitchi jawendjiged, eji jawenimad, ginwenj gaie biad baiata-ijiwebisinidjin? Ka na ki kikenda-

sin, Kije-Manito ojawendjigewin wendji-gagansomigoian tchi anwenindisoian? Osam geget machkawa kide, kawin kit anwenindisossi kideing, mi wendjimawan, tchitasoian Kije-Manito onichkadisiwin nichkadji-gijigad, api tchi nagwad Kije-Manito gwaiak odibakonidiwin; ogadibaamawan sa iwapi kakina anichinaben minik aindodaminid. Igiw nendawendangig tchi kitchitwawendagosiwad *gijigong eta*, tchi banta-chitossigwa wiawiwan, ani-mino-dodamowad kaginig, taminawag kagine bimadisiwin; igiw dach neta-agonwetangig, daiebwetansigog Kije-Manito odijitwawin, mi eta debwetamowad matchi ijiwebisiwin, mi igiw gemikan-gig Kije-Manito onichkadisiwin dibakanige-gijigad.

Taianimendamog, takachkendamog odeiwang kakina metchi-ijiwebisidjig; Judawiniwag nitam, gaie dach bekani-sidjig. Takitchitwawendagosiwag dach, tamino-wawinawag, tawanakiwideewag gaie kakina meno-ijiwebisidjig; Judawiniwag nitam, gaie dach bekani-sidjig. Kije-Manito kakina osagian meno-

ijiwebisnidjin, kawin bejig owebinassin. Kakina metchi - ijiwebisidjig, kekenda-sigog gagikwewin (*dibakonigewin*,) tabanadisiwag tchi bwa kikendamowad; kakina dach metchi - ijiwebisidjig keken-dangig gagikwewin, tadibakonawag gagikwewin ondji, tabanadisiwag dach gaie. Kawin igiw, nwandangig eta gagikwewin, Kije-Maniton osagiigossi-wan; igiw sa endodangig eji kikino-amowad, gwaiak osagiigowan Kije-Maniton.

Bekanisid ki gagikima, kin dach tibinawe kawin ki gagikindisossi. Kit ano inag tchi gimodissigwa, kin dach ki gimod; kit inag gaie tchi bichigwadi-sissigwa, kin dach ki bichigwadis; ki jin-gandan matchi manitokewin, kin dach tibinawe ki bapinodawa Kije-Manito; ki kitchitwawiidis eji kikendaman gagikwe-win, pabige dach ki bokobidon gagikwewin, kawin Kije-Manito ki mana-djiassi, kawin ki kitchitwavenimassi . . .

Ki modjigendamin ki kotagitowin-ninanin ondji; ki kikendamin sa: kich-pin kotagitoiangon, mi wendji - songen-damang; kichpin dach songendamangon,

mi wendji-binisiang; kichpin dach binisiandon, mi wendji-pagossenimoiang; kichpin dach *weweni* pagossenimoian-gon, geget ki gajawendagosimin; Kije-Manito sa ojawendjigewin ki gamoch-kinechkagomin kideinang, Wenijichid-Manito ominidiwin.

Megwa ninamisiang mi iwapi ganibod Jesus, ki matchi ijiwebisiwininan ondji . . . Kije-Manito ki giwabandaigonan ojawendjigewin: megwa gi-matchi-ijiwebisiang, ginibo Jesus, kinawind ondji, *wi nodjimoinang*. Awachime dach nongan ki gabimadjii, gonan, gisiginang omiskwim tchi ondji-binisiang. Kichpin Kije-Manito, megwa gijingenimang, giiji-jaweniminang, Ogwissan onibowini ondji; awachime nongan, megwa sagiang Kije-Manito, ki gajawenimigonan, Ogwissan obimadisiwini ondji . . .

Bejig inini (*Adam*) gibiondji-dagwichi, nomagak batadowin oma aking, batadowining dach mi wendjissing nibowin; mi dach nibowin kakina anichinabeg wendji-odissigowad; kakina sa ogigich-kanawan batadowin, win bejig ininiwan

wendji-gigichkamowad ... Bejig inini (*Adam*) gaagonwetang, kakina kit ondji-gigichkamin batadowin, bejig inini dach (*Jesus*) gadebwetang, nibiwa kit ondijjawendagosimin, binisiiang.

Nikanissidog! Ka na ow ki kikendasinawa: minik gasigaandagoiang Jesus odijinikasowining, win onibowining ki gisigaandagomin. Jesus ki giwidjinibomanan, ki giwidji-pagidenimigomin gaie sigaandadiwining; tibichko dach Jesus gaiji-abitchiibad Ossan okitchitwawisiwining, mi tibichko gaie kinawind andji-bimadisiwining bimossedaa, (*andjitoda ki bimadisiwininan.*) Kichpin, widjinibomang Jesus, (*mi sa: kichpin andjitoiang ki bimadisiwininan,*) gaie kinawind ki gamino-abitchiibamin. Ki kikendamin, ki matchi-ijiwebisiwininan tchibaiatigong tchi ginibomagad, (*Jesus kakina ki gigassiamagonan ki batadowinininan, api nessind tchibaiatigong,*) tchi banatchitchigadeg batadowin kiiawinang, tchi batadodasiwang; awia ganibodjin kawin minawa bataijiwebisisi. Kichpin dach gawidjinibomang Jesus, ki songendamin tchi wi-

digemang kaginig. Ki kikendamin, Jesus gaabitchiibad kawin minawa tani-bossi . . . Batadowin giondji - nibo Jesus, (*tchi gassiamonang ki batadowinininan*;) abiding dach ginibo; nongom dach eji bimadisiid, Kije-Maniton ondji-bimadisi, (*Jesus eji Kije-Manitowid giabitchiibaidiso.*) Mi tibichko gaie kina-wa ijiwebisiilog; tibichko nebongin bonitoiog batadowin, bimadisiilog dach, Kije-Manito eji minwendang, Debeniminang Jesus ondji.

Kego matchi-ijiwebisiwin ki gatogimakandagossinawa kiiawiwang; kego babamendangegeon matchi missawenda-mowin. Kego pagidendangegeon kiiawiwan tchi anokitaweg matchi manito; pagidinamawig Kije-Manito kiiawiwan. . . . Kichpin matchi manito anokita-weg, ki ganibom; kichpin dach Kije-Manito babamitaweg, ki gamino-bima-disim. Migwetch nind ina Kije-Manito, kinawa ondji; waiechkat matchi manito ki gianokitawawa gimatchi-ijiwebisiieg, nongom dach ki debwetanawa iw gagikwewin ganondameg. Ki gi nagada-

nawa batadowin, gwaiako - bimadisiwin dach mechkwat ki gidapinawa.

Nikanissidog! Anichinabeng nind iji-gigit, osam sa ninamak kiiawiwan; ki giaionawa kiiawiwan tchi bichigwadisiieg, tchi matchi-dodameg; nongom dach mechkwat aioiog kiiawiwan, gwaiak tchi ijiwebisiieg, weweni tchi binisiieg. Megwa gidodameg anotch gego maianadak, kawin ki gibabamendasi-nawa gwaiako-bimadisiwin. Wegonen iw gagachkitoieg gimatchi - ijiwebisiieg, wendji-agatchitameg nongom? Kichpin awia iw ijiwebisid mojag, tanibo, (*ka-win kagine bimadisiwin ogagachkitos-sin.*) Nongom dach kawin keiabi batadowing ki daji - bimadisissim, Kije-Manito mechkwat kitankitawawa; nongom dach ki gagachkitonawa gwaiako-bimadisiwin, ichkwatch dach kagine bimadisiwin gjigong. Win metchi-bimadisid ogamikan kagine nibowin, (*ka-win sa kagine bimadisiwining gjigong tapindigessi; anawi dach gaie win takagine - bimadisi, mi sa anamakan-mig kagine ichkoteng.*) Kije-Manito

ojawendjigewin, mi kagige bimadisiwin, Debeniminang Jesus ondji.

Ki kikendamin eji onijiching gagikwewin, nin dach nind ijiwebisivin kawin onijichisinon; nind awakanigon matchi - ijiwebisivin. Kawin nin kiken-dasin aindodamàn; nind ano inendam tchi mino - ijiwebisiiàn, kawin dach nin mino - ijiwebisissi; nind ano jingandan matchi - ijiwebisiwin, nin matchi - ijiwebis dach. Nin jingandan endodamàn, nin sagiton dach gagikwewin eji onijiching.

Kawin dach nin tibinawe nin dodasin maianadak; iw dach batadovin gegichkamàn nin dodagon. Nin kikendan, kawin nin gigichkasen wenijiching niia-wing; kaginig nind ano inendam gwaiak tchi ijiwebesiiàn, iw dach, geget gwaiak ijiwebisiwin kawin nin mikasin; kawin gocha iw wenijiching menwendamàn, nin dodasin; maianadak sa jangendamàn, nin dodam. Kije-Manito ogagikwewin (*Codibakonigewin*) nin kitchi sagiton nindeing, nin tchitchagong; niia-wing dach nin mikan bakan dibakonigewin, migadimagak iw dibakonigewin nindeing eteg; mi eji awakanigoià̄n maianadak

niawing eteg. Geget nin kitchi sanga-
gendam! Awenen gebimadjid niawing,
nibowining? Mi sa Kije-Manito neta-
jawendjiged gebimadjid, Debeniminang
Jesus ondji.

Nikanissidog! Kego babamendasida
kiawinanin, kego minwendasida matchi
bimadisiwin aking. Kichpin minwenda-
meg matchi bimadisiwin aking, ki ga-
nibom, (*kawin kagige bimadisiwin ing
gijigong ki gapindigessin*;) kichpin dach
nibwakaieg, tchi ojindameg matchi bi-
madisiwin, ki gabimadisim (*kaginig
gijigong*.) Minik endodangig, Kije-Ma-
nito eji minwendang, Kije - Manito odo-
nidjanissinan. Kawin kit inenimigossiwa
tchi awakanigoiegoban, tchi segisiiego-
ban minawa; wenidjanissingin kit ine-
nimigowa Kije-Manito; mi sa wendji-
jinikanang: Nossinan, nossinan. Veni-
jichid - Manito owindamawan ki tchi-
tchagonanin, eji onidjanissiminang Kije-
Manito. Kichpin dach Kije-Manito oni-
djanissiminang, ki gaminigonàn dani-
win, gjigong endagog daniwin ki ga-
minigonàn, tchi widjiwang Jesus gjiji-
gong; kichpin weweni kotageinenda-

mang aking, Jesus gaiji-kotageinendang,
ki gakitchitwawendagosimin gijigong,
win eji kitchitwawendagosid.

Nikanissidog ! ow nin kikendan :
kakina kotagitowin oma aking endagog
kawin geget apitendagossinon tchi da-
jindamingiban, kichpin nanagatawen-
damang iw kagige kitchitwawendago-
siwin geminigoiang *gijigong*. Bemadi-
sidjig aking obitonawa iw, Kije - Ma-
nito onidjanissan tchi nagosinid. Bema-
disid aking gipagidina, anotch tchi ko-
tagendang; kawin anawi minwendasin;
win dach Kije - Manito ogipagidinan,
tchi apenimod, tchi dibendang wiiaw
tchi banadisissig, wedi tchi dibenindi-
sod *gijigong*, Kije - Manito onidjanissan
endaji - kitchitwawendagosiwad. Ki ki-
kendamin sa, kakina bemadisidjig kitchi
kachkendamog, kitchi animisiwag gaie
mojag, binich igo nongom; kawin anind
eta bemadisidjig, kinawind gaie, ano
jawendagosiiang, nitam giminigoiang
Wenijichid - Manito ojawendjigewin, ki
kachkendamin, bitoiang iw, Kije - Ma-
nito tchi onidjanissiminang tchi diben-
nindisoiang.

Ki kikendamin, kakina ejiwebak anokimagad tchi ondji - jawendagosiwad saiagiadjig Kije-Maniton . . . Kichpin Kije-Manito sagiinang, awenen gegachkitod tchi matchidodonang? Kije-Manito ogipagidinan tibinawe Ogwissan tchi nibonid kinawind ondji, ka na be-kich kakina gego ki giminigossinan? . . . Awenen gepakewininang Jesus osagii-wewining? sanagisiwin na? kotagendamowin na? bakadewin na? pingwachagidiwin na? animisiwin na? nansiisiwin na? ajawechk na? . . . Kakina iw ki jagotchitomin, win sa saiagiinang ki machkawendamiigonan. Nin kikendan, kawin nibowin, kawin gaie bimadisiwin, kawin gaie kakina Anjeniwag gijigong ebidjig, kawin nongom ejiwebak gego, kawin gaie gego genijiwebak . . . kawin sa go gego ki dagachkiigossimin tchi bakewinigoiang Kije-Manito osagiiwewining Debeniminnang Jesus gamininang.

Kichpin awia dogang minik gaij angwamitagosid Kije-Manito ogagikwe-wining, takagige-bimadisi . . . Kego dach ikitoken kideing: *Osam sanagad*

Kije-Manito ogagikwewin; awenen ichpimind getijad tchi nanad Jesusan, *win tchi gagikwed minawa aking?* awenen gaie anamakamig getijad tchi abitchiibaad Jesusan, *win tchi bimadisid minawa akind?* Kego iw ikitoken; mi ejibiigadeg: Becho dago gagikwewin, kit aian kidoning, kideing gaie. *Kawin memwetch win tibinawe Jesus tagagikwessi oma aking*; ninawind sa (*mekate-okwanaieg*) nin gagikwemin odikitowin tchi debwetameg. Kichpin kidoning ondji-ikitoian ow: Jesus Kije-Manitowi; kichpin gaie kideing ow debwetaman: Kije-Manito ogiabitchii-baan Jesusan ano ginibonid; ki gajawendagos kaginig, *kichpin bekich dodaman gaiji-gagikwed*. Kichpin awia odeing songendang, geget gawaiak bimadisi; kichpin dach gaie odoning ondjigigitod eji songendang odeing, geget takagige-bimadisi gjigong. Mi ejibii-gadeg Kije-Manito omasinaiganing: Wegwen gedebweienimagwen Kije-Maniton, kawin taagatchissi . . . Wegwen genanandomagwen, takagige bimadisi gjigong. Anin dach geiji-nanandoma-

wad igiw daiebweiendasigog? anin dach
geiji - debweiendamowad igiw nwanda-
sigog? anin dach geiji - nondamowad,
gegikwed aiassinid? Anin dach geawi-
gagikwewad ejinajowassiwindwa? ijibii-
gade go: Geget onijichinon osidan igiw
gegikwedjig wanakiwin, gegikwedjig
wenijiching! — Kawin dach kakina
obamendasinawa gagikwewin, Jesus odi-
kitowin. Iquito sa Isaïe : Debenimiiang,
awenen daiebwetang eji gagikweiang?
— Mi iw wendji-debwetaming, nwan-
daming gagikwewin; iw dach gagikwe-
win eji nondaming, mi Jesus odikito-
win. Nind ikit dach: ka na oginonda-
sinawa gagikwewin? Anawi enigokwag
aki gibabagagikwewag enonindjig, (*Je-
sus omekate - okwanaieman*); misive
aking gigigitowag.

Geget kitchi mamakadakamig eji
kitchi - apitendagwad Kije - Manito oni-
bwakawin, okikendamowin; odibakoni-
gewin kawin ki dagachkitossimin tchi
nissitotamang, kawin gaie bapich ki
dagachkitossimin tchi kikendamang ain-
dodang. Awenen kekendang Kije - Ma-
nito odinendamowin? Awenenan gega-

gikimigodjin? Awenen nitam gaminad
gego Kije-Maniton, neiab tchi ajemi-
giwed? Win sa kakina ogiojiton, win
kakina ki minigonàn, win kakina odi-
bendan; kitchitwawinada kaginig!

Nikanissidog! Kije-Manito ojawen-
djigewin kit ondji-gagansomininim, tchi
pagidinameg kiiawiwan, *tanassag* be-
madak pagitchigewin, ketchitwawenda-
gwad, epitendagwad Kije-Manito tchi
odapinangiban; nibwakaiog eji anokita-
weg Kije-Manito. Kego ijiwebisikegon,
saiagitodjig oma aking endagog ejiwebi-
siwad; andjitoiog, onijichitoiog kit inen-
damowiniwa, tchi kikendameg epitch
onijiching, mino-ijiwebak gaie Kije-
Manito odinendamowin. Jawendjigewin
gaminigoià̄n kit ondji-ininim kakina:
Kego osam, nin nibwakamin, inendan-
gegon, weweni dach nibwakaiog, eji
inenimineg tchi mochkinechkagoieg de-
bweiendamowin. *Nikanissidog!* Eji ba-
tinak ki pakesiwininanin kiiawwinang,
kakina dach pakesiwinan tibichko eji
anokadasing; mi tibichko endiiang Jesus
odijitwawining: ki bejigomin kakina,
bekich dach enamiad ogatapiteniman.

widj' anichinaben, tibinawe opakesiwi-
ning ogatapiteniman, (*ogajaweniman,*
ogasagian gaie widj' anichinaben, eji
sagitog tibinawe wiiaw.) — Bebakan
ki giiji - maminigomin minidiwin, be-
bakan gaie ki giiji - minigomin jawen-
djigewin. Kichpin Kije - Manito mini-
nang, nigan tchi kikendamang tchi di-
badodamang gego, weweni dibadoda-
da, eji minigoiang debweiendamowin;
enokiiangon, weweni anokida; awia
kekinoamagedjin, weweni takikinoama-
ge; awia gegikwedjin, weweni taga-
gikwe: awia manadjin gego ketimagi-
sinidjin, minodeed ogajaweniman; awia
naganisidjin, ogamino - ganaweniman
odanichinabeman; jewenimadjin keti-
magisinidjin, mano taminwendam ode-
ing. Weweni sagiidig enigokodeeieg;
jingendamog maianadak, odapinamog
wenijiching. Wadjikiweidingin sagiidig
memechkwat; kitchitwawenindig me-
mechkwat; kego kitimichkikegon gana-
wendameg gego; enigokodeeieg sagitog
kit anamiewiniwa; anokitawig Kije-
Manito; bapinenimog eji apenimoieg
Kije - Manito; minwendamog kichpin

kotagitoieg ; mojag anamiaiog ; jawenimig memindage gego manesiwadjin ; odapinig , mino - dodawig bemossedjig , meiagisidjig gaie. Mino - inig metchi-dodonegog , mino - inig , kego matchi-inakegon. VVaiabamegon awia menawanigosid , gaie kinawa minawanigosiiog ; waiabamegon dach awia mewid , gaie kinawa mawiio. Tibichko inendamog kakina. Kego ichpendangegeon kiiawiwian , nindawatch tabassenindisog.

Nikanissidog ! Kego , nin nibwakamin , inendangegeon. Kego ajitawaakegon awia ningotano eji matchi - dodoneg. Mino - dodamog , kawin Kije - Manito eta tchi kikendang , anichinabeg gaie tchi wabandamowad *ki mino - dodamowiniwan* , *tchi ondjikitchitwawenimawad Kije - Maniton*. Minik eji gachkitoieg mino - inawendiioig kakina anichinabeg. Saiagiinagog ! kego wika ajitawaakegon awia metchi - dodoneg ; awia nechkadisitoneg , kego ajita nichkadisitawakegon ; ow sa ijibiigade *Kije - Maniton* omasinaiganing : Nin nin dibendan ajitawaawin , nin nin gadibaamage , ikito Kije-Manito. Kichpin bakaded jangenimik ,

acham; kichpin nibagwed, mina; iw dodaman, miskokinje ki gataton ochti-gwaning, (taagatchi, takachkendam gitmatchi-dodok.) Angwamisin tchi jagotchiigossiwan maianadak, kin ninda-watch jagotchiton maianadak animinododaman.

Kakina bemadisidjig ogababamitawawan naganisinidjin; kawin sa gego niganisiwin, mi eta Kije-Manito magiwed; kakina niganissiwin aking endagod Kije-Manito ogimigiwen. Awia aiagonwetawad naganisinidjin, Kije-Maniton odagonwetawan, gamigiwenidjin niganisiwin; igiw dach aiagonwetangig odapitchi-banatchiawan otchitchagowan. Naganisidjig kawin ogasegiassiwawan meno-ijiwebisinidjin, metchi-ijiwebisinidjin eta. Kichpin dach wi-gossassi-wad naganisid, mino-ijiwebisin, ki gaminowawinig dach. Kije-Manito odanonan tchi mino-dodok; kichpin dach matchi-dodaman, gochi; kawin anicha obitakonasin ajawechk; Kije-Manito sa odanonan, tchi bachajewad metchi-ijiwebisinidjin. Tabassepagidinamog kiaawiwan, debwetawig naganisid, kawin eta

win tchi nichkadisissig, Kije-Manito gaie tchi minwendang... Kakina eji gagikimigoieg dodamog: dibaamawig win wedaninang dibaamadiwin; gossig awenendagosiieg tchi gosseg; kitchitwawenimig awenendagosiiieg tchi kitchitwawenimeg.

Nikanissidog! Kego awia gego masinamawakegon, mi eta tchi sagiidiieg. Win saiagiad widj' anichinaben, kakina ijitchige minik eteg gagikwewining. Kakina sa ow: kego bichigwadisiken, kego nichiweken, kego gimodiken, kego gaginiawichkiken, kego missawendjigeken; kakina gaie minawa gagikwewin, mi go kakina atemagad iw ikutowining: Eji sagiidisoian ki gasagia kidj' anichinabe. Awia saiagiad widj' anichinaben, kawin omatchi-dodawassin. Win saiagiad widj' anichinaben, geget kakina ijitchige minik eteg gagikwewining.

Nikanissidog! Mi jaigwa tchi gochkosingiban nongom; becho nawatch dagomagad iw tchi bimadjigoiang, endagogibana waiechkatapi gaodapinamang debweiendamowin. Tibikad ichkwasse, gjijigad becho dago: ambe webinanda kachkitibikad-inanolkiwin, binsikanda

dach wasseia - achwiwinan. Weweni bi-mosseدا, tibichko gajigakin, kawin win wikondiwining, kawin gaie giwach-kwebiwining; kawin bichigwadisiwining, kawin gaie gagibadisiwining; kawin gikandiwining, kawin gaie gaganenindiwining; mechkwat dach binsikonidisog Jesus - Christ, Debeniminang. Kego missawendangegon anotch bichigwatch - ijiwebisiwin.

Kawin awia endachiiang, tibinawe wiiaw ondji - bimadisissi; kawin gaie awia tibinawe wiiaw ondji - nibossi. Kichpin bimadisiang, Kije-Manito kit ondji - bimadisimin; kichpin dach niboiiang, Kije-Manito kit ondji - nibomin. Kichpin bimadisiang, kichpin gaie niboiang, Kije-Manito ki dibenimigonan. Mi sa gaondji - nibod Jesus, mi sa gaondji - abitchiibaidisod gaie, kakina tchi dibenimad nebonidjin, bemadisinidjin gaie. — Kin dach, *nikaniss*, wegonen wendji - dibakonad kidji - anichinabe? wegonen wendji - bapinodawad kidji - anichinabe? Kakina go ki ganibawimin enassamabid Jesus odibakonigewining; ejibiigadeg igo masinaiganing: Eji ge-

get bimadisiian , ikito Kije - Manito , kakina endachiwad, nin nin gatotchitchin-gwanitagog , kakina gaie ogakitchitwa-wenimawan Kije - Maniton.

Nikanissidog ! Minik ejibiigadeg Kije - Manito omasinaiganing , kinawind ondji - ijibiigade , tchi ondji - kikendamang gedodamang , gwaiak tchi iji bimadisiang , weweni gaie tchi katageinen-damang ningot endiangon , Kije - Manito gaie mojag tchi apenimoiang , naia-gatawendamang odikitowin . Kije - Manito dach , win magiwed kotageinen-damowin , minawanigwendamowin gaie , apegich minineg , kakina tibichko tchi mino-inendameg , Jesus geiji-minwendang ; tchi bejigwang kit inendamowi-niwa , tchi bejigwang gaie kidoniwa , Kije - Manito tchi kitchitwawenimeg , win Debeniminang Jesus Ossan . Jaja-wenindig , sagiidig , gaiji - jawenimineg gaie Jesus , tchi ondji - kitchitwawenda-gosid Kije - Manito . Kit ininim dach , geget Jesus ogimino - ganawenda gaiat gagikwewin , tchi kikendamang eji debwed Kije - Manito , songan gaie tchi debwetamang kakina gaiji - wawindamawad

kossinanin. Kakina gaie anichinabeg migwetch ogatinawan Kije-Maniton kejewadisinidjin, ejibiigadeg igo: Ki gakitchitwawenimin, Debenimiian, megwe anichinabeg; ki ganagamoton dach gaie, tchi kitchitwawitoian kit ijinikasowin. Minawa dach ikito: Bapinenimog kakina enamiassiweg, mamawi enamiaieg. Minawa dach: Kitchitwawwinig Kije-Manito kakina enamiassiweg, kitchitwawwinig kakina enichinabewiieg endassowinsoieg. Minawa dach Isaie ikito: Otchibikong Jesse tamogichka aw geogimakandawad bemadisinidjin aking. Kije-Manito dach, win magiwed pagossemowin, apegich jawenimineg tchi minawanigwendameg, tchi wanakiwideeieg gaie debweiendamowining; tchi mochkinechkagoieg pagossemowin, Venijichid-Manito gaie omachkawisiwin.

Nikanissidog! Kaginiig migwetch nind ina Kije-Manito, kinawa ondji, giminigoieg Kije-Manito ojawwendjigewin, Jesus ki giminigowa; giminigoieg gaie gagikwewin, kikendamowin gaie. Jesus ogigitowin eji machkawissing kideiwang. Geget ki kitchi jawendago-

sim, ki biawa Debeniminang Jesus tchi dagwiching. Win ki gamachkawen-damiigowa, tchi ojindameg mojag batadowin, binich tchi dagwiching Debeniminang Jesus.

Sagiig Kije-Manito ; geget jawendagosiwag saiagiadjig Kije-Maniton. Kawin wika awia bemadisid ochkinjigong ogiondji-wabandasin, kawin gaie wika otawagang ogiondji-nondasin, kawin gaie wika odeing gipindigemagassinnon kakina iw, Kije-Manito geminad gijigong saiagiigodjin.

Nikanissidog ! Apegich kikendamowad bemadisidjig, Jesus ogagikweviniman aviiang ninawind, tchi ganawendamang odijitwawin aking. Inendagosiwag igiw genawendangig oma aking Jesus odijitwawin, tchi nibwakawad. Nin win kawin nin babamendasin bapich dibakoniieg, bekanisid gaie awia dibakonid; kawin gaie nin tibinawe nin dibakonidisossi. Kawin anawi nin kikendasin tchi gimatchi-dodamàn gego, kawin dach: nind apitchi mino-ijiwebis, nind ondjiinendasin; win sa De bendjiged nin dibakonig, (*win eta nind*

apitchikikenimig.) Kego nidawatch awia dibakonakegon nongom, win Kije-Manito ogadibakonan kakina 'anichinaben api, gedagwiching *dibakonigegijigad*; win wasseiang ogataton kakina minik atemagad nongom kachkitibikadong, tchi nagwag kakina kit inendamowininanin kideinang etegin; mi dach iwapi tchi mino-dibaamowad Kije-Manito kakina *meno-ijiwebisinidjin*.

Wegonen aiaian iw gaminigossiwan? Kichpin dach gaminigoian, wegonen wendji-kitchitwawenindisoian ti-bichko gaminigossiwan?

Nikanissidog! Sagidjiwebinamog kakina gaiat matchi *ijiwebisiwin*, bakan tchi bimadisiieg. Jesus ogipagidendañ wiiaw tchi nissind, kinawind ondji, *nijo-gwan bwa machi odjitchisseg Pâque*. Ambe bapinenimoda, kego dach minawa odapinansida gaiat matchi *ijiwebisiwin*, manjininiwagisiwin, matchi dodadiwin; mechkwat dach babamendanda gwaiako-bimadisiwin, debwewin gaie.

Wadigendidjig weweni taijiwebiswag, mi ekitod Kije-Manito; ikwe kawin ogabakewinassin onabeman; kich-

pin kitwen bakewinad, bichichig taaia; gonima dach onabeman oganasikawan neiab. Kawin gaie inini ogawebinassin wiwan. — Nin dach tibinawe ow kit ininim: Kichpin awia enamiad inini widigemad ikwewan enamiassinigon, mano kawin ogawebinassin, kichpin ikwe minwendang tchi widigemad enamianidjin ininiwan. Kichpin gaie awia enamiad ikwe widigemad ininiwan enamiassinigon, mano kawin ogabakewinassin ininiwan, kichpin inini minwendang tchi widigemad enamianidjin ikwewan. Binisi sa enamiassig inini, wiwan enamianidjin ondji; ikwe dach enamiassig binisi, onabeman enamianidjin ondji . . .

Nin tibinawe ow nind inendam: Nongom eji sanagendamang oma aking, geget minododam awia bichichig aiad, widigessig. Kichpin dach widigemad ikwe, kego webinaken; kichpin dach widigemassiwad ikwe, kego nindawatch nandawabamaken ikwe tchi widigemad. Kichpin dach apitchi widigemad ikwe, kawin ki matchi dodasin; kichpin gaie ochkinigikwe odapitchi-widigeman ininiwan, kawin matchi dodasin; okota-

gitonawa dach wiiawiwan. — Kawin dach nawatch nibiwa kit inissinoninim; kit ininim eta, nikanissidog: Takwamagad bimadisiwin; *kego sagitokegon gego oma aking endagog.*

Kit inenimininim tchi sanagendasweg. Aw ningotchi wadigessig onagatawenden Kije-Manito odikitowin, tchi dodang, Kije-Manito eji minwendang. Aw dach ningotchi wadiged onagatawenden oma aking endagog, tchi dodang, wiwan eji minwendaminid; na-waiai iijiwebisi. Wenabemissig ikwe, ochkinigikwe gaie, onagatawenden Debeniminang odikitowin, tchi binisid eji owiiawid, eji otchitchagod gaie; win dach wenabemid ikwe onagatawenden oma aking endagog, tchi dodang, onabeman eji minwendaminid. Tchi mino ijiwebisiieg, mi wendji-inineg iw . . .

Kichpin awia agatchid waiabamad odanan gagangowinidjin, jaigwa deapitisinid, *kawin dach machi onabemissi*; enendang tadodam; kawin matchi dodasin, kichpin widigead. Kichpin dach awia songendang odeing, win tibinnawe songendang, tchi ganaweni-

mad odochkinigikweman, tchi widigeassig, geget mino dodam. Win wadi-gead odochkinigikweman, mino dodam; win dach wadigeassig, nawatch mino dodam. Ikwe odibenimigon onabeman, (*mejibiigadeeg gagikwewining*,) binich tchi nibonid; kichpin dach onabeman gini-bonid, mi tibenindisod ikwe, minawa tawidige ningotchi, kichpin inendang; eji minwendang dach Debeniminang, tadodam. Kichpin dach widigessig, na-watch tajawendagosi. Mi sa enendamān; nin gigichkawa dach Wenijichid - Ma-nito gaie nin, nind inendam.

Nikanissidog! Ka na ki kikendasim, igiw bemibatodjig kakina geget kitchi kijikawag, bejig dach mamawi pakinage, ogachkiton dach dibaamagowin. Mi sa gebimibatoieg tchi gachkitoieg dibaamagowin. Kakina wakwatchitodjig tchi pakinagewad, tchi gachkitowad diba-amagowin, okotagitonawan wiiawiwan; mi wendji-dodamowad tchi gachkitowad banadadinig dibaamagowin; kinawind dach tchi gachkitoiang dibaamagowin wika banadassinok. — Weweni nind iji bimibato, kawin anicha nin dodasin; nin

migadan kakina maianadak weweni. Nin kotagiton niiaw, awakaning nind apitendan niiaw; kichpin iw dodasiwān, gonia giichkwa gagikimagwa bemadisidjig, nin tibinawe nin gabanatchiton niiaw.— *Nikanissidog!* Kawin nin minwendasin tchi kikendasiweg gaijiwebisiwad kos-sinanig; kakina sa anamaiai anakwadong giaiawag, kakina gijabochkamawad kitchigami; kakina gianamiawag, Moisan ogikikinoamagowan, *giwabandamowad mamakadodamowinan* anakwadong, kitchigaming gaie. Kakina ogimidjinawa ketchitwawendagwak wis-siniwin, kakina gaie ogiminikwenawa ketchitwawendagwak minikwewin, giminikwewad ketchitwawendagwak aji-bikong, mi sa Jesus - Christ. Nibiwa dach igiw kawin oginaiendamiassiwawan Kije - Manitou; ginibowag dach bagwadakamig. — Mi gaondji - ijiwebak iw, tchi nibwakaiang, tchi missawendaswang maianadak, winawa gaiji - missawendamowad. Kego gaie matchi - manitokessida, gaiji - dodamowad anind igiw, ejibiigadeg Kije - Manitou omasinaiganing: Anichinabeg (*mi sa Judawininiwag*)

ginamadabiwag tchi wissiniwad, tchi minikwewad gaie, gipasigwiwag dach tchi ombakamigisiwad. Kego gaie bichigwatch-ijiwebisisida, anind igiw gaijiwebisiwad; nijtana achi nissing midasswak dach ginibowag bejig gjigak. Kego kagwedibenimassida Debeniminnang, anind igiw gaiji - kagwedibenimawad, kinebigon dach oginissigowan. Kego gaie nenawadjimokegon, anind igiw gaiji - nenawadjimowad, ginibowag dach bagwadakamig ... Mi iw kakina wendji - ijibiigadeg Kije-Manito omasinaiganing, kinawind tchi kikendamang, tchi gagikimigoiang ... Win, nin machkawigabaw, enendang, mano taiangwamendam tchi pangichisig. Kawin gego kagwedibenimigowin ki gatodissigossinawa, mi eji odissigowad iko anichinabeg; kijewadisi dach Kije-Manito, kawin minwendasi awachime minik tchi kagwedibenimigossiweg, mi eta minik eji gachkitoieg; ki gajawenimigowa dach gaie tchi gachkitoieg tchi jagotchitoieg kagwedibenimigowin.

Nikanissidog! Anamie-minikwatchigagan enamietamang, ka na Jesus omis-

kwim awansinon? Pakwejigan gaie bwa-gobinawang, ka na Debeniminang wiiaw awansinon? Bejig pakwejigan, bejig gaie wiiaw mamawi kit awimin, minik emwang aw bejig pakwejigan. Gana-wabamig Israelitag eji owiiassiwad: ka na igiw madjidjig pagitchigewin oma-mossinawa pagitchigewini-adopowining wamidjiwad? Anin getikitoàn? Geget awan gego iw, eji pagitchigewad anotch menitokedjig, nin daikit na? anotch manitokewin onijichin, nin daikit na gaie? — Anotch menitokedjig eji pagitchigewad, matchi maniton opagidi-namawawan, kawin Kije-Maniton, nind ikit. Kawin dach nin minwendasin, kinawa tchi widokawegwa matchi manitog. Kawin ki dagachkitossim tchi minikwatchigeieg Debeniminang ominkwatchigan, matchi manito gaie ominkwatchigan; kawin ki dagachkitossim tchi wissiniieg Debeniminang odadopowining, matchi manito gaie odadopowining.

Nikanissidog! Debeniminang nin giwindamag iw, nongom eninagog: Win Debeniminang Jesus, iw tibikak api

pagidinamagod, pakwejiganan ogiodapinan, ogianamietawan, ogibokobinan, aniikitod: Odapinamog, midjig gaie: mi mandan niiaw, kinawa geondji-pagidinamagemagad. Dodamog iw gaie kinawa, tchi mikwenimiieg. — Tibichko gaie anamie-minikwatchigan, ogodapinan, giichkwa-wissinid onagochig, ikito dach: Mandan minikwatchigan mi ochki-iwitwawin nin miskwiming. Dodamog iw, tchi mikwenimiieg, dassing minikweieg. Dassing getamweg aw pakwejigan, geminikweieg gaie iw eteg ima minikwatchiganing, ki gawindama-gem ginibod Debeniminang, binich tchi dagwiching. Wegwen dach getamwagwen iniw pakwejiganan, wegwen gaie geminikwegwen eteg Debeniminang o-minikwatchiganing, meno-ijiwebisissig; owiiagiton Debeniminang wiiavv, omiskwim gaie. Tananagatawenindiso dach enamiad, panima dach ogatamwan iniw pakwejiganan, ogaminikwen gaie iw eteg minikwatchiganing. Win emwad iniw, menikwed gaie iw, meno-ijiwebisissig, omidjin, ominikwen gaie ti-

binawe obanadisiwin, kawin sa oma-djitossin Debeniminang wiiaw.

Nin nidjanissidog ! Ki kikendàm gaijiwebisiieg bwa-anamiaieg, ginopinanegwa igiw neta-gigitossigwa masinilig, segabiginidingin giijiwebisiieg. Ki windamoninim dach ow : kawin awia, Wenijichinidjin - Maniton wendji - gitod, ogamatchi-inassin Jesusan. Kawin gaie awia odagachkitossin ow tchi ikitod : *Debeniminang Jesus*, mi eta Wenijichinidjin - Maniton wendji - ikitod. Bebakanadon minidiwinan, bejigo dach aw Wenijichid - Manito magiwed ; bebakanadon gaie anokiwinan, bejigo dach aw Debendjiged. Kakina bebakan ki minigonàn Wenijichid - Manito ominidiwin, tchi mino inabatchitoiang. Wenijichig - Manito ominan bejig enamanidjin nibwaka - gigitowin ; minawa bejig ominan kitchi kikendamowin ; Wenijichid - Manito minawa bejig ominan debweiendamowin ; minawa bejig ominan tchi nodjimoivenid akosiwin ; minawa bejig ominan tchi mamandadodaminid ; bejig dach tchi niganikiken-dang ; bejig dach gwaiak tchi kikenimad

maniton; minawa dach Wenijichid - Manito ominan bejig, anotch bakan tchi inwenid; minawa dach bejig tchi anikanotang bakan inwewin. Bejigo Wenijichid - Manito, win dach kakina iw dodam; enendang igo, odiji-maminan bebejig.

Nikanissidog! Kichpin gachkitoià̄n tchi inweià̄n, kakina anichinabeg, Anjeniwag gaie enwewad, kichpin dach kijewadisissiwàn, tibichko jaiewabikaa-mingin biwabik nind apitendagos. Kichpin nigani - kikendamà̄n gego getijiwebak, kichpin gaie kakina kaiadjigadeg kekendamà̄n, kakina gaie nibwakawendamowin; kichpin gaie aiaià̄n kakina debweiyendamowin, tchi bidjinissitoià̄n wadjiwan, kichpin dach kijewadisissiwàn, kawin ningot nind inabatagendagosissi. Kichpin gaie kakina nind inodewisiwin migiweià̄n tchi achamagwa ketimagisidjig; kichpin gaie pagidenda-mà̄n niiaww tchi tchagideg, kichpin dach kijewadisissiwàn, kawin ningot nin dainabatchitossin. Awia kejewadisid ginwenj obian widj' anichinaben, *kawin pabige onichkenimassin*; nita-jawen-

djige gaie. Awia kejewadisid kawin awia ogagawenimassín, kawin matchi ijiwebisissí, kawin maminadisissí, kawin nadawendasin wi-kitchitwawisid, kawin sasagisissí, kawin nita-nichkadisissí, kawin awia omatchi-inenimassín, kawin ominwendasin matchi ijiwebisiwin; debwewin dach ominwendan; kakina kotagítowin weweni ododapinan, kakina gege debwetam, mojag Kije-Maniton odapenimonan, weweni kotageinendam. Kijewadisiwin kawin wika taichkwa-atessinon; nigan-kikendamowin kawin kaginig taatessinon, inwewinan tabisanabimagadon, kikendamowin gaie tabanadad; pangí gego eta ki kikendamin, pangí gaie gego nigan ki kiken-damin; iw dach pangí tawebinigade, api gedagwichinomagad iw, weweni kakina tchi kikendamang. Megwa giabinodjiwiiàn, abinodjiing nin giiji-gigit, abinodjiing nin giiji-nissitotan abinodjiing nin giiji-inendam; api dach baininiwiiàn, nin giwebinan nind abinodji-ijiwebisiwin. Nongom wabmotchi-ichagwaning *tanassag* ki wabandamin kakina gego; panima dach *gijigong*

apitchi becho kakina weweni ki gawa-bandamin. Nongom anind eta nin kikendan, panima dach kakina weweni nin gakikendan, eji kikenimigoian. Nongom nissinon, mi sa: debweiendamowin, pagossemowin, kijewadisiwin; awachime dach apitendagwad kijewadisiwin.

Nikanissidog! Minawa ki windamoninim gagikwewin gagagikiminagog, iw gaodapinameg, nongom dach machkawimindjiminameg; mi iw wendji-mino-bimadisiieg, kichpin ganawendameg *kideiwang* ganondameg nin gagikwewin, kichpin gaie weweni debwetameg gaiji-nondameg. Ki giwindamoninim nitam iw gakikendamàn gaie nin: Jesus ginibo, ki batadowwininanin ondjined, ejibiigadeg igo Kije-Manito omasinaiganning; ginaissitchigaso dach, minawa giabitchiiba waninisso-gijigadinig, ejibiigadeg Kije-Manito omasinaiganning; Cephasan dach ogiwabamigon; minawa achi nijinidjin ogiwabigon. Nagatch dach awachime nanwak enamiadjig mamawi ogiwabamawan ningoting; nibiwa keiabi bimadisiwag, anind dach ginibowag, *minik*

gawabamadjig iwapi Jesusan. Panima dach nagatch Jacques ogiwabaman, kakina gaie enonindjig ogiwabamawan. Ichkwatch dach gaie nin nin giwabama, *aiano apitendagosissiwàn.* Kawin nind apitendagosissi, kakina anind enonindjig epitendagosiwad; kawin gaie nind apitendagosissi, enonind tchi igoiàmban, osam sa nin gikotagiag enamiadjig. Kije-Manito dach nin gjawenimig tchi ijiwebisiàñ, nongom ejiwebisiàñ; jawendjigewin dach gaminigoiàñ, kawin anicha nin giminigossi; nawatch sa nibiwa nin gianoki, kakina dach anind enonindjig; kawin nin tibinawe nin giga-chkitossin, Kije-Manito sa ojawendjigewin nin giwidjiwig.

Nikanissidog! Kit apenimomin Kije-Manito, Jesus ondji. Kawin ki dagachkitossimin ganage tchi mino inenda-mang, tibinawe kinawind; win eta Kije-Manito ki minigonan mino - ijiwebisivin; win gaineniminang tchi gachkitoiang tchi gagikweiang odikitowin; kawin tchi kikendameg eta, tchi doda-meg gaie eji kikinoamagoieg. Aw ke-kendang eta gagikwewin, *endodasiq*

dach, tanibo, kawin gjigong tapindi-gessi kagige bimadisiwining; aw dach kekendang gagikwewin, bekich gaie endodang eji gagikimind, tabimadisi gjigong kaginig. *Gaiat ijitwawin, nibowini - ijitwawin, gaijibiigade assining, gikitchitwawenda gwak, kawin sa Isra-elitag ogigachkitossinawa tchi inabiwad Moisan ochkinjigoning, eji wasseingwenid kitchitwawisiwining; ka na Jesus odijitwawin, bimadisiwini - ijitwawin, awachime takitchitwawenda gossinon? . . . Nawatch apitendagwak Jesus odijitwawin, iw dach gaiat ijitwawin . . .*

Nikanissidog! Ki gagansomininim, kego anicha odapinangegon Kije-Manito ojawendjigewin. Ow ikito Kije-Manito: Api minwendamàn, ki nondon; jawendagosiwini - gjigad ki widokon. Ambe nongom nin minwendam, ambe nongom jawendagosiwini - gjigad. Kego matchi kikinoamawassida awia, tchi matchi dajindansig ki gagikwewininan. Mojag wabandaiweda kiiawinanin eji anokitawang Kije Manito; weweni songendanda ningot aianimisiiangin, gego menesiiangin, senagendamangin gaie.

Weweni Kije-Manito anokitawada, bechajeogoiangin *win ondji*, kebakwaigasoiangin, nenekadjiigoiangin, enokiiangin . . . gaigwichimoiangin. Mojag binisida, *kego bichigwatch-ijiwebisida*, nibwakada, kego awia nichkenimassida, bekadisida, *Wenijichid-Manito* baba-menimada, enigokodeeiang kijewadisida; mojag debweda ningot ekitoiangon, machkawisida, *Kije-Manito* eji mininang machkawisiwin, migadanda maianadak kitchinikamang, namandjinikamang gaie. *Mojag mino anokitawada Kije-Manito*, kichpin kitchitwanenimigoiang, gonima gaie bapinodagoiang; kichpin matchi dajimigoiang, gonima gaie mino-wawinigoiang; kichpin gaie: ki matchi kikinoamawawag anichinabeg, igoiang, anawi dach gwaiak ki gagikwemin; kichpin gaie maigisingin endodagoiang, anawi dach ki kikendagosimin. Nibongin kit ijiwebisimin, keiabi dach ki bimadisimin; ki bachajeogomin, kawin dach ki nissigossimin; ki kachkendamin, anawi dach ki minawanigosimin; ki kitimagisimin, anawi dach kinawind ondji kitchi da-

niwag; nibiwa kawin bapich gego kit
aiansimin, anawi dach misi gego ki
dibendamin.

Nikanissidog! Kawin ki jingenimas-
siwawag gegibadisidjig, ki nibwakam
sa kinawa. Kawin ki nichkadisissim,
kichpin awakaning dodagoieg, kichpin
takwamigoieg, kichpin makamineg ge-
go, kichpin awia ichpendang wiiaw
kichpin awia bassingweoneg. Nin da-
jindan agatchiwin, tibichko ganinami-
sianin. Richpin awia kitchi apitendang
wiiaw gego ondji, (nin gagibasitagos,) mi iw ondji gaie nin apitendamà niiaw.
Judawininiwag na winawa? mi sa gaie
nin; Israël onidjanissan na? mi gaie
nin; Abraham onidjanissan na? mi gaie
nin; Jesus enonadjin na awiwag? (ge-
get nin gagibasitagos,) awachime nin.
Awachime nibiwa nin gianoki; awachi-
me naningim nin gikibakwaigas; kitchi
naningim nin gibachajeogo, naningim
kego nin ginib. Judawininiwag nissi-
midana achi jangasswe dassing nin gi-
pakiteogog, naning dach iw nin gido-
dagog. Nissing miting nin gibachajeogo;
abiding nin gibimossinaigo; nissing na-

bikwaning nin ginanisaniigo , nabikwan gibigochkamagad ; ningo gijig, ningo tibik gaie nin gibimadaga kitchigaming. Nin gibabaija naningim ; nin ginanisaniigo sibing, nin ginanisaniigo megwe gemodichkidjig , megwe wadjidakiwemagig , megwe enamiassigog ; nin ginanisaniigo odenawing, nin ginanisaniigo bagwadakamig, kitchigaming gaie, megwe gaie nikanissag. Nin gianoki, nin ganimis, kitchi naningim kawin nin ginibassi ; nin gibakade, ninginibagwe, nin gikitchigiiwichim, nin gigikadj , nin gipingwachagid. Kakina iw kotagitowin agwatchai iai nind odissig ; bakan dach iw pindjaiai : endasso gijigak sa nin kitchi animendam ganawenimagwa kakina enamia djig. Awia nanamisidjin , ka na gaie nin nin ninamisisi? awia gego metchi - do dangin, ka na nin nin tchagisossi , *epitch kachkendamàn?* Kichpin wi - kitchitwawenindisoian , nin bwanawitowin nin gaondji - kitchitwawenindis. Kije-Manito, win Debeniminang Jesus Ossan , win ketchitwawendagosid kaginig , nin kikenimig debweiàn. Odenang Damasking, aw genawendang odena , kitchi ogima

Aretas odijinikasowining, ogiganawendanan kakina ichkwandeman odenang, tchi wi-takonid; wassetchiganing dach nin giondji - nissabiginigo wadabimakakong, mi dach gaiji - ojimoian. Kichpin wi-kitchitwawenindisoian, (kawin dach anawi ningot inabadassinon,) nin gadibadodan mamanda - ijinamowin, Debeniminang gaiji - wabandaid. Nin kikenima inini, *) Jesusan debenimigod, gjigong giombiwina aw inini, jaigwa midasswe achi nio bibonagak, gaako ijiwebisid; (kichpin gaie wiiaw giijamagadinig gjigong, kawin nin kiken dasin, kichpin dach otchitchagwan eta, kawin nin kikendasin, Kije - Manito okikendan.) Nin kikenima aw inini . . . gaiji - ombiwinind gjigong, oginondanan wedi ikitowinan kaiadjigadegin; kawin awia bemadisid inendagosissi tchi dibadodang iniw ikitowinan. Aw inini nin gakitchitwawenima; nin dach tibinewe kawin nin gakitchitwawenindisossi, mi eta dibadodamàn nin bwanavwitowin. Kichpin dach inendamàn tchi kitchitwa-

*) Mi sa win kitchitwa Paul inini.

wenindisoian, kawin nin dagagibadisissi, nin dadebwe sa ; nin wi-bonita dach nongom, awia awachime tchi apitenimissig, mi eta minik eji wabamid, minik gaie eji nondang ejiwebisiian . . .

Kije-Manito nind ondji-bimadis; Jesus gisassagakwoogo tchibaiatigong, gaie dach nin tanassag nin sassagakwoogo tchibaiatigong. Nin bimadis, kawin dach nin geget nin bimadisissi, Jesus sa bimadisi niiawing. Nongom eji bimadisiian oma aking, mi wendji-bimadisiian, tchi dehwetawag Jesus, Kije-Manito Ogwissan, win saiagiid, win ganibod wi-nodjimoad nin tchitchagwan. Kawin nin webinasin Kije-Manito ojwendjigewin; kichpin mino-ijiwebisiwin gaiat dibakonigewining ondjidibamagak, anicha Jesus ginibo oma aking; geget dach Jesus eta ki giminigonan tchi degachkitoiang tchi mino-ijiwebisiang.

Nikanissidog! Kikendagwad, kawin awia binisissi enassamabid Kije-Maniton, kichpin gaiat ijitwawin eta ganawendang; aw gwaiak ejiwebisid debweiendamowin ondji-bimadisi; dibakonigewin dach kawin debweiendamowini-

wansinon ; kichpin dach awia dodang minik ejibiigademu dibakonigewining , tabimadisi. Jesus ki gibimadjigo-nan tchi webinigossiwang kaginig ; win sa giinenindiso tchi webinigasod kina-wind ondji; ijibiigade sa : Webinigaso aw mitigong (tchibaiatigong) egodjing. Abraham ojawwendagosiwın ogatodissigo-nawa enamiassigog , Jesusan ogajawenimigowan ; ki gaminigomin gaie ki-nawind gaiji - windamaged Wenijichid-Manito , kichpin songendamang. Nikan-nissidog , anichinabeg ejivebisiwad iko , nin dibadodan : Bemadisid odinakonige-win kichpin gasongitchigadegwen , ka-win awia odabogobidossin , kawin gaie ogatandjitossin. Kije-Manito giwawinda-mawagoban Abrahaman : Ki nidjaniss ta-apitchi kitchitwawwendagozi. Kawin dach : ki nidjanissag , ikitossi ; ki nidjaniss , ikito , mi sa Jesus. Mi dach ow ekitoiàn : Inako-nigewin , Kije-Manito gasongitod , kawin dagigachkitossinon wi - bigobidong iw di-bakonigewin ondji , panima sa niwak achi nissimidana dasso bibonagak Kije-Manito ogiojiton dibakonigewin. Kichpin dibakonigewin wendji - minigoiang ka-

gige bimadisiwin, kawin wawindama-
diwin kit ondji - bimadisissimin

Nikanissidog! Sesikisid megwa abi-
nodjiwid tibichko anokitagewinining
inendagosi, ano kakina dibendang; odi-
benimigon genawenimanidjin, minik
gainakonigenid ossiban. Mi tibichko ga-
ijiwebisiiang gaie kinawind megwa gai-
binodjiwiang, (*misā, bwā anamia-
iang.*) ki giawakaniwimin oma aking.
Api dach gaodjitchisseg, Kije-Manito tchi
jaweniminang, ogibiininajawan Ogwis-
san, ikwewan gaondji-nigid, giijiwebi-
sid, Kije-Manito gainakoniged dibako-
nigewining, tchi nodjimoad kakina di-
bakonigewining gaaianidjin, (*misā ka-
kina anichinaben,*) Kije-Manito tchi
onidjanissiminang. Kije-Manito kit oni-
djanissimigowa, mi sa gaondji-atod Kije-
Manito kideiwand tibinawe Ogwissan
odinendamowin, gaie kinawa tchi ineg:
Nosse, nosse. *Enamiad* kawin keiabi
anokitagewinining apitendagosissi, we-
nidjanissingin sa odineniman Kije-Ma-
nito. Kichpin dach wenidjanissingin ine-
nimad, geget ogaminan kagige bimadisi-
win gjigong, gaiji-wawindamaged Jesus.

Nikanissidog! Ijibiigade, Abraham ginijiwan ogwissan, bejig ewakaniwid ikwe ondji, bejig dach debenindisod ikwe ondji. Win dach, ewakaniwini-djin ikwewan wendji-nigid, wiassima giondji-nigi; aw dach, debenindisoni-djin ikwewan wendji-nigid, wawindamadiwin giondji-nigi. Gimodowewin sa iw; mi sa nij ijitwawinan, (*gaiat ijilwawin*, Jesus bwa binigid aking, mipi dach *Jesus odijitwawin*.) Bejig iw, *mi sa gaiat ijilwawin*, mi iw wadjiwing Sinaïng wendjibamagad, *ima sa Kije-Manito ogiminan ogañasongewinan Judawininiwan*, awakaniwag dach wedi eiadjig, Agar onidjanissan. Sinaï mi bejig wadjiw Arabiïng, mi iw Jerusalem nongom oma aking eteg; awakaniwag dach wedi endanakidjig. Iw dach Jerusalem gjigong eteg dibenindisomagad, win kit ogimanan kakina. Ijibiigade: Minawanigosin, wenidjanissiwan; win sa gavvebinind ikwe na-watch nibiwa odaianan onidjanissan, aw dach wenabemid. Kinawind, nikanissidog, Isaac gaijiwebisid, wawindamadiwin-abinodjiag kit awimin, (*tchi mi-*

nigoiang kagige bimadisiwin, gaiji-wawindamonang kossinan gjigong ebid.) Ejiwebakiban dach iwapi, win wiiassima gaondji - nigid ogimatchi - dodawan iniw otchitchagoma gaondji - niginidjin, mi gaie nongom ejiwebak. Anin dach ekitomagak masinaigan ? Sagitchiwebin ewakaniwid ikwe, ogwissan gaie ; ewakaniwid ikwe ogwissan kawin ogataassin odindewisiwin ; debenindisod ikwe ogwissan eta ogataian. Mi iw, nikanissidog ! kawin ewakaniwid ikwe kit onidjinassimigossinan, debenindisod ikwe kit onidjanissimigonan ; Jesus ki giminigonan tchi dibenindisoiang.

Nikanissidog ! Wenijichid - Manito eji minwendang ijiwebisiio, kawin dach ki gadodasim, tibinawe kinawa eji minwendameg . . . Kichpin Wenijichid-Manito sagabigineg, kawin dibakonige-win ki dibenimigossim. Anichinabe eji owiiassid aindodamowin kikendagwad, mi sa : bichigwadisiwin, winisiwin, gagibadisiwin, matchi bimadisiwin, matchi manitokewin, matchi machkiki, jingenindiwin, manjininiwagisiwin, gagawenindiwin, nichkadisiwin, gikandi-

win, bakeidiwin, bakan ijitwawin, mis-sawenindiwin, anotch gaie gego maianadak. Ki windamoninim dach, mewija gaiji - windamonagogoban : Igiw aindodangig onow dinowan, kawin wika tapindigessiwag Kije-Manito odogimawiwing. Wenijichid-Manito dach ow ki minigonan : Sagiidiwin, minawanigosiiwin, inawendiwin, bekadisiwin, ja-jawenindiwin, kijewadisiwin, bisanisiwin, minodeewin, debweiendamowin, nibwakatagosiiwin, nibwaka - ijiwebisiwin, binisiwin. Igiw aindodangig onow dinowan kawin tadibakonassiwag. Igiw dach Jesusan debenimigodjig ogisassagakwaonawan tchibaiatigong wiiawivan, mamawi matchi ijiwebisiwin, mis-sawenindiwin gaie.

Nikanissidog! Kichpin Kije-Manito ondji - bimadisiang, Kije-Manito ej minwendang ijiwebisida. Kego nandawendasida kitchitwawisiwin oma aking; kego nanichkiidissida, kego gagawenindissida. Nikanissidog! Kichpin awia sesika pangiching batadowining, kinawa nebwakaieg ki gagagikimawa weweni. Nanagatawenindison dach gaie kin, go-

nima gaie kin ki gakagwedibenimigo-wis ningoting. Babimiwidawig memechkwat ; mi iw gedodameg , tchi babamitaweg Jesus. Kichpin awia ketchi apitendangin wiiaw ningot inabadagenda-gosissig , mi aw weiejindisod. Mano kakina oganagatawendarawan odinano-kiwiniwan , mi dach tchi kitchitwawi-siwad , *kichpin mino - ijiwebisiwad.* Kego dach bekanisid dibakonakegon. Ejiwebisid awia , mi gedibaamagosid dibakonige - gjigad. Win gegikimind ogaminan gego gegikimigodjin. Kego waiejindisokegon, Kije-Manito kawin ha-pinodawassi : ketigadang awia , mi iw minawa gemamad ; win ketigadang ej iowiiassid , ogamaman banadisiwin gagibadisiwining , (*mi sa : metchi - ijiwebisid ogagachkiton kagige kotagitowin ;*) win dach ketigadang nibwakawining , ogamaman kagige bimadisiwin nibwa-kawining , (*mi sa : meno - ijiwebisid ogagachkiton kagige bimadisiwin gjigong .*) Kego bonitossida mino - ijiwebisiwin ; giichkwa - bimadisiiang dach kawin ki gabonitossimin mamawin , *minawani-gossiwin.* Megwa bimadisiiang mino-

dodawada kakina bemadisidjig, memindage enamiadjig.

Nikanissidog! Kitinenimininim tchi nonde - jagwenimossiweg nin gotagitowin, eji kotagitoian kinawa ondji; mi geondji - kitchitwawendagosiiieg. Mi sa wendji - otchitchingwanitawang Kije-Manito, Debeniminang Jesus Ossan; win odonidjanissinan kakina gijigong, aking gaie eianidjin; nin nandotamawa tchi minineg Wenijichid - Manito omachkawisiwin, eji kitchi kitchitwawisid, tchi songendameg tchi nibwakaieg, Jesus tchi abid kideiwang eji debweiendameg; tchi jajawenindiieg enigok; kakina minik enamiaieg tchi nissitotameg enigokodeieg, ekwag, epitag, enichpag gaie *Kije-Manito ojawendjigewin*; tchi kikendameg gaie Jesus okijewadisiwin, eji mitchamagak, kawin awia ogachkitossin, tchi apitchi kikendang iw; ki gamochkinechkagom Kije - Manito ojawendjigewin. Win dach Kije - Manito, gechkitod tchi mininang awachime minik eji nandotamawang, eji kikendamang gaie; win maninang machkawisiwin tchi mino dodamang; win Kije - Manito ape-

gich kitchitwawinind anamiewining,
apegich gaie Jesus kitchitwawinind ka-
ginig.

Nikanissidog ! Nin kebakwaigasoian
Debeniminang odikitowin ondji , ki ga-
gansomininim , gwaiak tchiiji bimos-
seieg Kije - Manito omikanang eji owe-
nabamigoieg ; tabassenindisoieg , beka-
disiiog , kego nichkadisikegon , jajawe-
nindig , sagiidig memechkwat ; wikkwa-
tehitog tchi ganawendameg mino inen-
damowin , tchi bejigoieg inawendiwi-
ning. Bejigwan kiiawinan , bejigo gaie ki
tchitchagonan , tibichko eji nanandomi-
goieg bejigwanong tchi pagossendameg
jawendagosiiwin. Bejigo Debeniminang ,
bejigwan debweiendamowin , bejigwan
sigaandadiwin. Bejigo Kije - Manito , ki
mamawi - kossinan , win maiamawi - api-
tendagosid , kakina debendang , ki gi-
gichkawanan kakina.

Nikanissidog ! Webinamog gaiat ki
matchi ijiwebisiwiniwa , andjitoiog kit
inendamowiniwa ; andji-nigliiog , ochki-
bimadisiog , gwaiak tchi dodameg , we-
weni tchi binissiieg gaie , Kije - Manite
eji minwendang. Mi sa geondji - webi-

nameg gaginawichkiwin , tchi debweieg mojag, dassing gigitieig; ki bejigomin kakina. Nechkadisiiegon kego matchi dodangegon; pabige webinamog ki nichkadisiwiniwa , gisiss tchi bwa pangichi-mod. Kego pindiganakegon kideiwang matchi manito. Win gagimodid iko , kego minawa tagimodissi ; nawatch dach weweni taanoki, tchi gachkitod geminad ketimagisinidjin.

Nikanissidog ! Kije - Manito ejivebisid ijiwebisiioig , saiagiindjig abinodji-iag ejivebisiwad ; sagiidig gaie , Jesus ejи sagiinang ; ogipagidendan gaie wiiaw Kije - Maniton kinawind ondji , menomagwad pagitchigewin. Kego ganage dajindangegon bichigwadisiwin , winisiwin , sasagisiwin ; kawin iw dodansi-wag swanganamiadjig. Kego gaie dajindangegon gagibadisiwin , gagibatchi-gigitowin , bisinatchi - gjewin ; kawin iw ningot inabadassinon , kawin gaie onijichinsinon ; nawatch onijichin , migwetch tchi inind Kije - Manito. Mindjimendamog , nissitotamog ow : kawin awia bechigwatch-ijiwebisid , kawin gaie awia wanisid , kawin gaie awia sesagi-

sid, (*mi sa tibichko matchi manitoke-win*,) tapindigessi Debeniminang odogimawiwining. Mino ganawendamog kiiawiwan tchi waiejimigossiweg matchi gigitowining; matchi gigitowin sa ogi-ondji-odissigonawa Kije-Manito onich-kadisiwin igiw sa daiebwetasigog. Kego ijiwebisikegon, daiebwetasigog ejiwebisiwad. Kachkitibikadong ki gidaji-bimadisim waiechkat, nongom dach Kije-Manito owasseiasiwinning kit aiam; wasseianing, *nibwakawining*, bimadisiioig, bimosseiog, tchi kijewadisiieg, gwaiak tchi bimadisiieg, tchi debweieg gaie.

Nikanissidog! Angwamisiioig gwaiak tchi iji bimosseiog; kego win gegibadisidjig ejiwebisiwad, nebwakadjig sa ejiwebisiwad ijiwebisiioig. Geget batainad maianadak oma aking; kinawa dach mino dodamog endasso gijigad. Kego gagibadisikegon; nissitotamog Kije-Manito odinendamowin. Kego giwachkwe-bikegon; minikwewining kitchi matchi ijiwebisiwin dagomagad; apegich moch-kinechkoneg Wenijichid-Manito. Memechkwat nagamoioig anamie-nagamowinan; nagamotawig Debeniminang ki-

deiwang. Migwetch inig mojag Kije-Manito Weossimind minik manigoieg, Debeniminang Jesus odijinikasowining ondji migwetch inig. Pagidinamadig memechkwat kiiawiwan, tchi manda-djiieg Jesus.

Ikwewidog, pagidinamawig kiiawiwan ki nabemiwag, tibichko eji pagidinamaweg Debeniminang. Inini oniganisikandowan wiwan, tibichko Jesus eji niganisikandowad enamianidjin, win ganodjimoad anichinaben. Tibichko dach Jesus eji dibenimad enamianidjin, mi go tibichko ikwe getiji - dibenimigod onabeman.

Ininiwidog, sagiig kiwiwag, tibichko Jesus eji sagiad enamianidjin, gipagidinang wiiaw wi-nodjimoinang, wibimadjinang . . . Ininiwag odasagiawan wiwiwan, tibichko eji sagitowad wiiawiwan. Wegwen sagiagwen wiwan, win tibinawe wiiaw osagiton. Kawin awia wika ojingendasin tibinawe wiiaw; oda-chandan, omino-ganawendan, tibichko Jesus eji dodawad enamianidjin . . . Mi wendji-ijibiigadeg Kije-Manito omasinaiganing: Inini oganaganan ossan,

ogin gaie , tchi widigemad dach wiwan. Anawi nijiwag , tabejigwanini dach wia-wiwa. Mano kakina endachiieg ki sagiawag kiwiwag tibichko eji sagiidi-soieg ; ikwe dach gaie *ogasagian* , oga-debwetawan onabeman.

Abinodjiidog , debwetawig ki nigiigowag , Debeniminang ondji ; mi sa iw gwaiak ijiwebisiwin. Babamitaw koss , kiga gaie , mi gaikitod Kije - Manito. Kich-pin babamitawad ki nigiigog , ki gamino-aia , ginwenj gaie ki gabimadis aking .

Kinawa dach , ossimadog , kego gagandjikiteakegon ki nidjanissiwag ; iji nitawigiig , tchi kikenimawad , tchi gos-sawad gaie Kije - Maniton .

Anokitagewininiwidog , debwetawig debeniminegog oma aking , gossig gaie ; enigokodeeieg gwaiak debwetawig , tibichko eji debwetaweg Jesus , kawin eta api wabamigoieg tchi anokiieg , endodamowad gwessadjig anichinaben ; eji anokitaweg Jesus ki gatanokitawawag debeniminagog , tchi dodameg enigoko-deeieg , Kije - Manito eji minwendang . Minwendamog anokiieg ; Kije - Manito kit anokitawawa , kawin anichinabeg .

Kinawa dach, wegimakandameg, minododawig kit ochkinigimiwag; ki kikendam sa, Kije-Manito dibenimad anokitagewininiwan, gaie dach kinawa ki dibenimigowa; tibichko sa Kije-Manito osagian ketimagisinidjin, ketchidaninidjin gaie, *kichpin mino-ijiwebisiwad.*

Win Kije-Manito ki jawenimigowa tchi mino inendameg, tchi mino dodameg gaie, win eji minwendang. Kakina gego weweni dodamog, minwendamog, kego agonwetangelgon, kego gaie kitimikegon; Kije-Manito tchi onidjanissimineg, gwaik tchi ijiwebisiieg megwaiai metchi-ijiwebisidjig.

Nikanissidog! Kije-Manito ondji-machkawendumog, win okitchi machkawendumowining. Binsikamog Kije-Manito odachwiwinan; mi geondji-jagotchitoieg matchi manito owaiejimowin; kawin tchi jagotchitoiang eta kiiawinanin; ogimag sa mechkawvisidjig, debendangig kachkitibikak oma aking, matchi manitog bebamissedjig, ki da jagotchianan. Mi geondji-odapinameg Kije-Manito odachwiwinan, tchi gach-

kitoieg tchi jagotchitoieg maianadak,
kakina dach gwaiak tchi dodameg. Mach-
kawinibawig, debwewin kitchipinidi-
sog; binsikonig gwaiako - bimadisiwin;
gijitag tchi bimosseieg eji kikinoama-
goieg gagikwewin; mojag gaie weweni
odapinamog gwaiakossing ijitwawin...
Nanagatawendamog jawendagosiwinn,
Kije-Manito odikitowin mindjimenda-
mog, tchi ondji-jagotchitoieg maianadak.

Nikanissidog! Migwetch nind ina
Kije-Manito; ov sa nind inendam: win
maiadji - mino-anokid kideiwang, tami-
no - anoki keiabi, binich Jesus ogijiga-
dom, (*mi sa, binich tchi ichkwā - bi-*
madisiieg.) Gwaiak ki mikwenimininim
mojag; nindeing sa kit abim, megwa
kibakwaigasoian, megwa gaie gagikwei-
an Jesus odikitowin; kinawa dach ka-
kina widjibapinenimawichig. Kije-Ma-
nito nin kikennimig eji sagiinagog, Jesus
ondji. Nind iji anamia, echkam tchi
sagieg Kije-Manito, gaie tchi sagiidiieg,
tchi apitchi nibwakaieg, tchi kikenda-
meg nawatch gego wenijiching, tchi
debweieg, tchi bata - ijiwebisissiweg bi-
nich Jesus ogijigadom, (*mi sa binich*

tchi ichkwa-bimadisiieg ;) tchi moch-kinechkagoieg gwaiak ijiwebisiwin, Jesus ondji, tchi ondji-kitchitwawenimind Kije-Manito.

Nikanissidog ! Tibichko inendamog kideiwang, Jesus gaiji-inendang. Kije-Manito *Weossimind* ejiwebisid ijiwebisi Jesus, mi sa gwaiak wendji-inendang, Nin Kije-Manitow, inendang, *ikitod gaie*. Ogitabassendan dach wiiaw, awakaning gibi-ijinagosi oma aking, gibi-anichinabewiidiso, anichinabeng gaie giijiwebisi. Gitabassenindiso, Ossan gaie Kije-Maniton ogibabamitawan tchi nibod, tchibaiatigong tchi dapined. Mi sa Kije-Maniton gaondji-ichpendago-siigod apitchi, ogiminigon gaie ijinkasowin, awachime epitendagwad ijinkasowin, kakina ijinkasowinan eji apitendagwadon; win sa Jesus odijinkasowining kakina taotchitchingwanitawag, gjigong, ogidakamig, anamakamig gaie eiadjig; kakina gaie odenaniwan taikitowag: Debeniminang Jesus-Christ aia Ossan Kije-Maniton okitchitwawis-wining.

Nikanissidog ! Ejiwebisiiàn ijiwebi-

siilog , kikinowabamig gaie igiw ejiwabisidjig ejivebisiiān. Naningim ki giwindamoninim mewija , minawa dach nongom ow ki windamoninim , bekich nin maw , epitch kachkendamān : Nibiwa kawin gwaiaak bimosessiwag , ojingemawwan Jesus otchibaiatigoman. Tabanadisiwig winawa ichkwatch ; omis-sadawan mi omanitomiwan ; okitchitwawisiwiniwa mi odagatchiwiniwa , winawa naiagatawendangig eta aking endagod. Kinawind dach *tanassag* gijigong ki bimadisimin , nandawahamangid Debeniminang Jesus gabimadjinang , tchi dagwiching. Win ogatandjitonan ki matchi kiiawinanin , tchi ijinagwakin , ejinagwadinig wiiaw ketchitwendagwak. Nikanissidog saiagiinagog , nin minawanigos , nin kitchi jawendagos naiagatawendamanin ejivebisiiieg ; machkawigabawig Kije-Manito odijitwawining , saia-giinagog !

Nikanissidog ! Modjigendamog kaginig , Kije - Manito eji minwendang ; minawa kit ininim , modjigendamog. Mano kakina anichinabeg ogakikenda-nawa , eji nibwakaieg , bekadisiieg ; De-

beniminang becho aia. Kego sanagendant-
gegon; enigokodeeieg dach anamiaiog,
pagossemimig Kije-Manito tchi iji jawen-
nimineg. Mamoiawamig Kije-Manito
kaginig; windamawig kakina eji nanda-
wendamaweg. Kije-Manito owanakiwin
apitchi kitchi apitendagwad; apegich
dach mojag ateg kideiwang, kit inenda-
mowiniwang gaie, Jesus eji minwendang.

Nanagatawendamog dach gaie kakina
gego debwewiniwang, kichpin gaie
gego wenijiching, gwaiak ejivebak, kich-
pin gaie gego ketchitwendagwad,
gego gaie meno-dajindaming, kichpin
ningotchi dagomagad mino ijiwebisiwin,
gwaiako - bimadisiwin; mi sa genana-
gatawendameg.

Nikanissidog! Mojag nind anamia-
min kinawa ondji, nandotamawang Kije-
Manito, tchi apitchi nissitotameg odi-
kitowin, tchi nibwakaieg, kakina gwaiak
tchi kikendameg; weweni tchi bimos-
seieg Kije-Manito omikanang, win eji
minwendang; echkam tchi mino doda-
meg, echkam nibiwa tchi kikendameg
Kije-Manito onibwakawin; tchi moch-
kinechkagoieg Kije-Manito omachka-

wisiwin; weweni tchi kotageinendameg, bekich tchi minwendameg. Migwetch inada Kije-Manito kossinan; win ki wasseiendamiigonan, ki minigonan gaie tchi jawendagosiiang, swanganamiadjig eji jawendagosiwad; win ki giagwachimigonan kachkitibikak, ki gipindigaganon dach saiiagiadjin Ogwissan odigimawiwing, (*mi sa, ki wasseienda-mügonun, ki minigonan anamiewin.*) Win dach Kije-Manito Ogwissan ki gibimadjiigonan gisiginang omiskwim, ki gigassiamagonan ki batadowininanin.

Nikanissidog! Mino ganawendamog Debeniminang Jesus odijitwawin gadapinameg; gaijiwebisid ijiwebisiilog. Win kit ondji-debwetam, win kit ondji-anamiam, tchi machkawendameg tchi ijitwaieg gaiji-gagikimigoieg, mojag tchi mamoiauwameg Kije-Manito. Mino ganawendamog kiiawiwan tchi waiejimigossiweg, tchi ijiwinigossiweg anotch gagikwewining, matchi inendamowining, gaiji-gagikwewad gaiat anind bemadisidjig aking; Jesus dach kawin iw gigagikwessi. Win sa Jesus geget Kije-Manitowi; win ki minigowa ka-

kina gego wenijiching , win odibendan kakina ogimawiwin , kakina gaie mach-kawisiwin ; win gaie ki jawenimigowa tchi webinameg maianadak , bata - iji-webisiwin tchi webinameg , tchi bini-siieg , Jesus eji binisid.

Kichpin widji - abitchiibameg Jesus , nandawabandamog ichpiming gjigong etegin , Jesus aiad , namadabid Kije-Maniton okitchinikaning . Ichpiming gjigong etegin nagatawendumog , kawin oma aking etegin . Ki ginibom , ki bimadisiwiniwa dach katchigade wedi Kije-Manito aiad , mamawi Jesus . Api dach Jesus tchi binagosid minawa , win wendji - bimadisiieg , ki ganagosim gaie kinawa okitchitwawisiwining . Mi dach geondji - kotagiidisoieg oma aking , tchi bonitoieg bichigwadisiwin , winisiwin , gagibadisiwin , matchi missawenimowin , sasagisiwin gaie , mi tibichko matchi manitokewin . . . Gaie kinawa ki giijiwebisim kakina iw , megwa gibimadisiieg gagibadisiwining . Nongom dach owinge webinamog kakina iw : nichkadiwin , manjininiwagisiwin , matchi bimadisiwin , matchi gijiwewin , anotch

gaie winitagosiwini. Kego gaginawich-kindikegon ; webinamog gaiat ki matchi inendamowiniwan , ki matchi inanoki-winiwan gaie ; mechkwat dach odapinamog mino ijiwebisiwin , eji kikenda-meg nongom *eko anamiaieg.*

Nikanissidog ! Kije - Manito ki giowenabamigowa , tchi ijitwaieg ; ki sagiigowa , mi geondji-odapinameg kitchi jwendjigewin , minodeewin , tabasse-nindisowin , nibwakawin , bekadisiwin . Kego gikandikegon memechkwat , bonigidetadig ki matchi dodadiwiniwan ; gaie Debeniminang ki gibonigidetaganan , mi tibichko gaie tchi bonigidetadiieg. Memindage dach sagiidig ; geget win saiagiad widj' anichinaben kitchi mino dodam. Apegich gaie mochkinech-kagoieg kideiwang Jesus odinawendi-win ; win ki ginandomigowa , bejigwang tchi ijitwaieg ; migwetch gaie inendamog. Apegich apitchi mochkinechkagoieg Jesus odikitowin , gaie nibwaka-win , tchi gagikindiieg memechkwat ; nagamoioig anamie-nagamowinan ; tchi mamoiawameg Kije - Manito , mi geondji-nagamoie enigokodeeieg. Kakina

minik aindodameg, gigitieg gonima anokiieg, kakina dodamog Debeniminnang Jesus odijinikasowining, bekich dach mamoiawamig Kije-Manito We-ossimind, Jesus odijinikasowining ondjmamoiawamig.

Ikwewidog, babamitawig ki nabemiwag weweni, Kije-Manito ondji. Ininiwidog, sagiig kiwiwag, kego manjininiwagisikegon. Abinodjiidog, babamitawig mojag ki nigiigowag, mi ej minwendang Kije-Manito. Ossimadog, kego osam nichkiakegon ki nidjanissiwag, tchi jagwenimossigwa. Anokitagewininiwidog, babamitawig mojag kit ogimamiwag oma aking; kawin eta api wabamigoieg, bemadisidjig aking eta tchi minwendamowad; enigokodeeieg sa babamitawig, Kije-Manito ondji. Minik endodameg, machkawendamog tchi mino dodameg, Kije-Manito bekich tchi anokitaweg, kawin eta bemadisidjig aking; ki kikendam sa getijiwebak: Kije-Manito sa ki gamino-dibaamagowa gijigong, kichpin mino anokitaweg oma aking; win dach metchi-ijiwebisid takitchi-animisi wedi kaginig.

Nikanissidog ! Migwetch nind ina
Kije - Manito kaginig , kinawa ondji ;
nind anamia mojag , kinawa ondji , *tchi*
jawendagosiiieg kaginig. Nin mikwen-
dan ki debweiendamowiniwa , kit ano-
kiwiniwa , ki jawendjigewiniwa , ki pa-
gossenimowiniwa , eji apenimoieg Kije-
Manito kossinan , Debeniminang Jesus
ondji. Nin kikendan , nikanissidog Kije-
Manito saiagiineg , eji Owenabamigoieg.
Kawin iw eta , tchi ginondameg nind
ikitowin , ki gidapinawa gaie Weniji-
chid - Manito omachkawisiwin , tchi api-
tchi songendameg. Kit onendam nange
gaijiwebissian megwa giwidjiwiieg , tchi
jawendagosiiieg. Ki nopinajim , Debeni-
minang gaie ki nopinanawa , gidapinameg
gagikwewin ; anawi ki kitchi
kotagitom , ki mochkinechkagom dach
minawanigosiiwin , Wenijichid - Manito
gaminineg . . . Misiwe ijamatad dibadji-
mowin , eji kitchi debwetaweg Kije-
Manito ; kawin nindawatch nin ningotano
nin gatikitossi ; kakina sa dibadji-
mowag gaiji - odapinameg nin gagikwe-
win , gaiji - webinameg matchi manitoke-
win , tchi anokitaweg bemadisid baiejigod

Kije-Manito, tchi biieg gaie Ogwissan (Jesus) gjigong tchi ondjibad; Kije-Manito ogiabitchiibaan; win dach ki ginodjimoigonan tchi banadisissiwang, api Kije-Manito tchi nichkadisid dibakonige - gjigad.

Nikanissidog! Ki kitchi gagansominim, Jesus odijinikasowining kit ondji gagansomininim, tchi iji bimosseieg *Kije-Manito omikanang*, gaiji-kiki-noamagoieg, Kije-Manito eji minwendang, echkam tchi mino - ijiwebisiieg. Ki kikendàm sa gagikwewin, ganasongewinan gaie gamininagog, Debeniminaang Jesus ondji. Mi sa enendang Kije-Manito, tchi apitchi mino - ijiwebisiieg, tchi wika bichigwatch - ijiwebisissiweg; kakina endachiieg weweni tchi ganawendameg kiiawiwan binisiwining gaie kitchitwawisiwining; kawin dach gagibadiwiwining, missawenimowwing, tibichko enamiassigog kekenimassigog Kije-Maniton. Kawin gaie awia endachiieg ogagimodimassin widj' anichinaben, kawin gaie ogawaiejimassin; Kije-Manito ogamatchi - dibaamawan kakina endodaminidjin iw, gaiji-windamonangibanig

mewija. Kawin Kije-Manito ki ginan-domigossinan anamiewining, tchi wini-siiang, mi eta tchi apitchi mino-ijiwe-bisiiang.

Win baiapitod iw gagikwewin, kawin anichinaben obabapiassin, Kije-Maniton sa obabapian, win gamininang Wenijichid-Manito ojawendjigewin. Ow dach, weweni tchi sagiidiieg, kawin ni kit ojibiamonissinoninim; win sa Kije-Manito ki gigagikimigowa tchi sagiidiieg. Geget dach ki sagiawag kikanissiwag, (*mi sa, enamiadjig.*) Kit ininim dach, echkam sa go sasagiidig. Bisan gaie aiaiog, weweni gaie babamendamog kit inano-kiwiniwan, mojag weweni anokiiog. Gwaiak iji bimadisiog, igiw agwatching eiadjig (*mi sa, enamiassigog.*) tchi wabandamowad ki mino bimadisiwiniwa. Kego gaie missawendangegon bekanisid odaiaim. — Ki nandawenimininim gaie tchi kikendam eg getijiwebisiwad kakina nebodjig, tchi ossitawendansivweg, anind ejri ossitawendamowad, mi sa igiw pagosenimowin eiassigog. Kichpin debwetamang, Jesus ginibod, minawa dach gibitchiibad, ki dadebwetamin gaie, Kije-

Manito weweni tchi abitchiibaad kakina ganibonidjin Jesus odijitwawining.

Ki kikendanawa ow kakina minik enamiaeig, Kije - Manito ogijigadom sesika tchi dagwichinomagad, tibichko gemodichkid dagwiching nibatibik; (*misawijigad, apigeniboieg.*) Api anichinabeg ow tchi ikitowad: Nin mino-ajamin, nin bisan-abimin, mi api sesika tchi dagwichinomagad nibowin, ka dach dagachkitossiwag tchi ojimowad. Kinawa dach, nikanissidog, kawin kachkitibikadong ki bimadisissim, kawin kinawa ki gatodissigossinawa *iwgijigad*, tibichko gemadichkid.

Gagikimig, nikanissidog, igiw besan-abissigog, igiw gaie osam segendangig; jawenimig aiakosidjig; kego awia ossitawenimakegon. Kego ajitawaakegon kidj' anichinabewag metchi dodondegog; mojag mino-dodadig, kakina anichinabeg mino-dodawig. Kaginig minawanigwendamog kideiwang, mojag gaie anamiaiog, kaginig gaie migwetch inenimig Kije-Manito. Mi enenimineg Kije-Manito, kakina minik ejitchigeieg Jesus odijitwawin. Kego ikonajawakegon

Wenijichid-Manito; kego bapinodan-
gegon gaiat gagikwewin; kagwediben-
damog kakina gego, wenijiching dach
eta mindjimendamog. Ojindamog kakina
maianadak, maianabaminagwak gaie.
Apigich Kije-Manito minineg kakina
mino ijiwebisiwin, win menwendang
bekadisiwin; apegich win ganawenimad
ki tchitebagowan, apegich gaie gana-
wendang kiiawiwan, binich tchi dagwi-
ching Debeniminang Jesus (*mi sa, bi-*
nich tchi niboieg.) Ondjita win debwe
Kije-Manito ganandomineg, ondjita win
ki gamino-dodagowa. Nikanissidog, ga-
ganodamawichinam.

Kit iji angwaminininim apitchi,
weweni tchi anamiaieg, tchi anamieta-
weg kakina anichinabeg; tchi anamie-
taweg kitchi ogimag, kakina gaie na-
ganisidjig; tchi nibwakaiang, bisan tchi
bimadisiang, tchi anamiaiang, tchi bi-
nisiiang. Mi iw mino dodamowin, mi
iw menwendang Kije-Manito gabima-
djiinang; win enendang, kakina anichi-
nabeg tchi kikendamowad debwewin,
gijigong gaie tchi ijawad giichkwa-bi-
madisiwad aking. — Bejigo Kije-Ma-

nito, bejigo gaie aw ganodjimoad anichinaben, mi sa aw inini Jesus, *bekich gaie Kije-Manitowi*. Win ogipagiden-dan wiiaw; kakina tchi bimadjiad anichinaben . . . Nind inendam ow: Apegich ininiwag weweni anamiawad misiwe, ombinamowad banakin onindjiwan; apegich webinamowad nichkadi-siwin, gikandiwin gaie. Apegich gaie ikwewag nibwakawad, tchi bininagwa-dinig egwiwadjin, tchi binideewad be-kich; tchi didibakwaansigwa dach wi-nisissiwan; osawa jonia gaie, migissan gaie kawin ogataiawassiwawan; gaie-dach ketchi-inagindeg agwiwin tchi aian-sigwa. Apegich nibwakawad ikwewag, tchi nagwad odanamiewiniwa ani-mino-dodamowad. Mano ikwe tabisan-abi, pisindang gagikwewin, tatabassenindiso. Kawin dach awia ikwe nind inenimassi tchi gagikwed anamiewigamigong, ka gaie tchi dibenimad onabeman; mi eta inenimag tchi bisan-abid. Kije-Manito nitam ogiojian ininiwan Adaman, panima ikwewan. Kawin gaie aw kinebig (*mi sa matchi manito*,) ogibatadoda-moassin Adaman ima kitchi kitiganing,

*ikwewan sa ogibatadodamoan ; ikwedach
ininiwan ogibatadodamoan.*

Mino ijiwebisiwin, bekich gaie minwendamowin, mi iw geget kitchi apitendagwad. Kawin gego ki gibidossimin oma aking gibiondadisiang; kawin gaie geget gego ki gamadjidossimin api geniboiang; kichpin dach aiaiang gemidjiiang, getagviiang gaie, mi go getiji-minwendamang. Igiw enendangig tchi kitchi daniwad oma aking, pangichinog anotch matchi inendamowining, matchi manito gaie odassonaganing, matchi missawendamowining gaie pangichinog; mi ima bemadisidjig benatchitowad wiiawiwan kaginig. Sasisiwin mi ima wendji-sagakig nibiwa batadowinan. Anind nendawendangig daniwin aking wanichinog anamiewining, anotch gaie sanagendamog, animisiwag gaie apitchi. — Kin dach ojindan kakina iw dinowa, mechkwat dach sagiton gwaiako-bimadisiwin, anamie-win, debweiendamowin, kijewadisiwin, bisanisiwin, minodeewin gaie.

Kitchitwa Paul ow odinan ome-kate-okwanaieieman Titan: Gagikim ini-

niwag tchi bisanisiwad, tchi tibameni-
 mowad, tchi minikwessigwa anotch ga-
 wachkwebichkagemagad, songan tchi
 debwetamowad gagikwewin, tchi kije-
 wadisiwad, weweni tchi kotageinenda-
 mowad. — Ikwewag dach gagikim, tchi
 mino ijiwebisiwad, tchi matchi daji-
 massigwa awia, tchi minikwessigwa
 osam nibiwa jominabo: wenijiching eta-
 tchi gagikwewad; ogagagikimawan och-
 ki - ikvwewan, tchi nibwakawad, tchi
 sagiawad onabemiwan, tchi sagiawad
 gaie onidjanissiwan, tchi bisanisiwad,
 wika tchi gagibadisissigwa, tchi giwach-
 kwebissigwa, tchi mino ganawendamo-
 wad odaiaimiwan endawad, tchi beka-
 disiwad, tchi debwetawawad onabemi-
 wan. — Ochkinaweg gaie gagikim, tchi
 giwachkwebissigwa, tchi nibwakawad.
 Mojag wabandaiwen kiiaw kakina mino
 dodamowining, tchi mino kikinowaba-
 migoian; weweni gagikwen, gawaiak
 dodaw kidj' anichinabeg, gagitawendan,
 mojag gaie debwen, win jangendang
 kit ijitwawininan tchi agatchid, gego
 mikansig tchi matchi ininang. — Ga-
 gikim gaie enokitagedjig tchi debweta-

wawad debenimigowadjin, mojag tchi
babamitawawad . . .

Nin nidjaniss! Kije-Manito gabimadjiiinang ojawendjigewin gibinagwad,
kakina anichinabeg tchi wabandamowad, wi-kikinoamonang tchi webinamang kakina matchi manitokewin tchi missawendansiwang gaie anotch gego aking endagog, mechkwat dach tchi nibwakaiang, tchi mino-ijiwebisiiang gaie oma aking. Ki bitomin jawendagosiwine. Kije-Manito tchi dagwiching okitchitwawisiwining, Jesus gaie ganodjimoinang tchi dagwiching, *tchi biabid ki-deinang tchi ganaweniminang*. Win tibinawe gipagidenindiso, *ginibo gaie tchibaiatigong*, tchi nodjimoinang, tchi gassiamonang kakina ki matchi dodamowininanin, tchi biniinang, win eji minwendang tchi iji bimadisiiang . . .

Gagikim tchi tabassipagidinamowad vpiiawiwan debenimigowadjin, tchi debwetawawad ogimamiwan, tchi minwendamowad gaie wenijiching gego tchi dodamowad. Kawin awia ogamatchi-inassiwawan, kawin gaie awia ogagikamassiwawan; mechkwat dach tabe-

kadisiwag, ogamino-dodawawan kakina anichinaben. Ki gagibadisiminaban gaie kinawind gaiat, kawin ki gidebwetasi-minaban, kawin gego gwaiak ki gikiken-dasiminaban, anotch gaie matchi mina-wanigosiwin ki gimissawendaminaban, manjininiwagisiwining, gagawenindiwi-ning gaie ki gjajingenindiminaban iko.

Api dach gabinagwad Kije-Manito gabimadjinang ojawendjigewin, ki ginodjimoigonan Debeniminang; kawin anawi kinawind kit apitendagosissimin tchi jaweniminang, anicha ki gjaweni-migonan epitch nita-jawendjiged, ki gibiniigonan tchi andji-nigiiang, bakan tchi ijijebisiiang Venijichid-Manito ojawendjigewining; win sa ojawendjigewin ki gimochkinechkagonan, Jesus ondji ganodjimooinang; tchi biniisiiang, tchi pagossendamang gaie kagige bimadisiwin tchi minigoiang.

Nikanissidog! Jesus-Christ, win debendang kagige bimadisiwin, api gadagwiching oma aking, gipinde Kije-Manito owigiwaming, win dach ogiojiton nawatch metchag, nawatch gaie wenijiching Kije-Manito owigiman, (*misā*

gwaiakossing anamiewin,) kawin awia bakan ogigijitossin , win tibinawe ogijiton. Kawin dach win manichtanichi-miskwi , kawin gaie pijikinsi - miskwi ogipagidinamawassin Kije-Maniton, (*gadodamowad iko gaiat gabianamiadjig, Jesus bwa binigid aking,*) win igo tibinawe omiskwim ogipagidinamawan Kije - Maniton tchi nodjimoad ki tchitchagonanin , kagige bimadisiwin tchi mininang. Igiw gaiat gabianamiadjig gibinisivag iko, gipagidinamawawad Kije - Maniton manichtanichi- miskwi , pijiki - miskwi gaie. Nawatch dach kinawind ki gabinisimin Jesus omiskwim ondji ; win ogipagidendaan wiiaw, Wenijichid - Manito omachkawisiwining. kinawind tchi binideeiang , tchi webinamang kakina nibowini - dodamowinan , tchi anokitawang dach bemadisid Kije-Manito. Geget Jesus oginodjimoan anichinaben odijitwawining ; ginibo tchi gassiamaged matchi dodamowinan, gaiji-matchi - dodamowad gaiat gabibimadisi-djig ; igiw dach nendomindjig (*misə, enamiadjig,*) tchi gachkitowad kagige

bimadisiwin gjigong, gaiji - wawinda-maged Kije - Manito.

Mi ow ekitod kitchitwa Jacques,

(bejig Jesus omekate - okwanaieman.)

Minawanigwendamog, nikanissidog, kichpin kotagendameg, anotch sanagen-dameg oma aking. Kichpin anamiewin ondji kotagisiieg, mano bisan - abig, we-weni kotageinendamog; geget kitchi mi-no - ijivebak kotageinendamowin. Kich-pin awvia endachiiieg aiāsig mino inenda-mowin, nibwakawin, Kije - Maniton ogan-andotamawan, win sa ominan kakina anichinaben misi gego; tamina dach, minwendam sa Kije - Manito migiwed. Enigokodeed dach oganandotamawan Kije - Maniton, tamachkawendam tchi debwenimad; win dach debwenimassig Kije - Manito enigokodeed, tibichko iji-nagosi, tigowag ejinagosiwad kitchiga-ming ketchi - nodingin. Kawin dach Kije-Manito gego ogaminassin iniw.

Win nijwaiag enendang kawin gwa-iak bimossessi **Kije - Manito** omikanang

Kitchi daniwin aking kawin nинг
гот апитендагосинон анамиевининг. Ке-
тчи-данид инини waiba taichkwa aia,
tibichko wabigon machkodeng. Api sa
gisiss mwakaangin, kijateg, tchagidewan
machkossiwan, wabigonin pangissinon,
mi dach eji banadad; mi tibichko ke-
tchi-danid инини tchi banadisid, *kich-
pin daniwin aking eta sagitod, baba-
mendasig dach Kije-Manito odikitowin.*

Kitchi jawendagosи инини гечкитод
габиканг okagwedibenimigowin; kich-
pin mojag iw ijiwebisid, ogagachkiton
kagine bimadisiwin, Kije-Manito gaiji-
wawindamowad saiagiigodjin. Awia ke-
gwedebenimindjin kawin ow taikitossi:
Kije-Manito nin kagwedibenimig; ka-
win sa Kije-Manito okagwedibenimassin
awia tchi matchi - ijiwebisinid, kawin
bapich okagwedibenimassin awia bema-
disinidjin. Kakina anichinabeg kagwe-
dibendagosiwag wedissikagowadjin tibi-
nawe omatchi missawenimowiniwan,
waiejimigowad. Kichpin dach awia on-
djita minwendang matchi missawenimo-
win, mi ima wendjissing batadowin; ba-

tadowin dach api gagijitomagakin, mi
ima nibowin wendjissing.

Weweni gigitoiog, weweni gaie
anokiiog, mojag mikwendamog dibako-
nigewin. Kichpin awia nita-jawendji-
gessig, geget taanimisi dibakonige-gi-
jigad, kawin Kije-Maniton ogajaweni-
migossin iwapi. Kichpin dach awia nita-
jawenimad widj' anichinaben, tajawen-
dagosi dibakonigewining. Anin iw ena-
badak, awia, nind anamia, ikitod, mino-
ijiwebisissig dach? Mi na go pijichig
anamiewin awia geondji-jawendagosid?
*Meno - ijiwebisidjig enamiadjig eta ta-
jawendagosiwag gijigong.* Kichpin ki-
kaniss, gonima gaie kitawema pingwa-
chagidid, bakaded gaie, awia dach en-
dachiieg ow inad iniw: Madjan, nin-
gotchi kijosin, debissinin gaie ningotchi;
kichpin sa go minassig ketimagissinidjin,
minik menesid, anin iw enadabak? Kich-
pin awia pijichig anamiad eta, minodo-
dasig dach bekich, geget nibomagad oda-
namiewin, kawin ningot inabadassinon.

Gonima dach awia ow taikito: Kin
kit aian anamiewin, nin dach nind aianan
mino-dodamowinan; wabandaichin dach

pijichig kit anamiewin, kawin dach gego
ki mino - dodamowinan ; ki gawaban-
dain dach nin mino - dodamowinan, tchi
ondji - kikendaman nind anamiewin. Ki
debwetam , aiad baiejigod Kije - Manito.
Weweni ki debwetam ; gaie dach wi-
nawa matchi manitog debwetamog iw,
anawi dach naningichkawag , epitch-
segisiwad.

Nikanissidog ! Kakina wenijiching
migiwewin, kakina gaie gwaiak mini-
diwin ichpiming ondjibamagak, win
Kije - Manito Weossimind , wasseianing
eiad, ki minigonan ; kawin win wika
pangi odandjitossin odinendamowin. Ti-
binawe win kit inenimigonan tchi an-
djinigliang debwewining , tchi niganen-
dagosiliang minik gaojited Kije - Manito.
Ki kikendam , nikanissidog saiagiinagog,
mano kakina anichinabeg takitchi-min-
wendamog tchi pisindamowad , kawin
dach mano osam taminwendasiwig tchi
gigitowad, kawin gaie tchi nichkadisi-
wad. Kichpin awia nichkadisid, kawin
geget dodansi , Kije - Manito gaiji - ina-
konized. Webinamog kakina winisiwin,
kakina gaie matchi dodamowinan ; be-

kadisiioog, odapinamog ikitowin, gaatod Kije - Manito kideiwang, mi geondji-bimadisiwad ki tchitchagowag.

Nikanissidog! Dodamog eji gagiki-migoieg, kawin eta tchi pisindameg gagikwewin; kego waiejindangegon kia-wiwan. Kichpin awia pisindang eta gagikwewin, dodansig dach eji gagikimind, inining ijinagosi gaganawabandang och-kinjig wabimotchitchagwaning. Ano oganabawandan ochkinjig, madja dach, mi dach eji onendang ejinagosid. Aw dach apitchi kekendang wenijiching gagikwe-win, mindjimendang iw, kawin pisindansig eta tchi onendang, dodang sa go minik nondang gagikwewin: geget jawendagosi aw endodang. Kichpin dach awia, gwaiak nind anamia, inendang, mino ganawendasig dach odenaniw, waiejindiso aw, kawin gaie odanamie-win ningot inabadassinini. Wenijiching anamiewin, Kije - Manito Weossimind eji minwendang, mi enamiad tchi mawadissad, *tchi jawenimad* kawisinidjin, jagawwinidjin gaie eji kitimagisiwad; tchi winisissig dach gaie, igiw saiagito djig oma aking endagog eji winisiwad.

Anotch ki matchi dodamin kakina; kichpin dach awia matchi gigitossig, geget mino - ijiwebisi, gachkitod tchi mindjiminang kakina wiiaw. Sagidone-bitchigan kit atowananig bebejigogajig odoniwang, tchi debwetonangwa, kakina dach wiiawiwan, ki gwiegwekibitowanenig. Nabikwanan gaie, ano mitchawan, kitchi nodin gaie ondji madjichkawan, anawi dach ondji gagiwechkawan ano kitchi egassing adikweigan, wainikweamowad igo wedakedjig. Mi tibichko gaie ki denaniwinanin geget agassawan, nibiwa dach *maianadak* ondjibamagad ima. Geget pangl ichkote, kitchi nibiwa dach mitigog ondji tchagisowag mitigwaking! Ki denaniwinanin mi ichkote, maiamawi manadak, owiniton kakina kiiawaninanin, mi tibichko matchi ichkote anamakamig. Kakina awessiag, binechiag, kinebigog gaie, kakina sa go aking eiadjig, wangawitchigasowag iko, anichinaben owangawiigowan; odenaniw dach kawin awia odawangawitossin; mi maianadak wika bisan atessinok, mochkine nibowini - pitchibowin. Ki denaniwina-

nin kit aionanin tchi kitchitwawenimang Kije-Manito kossinan; minawa dach kit aionanin tchi matchi inang anichinabeg, Kije-Manito ejinagosid gaojitchigesodjig. Mi go iw bejigwang kidoninang sagaa-momagak kitchitwawenimowin, bekich dach gaie matchi gijwewin. Nikanissidog, kawin onijichisinon iw tchi ijiwebak.

Nibwakaiog; apegich nagwad ki nibwakawiniwa enanokiieg. Weweni nandotamawig Kije-Manito nibwakawin, minik gaie eji manesiieg nandotamawig. Kit ano nandotamagem, kawin dach ki minigossim, kawin sa we-weni ki nandotamagessim; ki matchi aionawa gaie ko gego manigoieg. — Kinawa bechigwadisiieg, ka na ki kikkendasim ejiwebak? Igiw sa matchi minawanigosiwining endaji-bimadisidjig oma aking; kawin Kije-Maniton osagiassiwawan; gaie dach win Kije-Manito kawin ominwenimassin iniw . . . Okitchi-sagian dach meno-ijiwebisindjin, ominan gaie ojawendjigewin. Mi ejibiigadeg Kije-Manito omasinaiganing: Kije-Manito onichkeniman meminadisnidjin; tebassenindisonidjin dach omi-

nan ojawendjigewin. Pagidinamawig Kije-Manito kiiawiwan, miganig matchi manito, ki gaojimigowa. Nasikawig Kije-Manito, gaiedach win Kije-Manito ki nasikagowa. Binitog kinindjiwan, (*misā : kego matchi dodangegon, kinindjiwan tchi aioieg.*) binitog gaie kideiwan, kinawa nijwaiag aindodameg. Kachkendamog, mawiiog; ki bapiwiniwa tagwekissin tchi mawiwinwang; ki minawanigosiwiniwa dach tchi kachkendamowiniwang. Tabassipagidinamog kiiawiwan enassamid Kije-Manito, win dach ki gatombinigowa. Kego matchi dajindikegon, nikanissidog; win metchi-dajimad wikanissan, debakonad gaie wikanissan, omatchi-dajindan gagikwe-win . . . Bejigo aw magiwed ganasongewinan, debakoniged gaie; win ogachkiton tchi banadjiad anichinaben, gonima gaie tchi bimadjiad. Kin dach awennen awiian, tchi dibakonad kidj' anichinabe?

Ow dach gaie kit ikitom kinawa: Nongom gjigak, kema wabang nin gatijamin odenang, ningo kikinonowin dach wedi nin gatajamin, nin gatata-

wemin , mi tchi gachkiang jonia. Mi ekitoieg , ka dach ganage ki kikentchi-gessim , wabang getijiwebak. Wegonen iw ki bimadisiwiniwa? mi tibichko awan, naiagwak iko wenibik, pabige dach angomagad. Nindawatch ow ikitoiog : Kichpin Kije-Manito inendang; kema: kichpin bimadisiang , iw nin gatijiwebisimin. Nongom dach ki minawanigosim eji maminadisiieg ; manadad dach iw minawanigosiwin. Awia kekendang getiji - minododang , ondjita dach minododasig , mi aw baiata - ijiwebisid.

Kinawa dach, ketchi - daniieg , madjad , mawig , kitchi kotagitowin ki gatodissigonawa ; ki daniwiniwa bigichkanag , kit agwiwiniwan manitonsag ogamidjinawan ; kit osawa - joniamiwa , ki joniamiwa gaie agwagossin , iw dach eji agwagossing , mi geondji - dibakonigoieg , mi geondji - animisiieg , tchi tchagisoieg. Kitchi nibiwa maianadak ki mawandjitonawa geondji - nichkadisid Kije-Manito dibakonige - gjigad. Enonindjig , mi sa gagichkijangig ki kitiganiwani , odibaamagowiniwan , mi iw mendjiminamawegwa ; mi dach mawiwad , oma-

wiwiniwan dach pindigemagadiniwan
Kije-Manito Debeniminang otawaga-
ning. Ki mino-wissinim, ki mino-mi-
nikwem gaie mojag oma aking, kidei-
wan gaie mochkinewan matchi mina-
wanigosiwin . . .

Kinawa dach, nikanissidog, bisan
bimadisiioig binich tchi dagwiching De-
beniminang, (*mi sa, tchi niboieg.*) Mi-
tibichko gaie win kitigewinini bisan
obiton ketchi-apitendagwadinig mini-
kan akikang; bisan obiton iw nitam tchi
kimiwang, gaie ichkwatch tchi kimi-
wang. Gaiedach kinawa bisan bimadisi-
ioig, songendamog kideiwang; waiba
Debeniminang tadagwichin. Kego ma-
tchi inenindikego memechkwat, nika-
nissidog, tchi banadisissiweg dibakoni-
ge-gijigad. Kichpin matchi dodagoieg,
kotagitoieg, kikinowabamig igiw inini-
wag ganiganikikendangig, gagagikwe-
djig Debeniminang odijinikasowining.

Memindage dach kit ininim, nika-
nissidog, kego matchi gijwekegon;
kego gijig tchi nanapigijweieg, kego
gaie aki, kego gaie bapich nanapigij-
wekegon. *Debweiog dach mojag*, ow

tchi ikitoieg eta: e, e, gonima gaie: kawin, kawin; tchi ondji pangichinsiieg batadowining. — Kachkendam na awia endachiieg? mano taanamia. Awia na minawanigwendum? mano taanamie-nagamo. Akosi na awia endachiieg? mano oganandoman mecate - okwanaien, win dach mecate - okwanaie ogatanamieta-wan aiakosinidjin, ogatanamie - nominan gaie, Debeniminang odijinikasowining. Mi dach debweiendamowini-anamiewin mi geondji - modjimod aiakosid, (*kichpin Kije-Manito enendangin.*) Debeniminang ogabimadjian; kichpin gaie batadowin gigichkang, Kije-Maniton ogagassiamagon. Windamadig ki batadowiniwan, anamietadig gaie, tchi kagine bimadisiieg gijigong. Meno - ijiwebisid enamiad odanamiewin kitchi nibiwa apitendagwad, kichpin bejigwannong anamiad. Elie anichinabewiigoban, tibichko kinawind; ningoting dach gianamia tchi kimiwansinog; geget dach kawin gikimiwansinon nisso kikinonowin achi ningotwasso gisiss. Minawa dach gianamia *tchi kimiwang*, mi dach

gaiji - kimiwang , aki dach giondji - ni -
tawiginon minikaniwangin.

Nikanissidog , kichpin awia enda -
chiieg matchi - ijiwebisid , awia dach neiah
ogachkian iniw metchi - ijiwebisinidjin
tchi mino - ijiwebisinid , geget obima -
djian otchitchagwan , (*mi sa, metchi -
ijiwebisipan otchitchagwan obimadjian*,)
kitchi nibiwa gaie batadowinan
okadonan.

Mi ow ekitod kitchitwa Pierre, (bejig Jesus omekate - okwanaieman.)

Saiagiinagog! Ki gagansomininim , ti -
bichko maiatlawisingin , bebamadisingin
gaie , webinamog kakina bichigwatch -
missawendamowin , iw maganad otchi -
tchagoma. Mino bimadisiog megwe
enamiassigog ; nongom ki matchi daji -
migowag , tibichko baiata - ijiwebisidjig ;
mano dach ogawabandanawa ki mino -
dodamowiniwan , tchi kitchitwawenima -
wad Kije - Manitou mawadissindwanin .
Babamitawig kakina naganisidjig , Kije -

Manito ondji; babamitawig kitchi ogima, mi aw maiamawi-niganisid; babamitawig daeh gaie naganisidjig; win kitchi ogima odanonan tchi bachajeowad metchi-ijiwebisinidjin, tchi mino-wawinavvad dach meno-ijiwebisinidjin. Mi iw Kije-Manito odinendamowin, tchi mino dodameg, tchi ondji bisan-abivvad gegibadisidjig, gego kekendasigog. Minwendam gaie Kije-Manito tchi dibenindisoieg, kawin dach tchi ondji matchi ijiwebisiieg, mi eta tchi anokitaweg Kije-Manito: Kitchitwawenimig kakina bemadisidjig; sagiig kikanissiwag; gossig Kije-Manito; kitchitwawenimig kitchi ogima. Kinawa enokitagoieg, debe niminegog pagidinamawig kiiawiwan kawin eta go meno-ijiwebisidjig, bekadisidjig gaie, mi gaie maianjininiwagisidjig.

Saiagiinagog! Jesus kinawind gion-dji-kotagendam, tchi kikinowabamineg, tibichko tchi ijiwebisiieg gaijiwebisid. Kawin wika win gibatadodansi, kawin gaie wika maianadadinig gego giikitossi. Api matchi ganonind, kawin win awia omatchi-ganonassin; api gotagiind, ka-

winkagwesegiwessi; ogipagidinamowan dach wiiaw iniw gwaiak debakoniges-sinigon. Win tibinawe wiiawing ogia-ton ki matchi ijiwebisiwininanin tchi-baiatigong, tchi nibomagad kiiawina-ning matchi ijiwebisiwin, tchi bimadi-siiang dach mino ijiwebisiwining; gai-naganamind mi wendji-nodjimoieg. Ma-nichtanichag wenichinowadjin kit ijiwe-bisimiwaban; nongom dach ki giajegi-wem, naiakisaweg genawenimad ma-nichtanichan, win gegikimad ki tchi-tchagowan.

Saiagiinagog! Bejigotoiog kit inen-damowiniwan, jajawvenindig mamech-kwat, sagiig kikanissiwag, kijewadisiioig, nibwakaiog, tabassenindisog. Kichpin matchi dodagoieg, kego ajita matchi dodawakegon awia; metchi igoieg gaie, kego ajita matchi inakegon awia, nin-dawatch gaganodamawig, anamietawig. Mi sa gaondji-nandomeg Kije-Manito, tchi minigoieg jawendagosiwin gijigong. Wegwen inendamogwen tchi sagitod bimadisiwin, tchi wabandang gaie we-nijichingin gijigadon, mano ogamino-ganawendan odenaniw, tchi matchi gi-

gitossig, odon gaie, wika tchi giwani-mossig. Ogatojindan maianadak, tawimino - dodam dach ; organandawaban-dan mino - inawendiwin, tchi nopinadang. Debeniminang omino - ganawabaman gawaiak ejiwebisinidjin, omino-tan gaie odana miewinini. Kawin dach omino - ganawabamassin metchi - ijiwebisinidjin. Awenen aw gematchi - dodo-neg, kichpin wenijiching eta nopinada-meg ? Kichpin dach gaie kotagitoieg animino - dodameg, ki jawendagosim. Kego dach gossakegon metchi - dodoneg, kego gaie ossitawendangeon. Kitchit-wawenimig Debeniminang Jesus kideiwang. Ojitaliog nanagatawendamog, tchi gachkitoieg tchi nakwetaweg awia ka-gwedjimineg, wegonen iw pegossendameg.

Nikanissidog ! Nibwakaiog, anami-aiog, akowabig ; memindage dach sagiidig memechkwat ; sagiidiwin taondji-agwanaigadewan nibiwa batadowinan. Jajawenindig memechkwat, kego sasgisikegon. Minododadig memechkwat, minik eji gachkitoieg ; tchi mino inabatchitoieg minik gajawenimineg Kije-

Manito. Kichpin awia gigitod, mano Kije - Manito odikitowin ogadajindan; kichpin awia anokid, mano taanoki, Kije - Manito eji migiwed machkawisiwin; mojag Kije - Manito tchi kitchitwawenimind, Jesus odijinikasowining ondji. Win odibendan kakina kitchitwawenimowin, ogimawiwin gaie; mi sa kaginig geinging.

Kego mamakadendangegon, kego gaie matchi inendangegon, kichpin kotagitoieg, anotch animisiieg aking; nindawatch minwendamog, bapinenimog, gaie win Jesus gikotagendam oma aking, mano gaie kinawa kotagendamog, tchi apitchi minawanigwendameg wedi okitchtitwawisiwining gjigong. Kichpin matchi dajimigoieg, Jesus ondji, ki jawendagosim . . . Metchi-ijiwebisidjig gaie animisiwag iko aking, mi sa nechiwedjig, gemodichkidjig, metchi-gijiwedjig, messawendangig bekanisinidjin odaiaiman. Kinawa dach kego wika iw dodangegon, kawin dach ki gaondji-animissim wika. Kichpin dach anamiewin ondji animisiieg, kego agatchikegon; kitchitwawinig dach Kije-Manito, epitch

animisiieg anamiewin ondji. Mi sa non-gom tchi kotagisiwad enamiagjig, Kije-Manito onidjanissan. Kichpin dach potch enamiadjig kotagisiwad, anin dach getijiwebisiwad ichkwatch winawa aiagon-wentangig Kije - Manito odikitowin? Kichpin meno - ijiwebisid enamiad agawa ogagachkiton gjigong tchi ijad, enamiassig, baiata - ijiwebisid gaie anindi getaiad? — Ambe kinawa, aianimisiieg Kije - Manito eji minwendang, pagidinamawig ki tchitchagowag Kije - Manito, mino - bimadisiilog; win misi gego gagijitod omino - ganaweniman ki tchitchagonanin.

Saiagiinagog! Tabassipagidinamawig kiiawiwan Kije - Manito onindjing gechkitomagadinig, ki gatichpendago-siigwa, api tchi mawadissigoieg. Win pagidinamawig kakina ki segendamowiniwan, win sa ki gamino - ganawenimigowa. Nibwakaiog, akowabig, mo-jag sa babaija matchi manito jangeni-mineg, tibichko michibiji nechkadisid, babanandawabamad awia tchi nissad tchi amwad. Ki ga jagotchiawa machkawen-dameg debweiendamowining; ki kiken-

dàm sa, gaie kikanissiwag oma aking eiadjig, mi tibichko kakina kotagendamowad. Kije-Manito dach, neta - jawendjiged, ki gajawenimigowa, nawatch tchi mino - ijiwebisiieg, ki gasongideechkagowa, ki gamachkawendamiigowa gaie, giichkwa - kotagitoieg wenibik; kit inenimigonan tchi pindigeiang kagine kitchitwawisiwining, gaiji - jaweniminnang Jesus-Christ. Win takitchitwawisi, taogimawi gaie kaginig.

Ow gaie kikendamog: Kije-Manito odinendamowining ningojijig tibichko midasswak dasso kikinonowin oda-pitandan; gaie dach midasswak dasso kikinonowin tibichko ningojijig.

Mi ow elkitod kitchitwa Jean,

(bejig Jesus omekate - okwanaieman.)

Kichpin awia ow ikitod: kawin nin wika nin bata - ijiwebisissi; geget waiejindiso, kawin gaie debwessi. Kichpin dach awia dibadodang obatadowinan, win Kije-Manito kaginig daiebywed, ne-

ta-jawendjiged gaie ogajaweniman, ogas-siamayan obatadowinini.

Nin nidjanissidog! kit ojibiamoninim iw, tchi bata-ijiwebisissiweg; kichpin dach awia bata-dodang, awia kit aiawanan tchi ganonad Kije-Maniton, mi sa Jesus gwaiak ejiwebisid. Win ki jawenimigonan gibata-ijiwebisiang; kawin dach kinawind eta, kakina sa anichinaben ojaweniman. Ganawendamowang ogagikwewin mi wendji-kiken-damang kikenimang. Kichpin awia: nin kikenima Kije-Manito, ikitod, ganawen-damawassiwind dach ogagikwewin, gaginawichki, kawin debwewin ogigich-kasin. Win dach genawendang odiki-towinini, mi aw saiagiad Kije-Maniton; mi dach iw wendji-kikendamang, Kije-Manito ojawendjigewining aiaiang. Kichpin awia: Jesus nin gigichkag, ikitod, mano taijiwebisi, Jesus gaijiwebisid oma aking.

Kawin ochki gagikwewin kit ojibiamossinoninim, gete gagikwewin eta wejibiamonagog, waiechkat ganondameg . . . Anawi dach gaie ochki gagikwewin kit ojibiamoninim, mi sa geget

debwewin. Kachkitibikak gikabikosse, gwaiak wasseia dach gidagwichinomagak. Kichpin awia: wasseianing nin bimosse, ikitod, bekich dach jingenimad widj' anichinaben, kachkitibikadong aia keiabi nongom. Win saiagiad widj' anichinaben, wasseianing bimossekawin gaie gego maianadadinig ogigichkasin; win dach jangenimad widj' anichinaben kachkitibikadong bimosse . . .

Kego sagitokegon oma aking endagog. Kichpin awia saiagitodjin iw, kawin ogigichkasin odeing kossinan Kije-Manito osagiiwewin. Kakina oma aking endagog, mi missawenindiwin, maminadisiwin gaie. Kawin kossinan gjigong ebid migimessi iw, oma sa aking dago. Taichkwa akiwan dach, kawin dach keiabi tadagossinon minik aking endagog; win dach endodang, Kije-Manito ejii minwendang, takagige-bimadisi gjigong.

Nanagatawendamog ejii sagiina ng Kije-Manito kossinan, win onidjanissan tchi iji winigoiang, tchi awiiang gaie . . . Saiagiinagog, nongom Kije-Manito onidjanissan kit awimin; kawin

dach machi nagossinon getijiwebisiiang panima; ki kikendamin dach, api iw tchi nagwad, mi iwapi tchi ijiwebisiiang, Kije-Manito ejiwebisid; ogawabamanan sa ejinagosid . . .

Jesus gidagwichin oma aking tchi gassiamagoiang; win dach kawin wika ogigichkasin batadowin, *kinawind eta ki batadowinininanin giondji-nibo* . . . Kego mamakadendangegon, oma aking jingenimigoieg. Ki kikendamin, nongom taanassag kit abitchiibamin, geget dach pitchinag ki bimadisimin sagiang kidj' anichinabenanig. Win dach saiagiassig widj' anichinaben, keiabi nibowining aia, kawin geget bimadisiwin ogigichkasin. Win jangenimad widj' anichinaben, nichiwechki *tanassag*. Ki kiken-dam dach, nechiwechkid kawin ogigichkasin kagige bimadisiwin.

Mi ima wendji-kikendamang Jesus okijewadisiwin, gipagidinang obimadisiwin kinawind ondji; mi tibichko gaie kinawind ki dapagidinamin ki bimadisiwininanin kikanissinanig ondji. Kichpin awia danid oma aking, wabamad dach widj' anichinaben ketimagisinid,

jawenimassig dach, anin getiji-sagiad Kije-Maniton? Nin nidjanissidog, kego iw ijiwebisisida tchi ikitoiang eta ow: nin sagia nidj' anichinabe; geget sa sagiada, mino dodawada.

Kego anotch gagikwewin debwetangegon; weweni nanagatawendumog tchi kikendameg gwaiakossing Kije-Manito ogagikwewin; batinowag gegina-wichkidjig gegikwedjig. Mi ow geondjikikendameg gwaiak Kije-Manito ogagikwewin: kichpin sa awia gagikwed, Jesus tchi gidagwiching oma aking ejí anichinabewid, mi iw Kije-Manito ogagikwewin; awia dach aiagonwetawad Jesusan, kawin iw Kije-Manito ogagikwewin awansinon.

Saiagiinagog! Mi ima wendji-kikendagwad ejí sagiinang Kije-Manito, gibiiininajawad aking Ogwissan baiejigonid, tchi bimadjinang. Geget ki sagiigonan; kawin kinawind nitam ki gisagiassawan, win nitam ki gisagiignonan, ogibiininajawan dach Ogwissan oma aking, tchi pagidenindisod, tchi ondji gassiamonang ki batadowininanin. Saiagiinagog! Kije-Manito ejí sagiinang,

ki dasagiidimin gaie kinawind. Kawin awia wika Kije-Maniton ogiwabamas-sin; kichpin sagiidiang, Kije-Manito ki gigichkawanan kideinang, osagiiwe-win gaie ki mochkinechkagomin. Mi wendji-kikendamang gigichkonang, gi-gichkawang gaie kinawind, ki gimini-gonan sa Venijichid-Manito *ojawendjigewin*. Ninawind nin giwabandamin kakina, nin dibadodamin dach ow: Kije-Manito Weossimind ogiinajawan Ogwissan oma aking, wibinodjimoad kakina anichinaben. Wegwen ow gedebwetamogwen: Jesus Kije-Manito Ogwissan awi, mi aw gegigichkawad Kije-Maniton, gaie dach win ogagigich-kagon Kije-Maniton.

Kichpin enigokodeeiang sagiang Kije-Manito, kawin ki gasegisissimin dibakonige-gijigad... Ambe sagiada Kije-Manito, win sa nitam ki gisagiigonan. Kichpin awia: nin sagia Kije-Manito, ikitod; bekich dach jingenimad widj' anichinaben; kawin aw debwessi. Win saiagiassig widj' anichinaben, kawin gaie geget Kije-Maniton osagiassin.

Saiagiinagog! Wegwen daiebweta-

mogwen, Jesus awid Christ, (*mi sa aw gabiijad oma aking wibinodjimo ad anichinaben.*) wegwen ivv daiebwetamo-gwen, Kije-Maniton ondji nigi. Wegwen dach saiagiagwen ossiman, osagian gaie ogwissiman. Mi iw wendji-kikendamang sagiang Kije-Manito onidjanissen, saiagiangon Kije-Manito, ganwendamowang organasongewinan. Kichpin geget sagiang Kije-Manito, organasongewinan ki gaganawendamowan; kawin gaie sanagassinini organasongewinan. Wegwen Kije-Maniton ondji-nigigwen, ojagotchiton kakina maianadak oma aking; ki debweiendamowininan dach kit ondji-jagotchitomin maianadak. Awenen aw jaiagotchitod maianadak? mi eta aw daiebwetawad Jesusan, Kije-Manito Ogwissan. Mi aw Jesus-Christ, gadagwiching oma aking, nibi gaie miskwi ondji, (*mi aw gamininang siga-andadiwin, gasiginang gaie omiskwim tchibaiatigong, winodjimoinang;*) Wenijichid dach Manito dibadjimo, Jesus gwaiak tchi debwed. Nisswe gitowag gjigong, mi sa: Kije-Manito Weossimind, Ikitowin gaie, (*mi sa Jesus,*

Kije-Manito Wegossimind.) gaie dach Wenijichid-Manito; nissiwag, bejigo dach Kije-Manito. Nisswe gaie gigitowag aking, mi sa: ki tchitchagonan, nibi, miskwi gaie; nissinon, mi dach igo bejigwang. (Mi sa: ki tchitchagonan *nibi* ondji-jawendagosi, mi iw si-gaandadiwin; gaie dach Jesusan *omiskwim* ondji-jawendagosi ki tchitchagonan.) Kichpin debwetamang anichinabe odikitowin, Kije-Manito odikitowin na-watch apitendagwad. Mi sa iw nawatch epitendagwad Kije-Manito odikitowin, gaikitod gidajimad Ogwissan. Win daie-bwetawad Kije-Manito Ogwissini, ogi-gichkan Kije-Manito odikitowin . . .

Mi gaie ow ekitod kitchitwa Jean: Nin giwabama Anjeni, gisiss wendjimogissed giondjiba, bemadisid Kije-Manito odagokiwassigan dach otakonan; enigok dach organonan niwin Anjeniwan, gaminindjig tchi banatchitowad aki, gaie kitchigami; odinan dach: Kego banta-chitokegon aki, gaie kitchigami, gaie mitigog kego; panima giagokiwasswan-gidwa ki Kije-Manitominan odanokitaganwininiman okatigwaniwang. Nin gi-

nondam dach, ningotwak achi nimida-
na achi niwin dasso midasswak agoki-
wassigasowag Israel onidjanissan . . .
Panima dach nagatch nin giwabamag
apitchi kitchi nibiwa anichinabeg, ka-
win awia odagachkitossin tchi agimad,
kakina go bebakan ejiwinsodjig, beba-
kan endanakidjig, bebakan enwedjig
gaie kakina nin giwabamag nibawiwad
enassamissing ogima-namadabiwin, enas-
samid gaie Manichtanichans, (*mi sa Je-
sus,*) wabichkaniwan obabinsikawaga-
niwan, odikwanensan otakonawan onin-
djiwang. Enigok dach ikitowag: Kitchit-
wawendagosi ki Kije-Manitominan, ne-
madabid ogima-namadabiwining, gaie
dach Manichtanichans (*mi sa Jesus*)
kitchitwawendagosi. Kakina dach Anje-
niwag nanibawiwag giwitaiai ogima-
namadabiwin, akiwesiian gaie, niwin gaie
awessiian, pangichinog dach ochkinji-
gowang enassamissing ogima-namada-
biwin, anamietawawad Kije-Maniton,
ekitong: Mi sa getijiwebak, kaginig ki
Kije-Manitominan ogadibendan kitchit-
wawendagosiwin, wassenamowin, ni-
bwakawin, migwetch - inendamowin,

kitchitwawisiwin, mino - ijiwebisiwin, machkawisiwin, mi getijivewebak kagigekamig.

Iwapi Kije-Manito ovwigiwam pakissin gijigong, mi dach ima nagwad iw gaiat - ijitwawini - makak ; wassamowinan dach, inwewinan gaie ; aki gochkossemagak, kitchi mikwaminaniwan. Kitchi mamakadakamig nagwad gijigong : Bejig ikwe gisisson odagwinan, tibiki-gisisson dach nibawi, ochtigwaning dach wiwakwan, midasswe achi nj anangon.

Kije-Manito ogigananon ningoting kitchi ogiman Achazan, ow ogiinan : Ganoj Kije-Manito Debenimik, tchi mmandadodang anamakamig, gonima gaie ichpiming. Achaz dach ow ikito : Kawin nin gaganonassi, kawin nin gakagwedibenimassi Kije-Manito Debenimid. Aw dach Isaïe, naganikikendang inini, ow ikito : Ambe pisindawichig, David weojicheimineg ; pang na eta ki matchi dodam kinawa, anichinabeg matchi-dodawegwa ; gaie win na nin Kije-Manitom ki gamatchi-dodawawa ? Mi ge-

ondji - mamandadodang win tibinawe Debeniminang, tchi wabandameg: Och-kinigikwe sa organigian ogwissan, Emanuel dach taijinikaso, (*mi sa Jesus;*) osawa - bimide, amo - sinsibakwad gaie ogamidjin, binich tchi gachkitod tchi ojindang maianadak, tchi dodang dach wenijiching.

Minawa aw Isaïe ow ikito: Onikan, Jerusalem, wasseiabin; wasseia kit odissig, Debeniminang okitchitwawisiwin gidagwichinomagad. Misi enigokwag aki takachkitibikak, kakina bemandisidjig pachagichkinamowining tanamadabiwag; kin dach Jerusalem, Debeniminang ki gatodissig, okitchitwawisiwin tanagwad abiian. Enamiassigog ki wasseianing tabimossewag, kitchi ogimag gaie tabimossewag Debeniminang gabiodissig owasseianing. Giwitaiai inabin, kakina ogow kit odissigog; kigwissag wassa ondjidawag, kidanissag gaie misi ondjidawag; ki gawabamag, ki gabapinenim dach; ki gamamakadendam, apitchi tamochkinemagad kide *minawani-gosiwin*, tchi wabandaman tchi bidagwichinowad kitchi agaming endanaki-

djig, igiw gaie maiamawi-kitchitwawen-dagosidjig anichinabeg. Kitchi nibiwa kitchi awessiag ogabimomigowan Ma-dianing, Ephraig gaie geondjibadjig. Kakina gaie Sabaing endanakidjig tada-gwichinog, osawa jonia, minomagwa-kisigewin gaie ogabidonawa, Kije-Ma-niton gaie ogabikitchitwawenimawan.

ANAMIEWINAN.

Anamiewinan

ekitongin endasso kigijeb, endasso onagoch gaie.

Odijinikasowining Weossimind, gaie Wegossimind, gaie Wenijichid-Manito.

Kiye-Manito misi gego netawitoian! kin kakina apitchi debenimiiang; ki ma-moiawamigo giganawenimiiang tibikong, (nongom gigijigak.) Kaginiq jawenimichinam, kaginiq ki gababamitago getako bimadisiwangen.

Bonigidetawichinam gaiji-batadii-ang; geget nin jingendamin nin matchi ijiwebisiwininanin; kawin minawa nin

gawidissimin; minawa jawenimichinam, netā-jaweningeian; kinaamaw jangeni-miangid tchi bwa ningot dodawiangid.

Mi wendji-pagidenindisoiang eji owiiawiiang gaie eji otchitchagoiang, Debenimiiang! Kagineg dibendan getowangen, minik gaie gekitimagisiwangen; kawin nin dagachkiidisossimin tchi dibenindisoiang; bejigwan pegosse nimigoian, tchi gwaiakosseiang megwa bimadisiiang, gaie giniboiang gjigong tchi dagwichimiiang.

Kije-Manito, Debenimiiang! kakina gaiji-kikinoamawiiang eji anamiaiang, kin giikitowamban, mi kakina wendji-debwetamang.

Kije-Manito Debenimiiang! ondjita geget ki biinenimigo tchi widokawiiang gwaiak tchi iji bimadisiiang oma aking, kagineg gaie gjigong tchi minawasiang.

Kije-Manito, Debenimiiang! ondjita ki kitchitwawendagos, ondjita gaie ki sagiigos, mi wendji-sagiigoian awachime kakina ejiwebak. Nin sagiananig gaie kakina anichinabeg, kin wendjisagiangidwa; epitch sagiidisoiang, mi epitch sagiangidwa.

Kije - Manito, Debenimiiang! ki pagossenimigo tchi onijichiang eji otchitaghagoiang; ki gibianonaban kit Anjenim, tchi biwawindang wi-bianichina bewiidisod Kigwiss Jesus enind; mi dach Kigwiss gikotagia, ginissa gaie tchibaiati-gong; ninawind ondji; mi wendji-pagosenimigoian tchi wi mino abitchiibaiang.

Kije-Manito, nosse! songideechkawichin, kaginig tchi gwaiak inendamàn. Ki pagidinamon niiaw, nin tchitchag, nin bimadisiwin. Getinenimiwanen minik gewibimadisiwanen, jawenimichin tchi gwaiak bimadisiàn; inenimiian dach waiba tchi niboiàn, jawenimichin tchi mino niboiàn.

Misi gego gagijitoian, ki debweton, ki sagiin, ki wi-babamiton. Nin jingendan nin matchi ijiwebisiwin; widokawichin tchi nibwakaiàn, ichpiming gjigong gaie tchi ijaiàn giniboiàn aking.

Debenimiiang, jawenimichinam.

Jesus-Christ, jawenimichinam.

Debenimiiang, jawenimichinam.

Jesus-Christ, pisindawichinam.

Jesus-Christ, babamitawichinam.

Kije-Manito Weossimigoian , giji-
gong obiian ,
Kije-Manito Wegossimigoian , gaa-
gwachimadwa anichinabeg ,
Kije-Manito Venijichiian-Manito ,
Kije-Manito nesso - bejigoian ,
Jesus , Kije-Manito Ogwissan ,
Jesus , ketchitwawisiian , Koss Kije-
Manito eji kitchitwawisid ,
Jesus , mwachkinechkagoian kakina
mino - ijiwebisiwin ,
Jesus , kitchitwa Marie ogwissan ,
Jesus , maiamawi - mamakadenimi-
goian ,
Jesus , kaginig bemadisiian ,
Jesus , misi gego netawitoian ,
Jesus , aiapitchi - kijewadisiian ,
Jesus , aiapitchi - bekadisiian ,
Jesus , tebassenindisoian enigokode-
eian ,
Jesus , saiagitoian nibwaka - ijiwebi-
siwin ,
Jesus , saiagitoian bekadisiwin ,
Jesus , saiagiiang ,
Jesus , aiapitchi - sagiigosiiian ,
Jesus , debendaman nin bimadisiwi-
ninanin ,

jawenimichinam.

Jesus, saiagiadwa nin tchitchagonanig,
Jesus, Keje-Manitowiian,
Jesus, neta-jawenimiiang,
Jesus, saiagiadwa ketimagisidjig,
Jesus, ketchi-apitendagosiian,
Jesus, meno-ganawenimadwa nin
tchitchagonanig,
Jesus, kin awiian kagige nibwaka-
win,
Jesus, menawasiadwa Anjeniwag,
Jesus, kekinoamawadwa enónadjig,
Jesus, mechkawisiadwa anamiewin
wendji-nanindjig,
Jesus, waiassenamawadwa gawaiak
ejitchigedjig kit ijitwawin,
Jesus, gabianichinabewiidoisoian, wi-
binodjimoiiang,
Jesus, gabinigiian kitimagisiwining,
wi-bijawenimiiang,
Jesus, gabimadisiian nissimidana achi
nisso bibon oma aking, wi-ki-
kinoamawiiang,
Jesus, gakitchi-kotagitoian megwa
gibimadisiian aking,
Jesus, gaabwesoian miskwi, gikitchi-
animisiian bwā takonigoian,

Jesus, gasassagakwaogoian tchibaia-
tigong, ninawind ondji,
Jesus, gakitchi-wissagendaman tchi-
baiatigong nisso tibaigan,
Jesus, gadapineian tchibaiatigong
winodjimoad nin tchitchagona-
nig, } jawenimichinam.
Jesus, gaabitchiibaidisoian,
Jesus, gjigong gaijaian,
Jesus, wegimawiian gjigong gaie
misi aking,
Jesus, gedibakonadywa kakina anichi-
nabeg,
Jesus, gaiassiamawadwa anichinabeg
obatadowiniwan, bonigidetawichin-
nam.
Jesus, gaiassiamawadwa anichinabeg
obatadowiniwan, babamitawichin-
nam.
Jesus, gaiassiamawadwa anichinabeg
obatadowiniwan, jawenimichinam.
Jesus - Christ, pisindawichinam.
Jesus, Christ, babamitawichinam.
Debenimiiang, jawenimichinam.
Jesus - Christ, jawenimichinam.
Debenimiiang, jawenimichinam.

Nossinam gijigong ebiian, &c. . .
Kit anamikon, Marie, &c. . .
Nin debwetawa bejigod Kije-Ma.
nito, &c. . .
Ketchitwawendagosid, &c. . .

Odijinikasowining Weossimind gaie
Wegossimind gaie Venijichid-Manito.

Est
Minimowinnaa Midewinnaa
Ku ojibewinnaa
Deweewinnaa.

Agist ee Aulewinne
Hiwinaabewenaa sipe
Kosinen Kije-Manito
Eh iacanminnaa
Babihewinnaa ee

Ojibewinnaa boppewinnaa
Ojibewinnaa sipe
Eh ee Bawmowinnaa

Midasswe achi nij

ochki

Anamie-nagamowinan.

1.

Noël - nagamowin.

Sur l' air: Nouvelle agréable.

Bapinenimoda,
Mimwendanda kideinang:
Kit odissigonan
Debeniminang.

Jaigwa sa Anjeniwag
Biwindamagewag aking,
Kossinan Kije - Manito
Eji jaweniminang.
Bapinenimoda, &c. . .

Odenawing Bethleheming
Ondadisi abinodji.
Mi aw genodjimoinang,

Kitimageniminang.
Bapinenimoda, &c. . . .

Kitchi animisi ima,
Ka bapich mino aiassi.
Ki kitchi sagiigonan,
Mi wendji kotagitod.
Bapinenimoda, &c. . . .

Kawin kitchi wigwaming
Biondadisisi Jesus,
Pijikiwigamigong sa,
Mi ima wendadisid.
Bapinenimoda, &c. . . .

Geget sa abinodjiing
Binagosi oma aking
Misi gego gagijitod,
Misi gego debendang.
Bapinenimoda, &c. . . .

Geget mamakadendagwad:
Misi gego gagijitod
Mawi aking, kotagito;
Mi tchi jaweniminang.
Bapinenimoda, &c. . . .

Mi dach ima kikendagwad,
Epitch sagiinang Jesus:
Win okotagiton wiiaw,
Tchi wi - nodjimoinang.
Bapinenimoda, &c. . . .

Ambe sagiada Jesus,
Mojag babamitawada,
Mi tchi nigid kideinang,
Mojag ima tchi abid.
Bapinenimoda, &c. . .

2.

Pâque - nagamowin.

Kakina minawanigosida,
Bapinenimoda :
Win kossinan Jesus,
Win kejewadisid,
Kinawind gaondji - nibod oma aking,
Giabitchiibaidiso.
Alleluia, alleluia.

Giniboban wi - nodjimoinang,
Wi - agwachiminang ;
Pagidenindiso,
Epitch sagiinang ;
Minawa dach nongom geget bimadisi :
Giabitchiibaidiso.
Alleluia, alleluia.

Geget ki kitchi sagiigonan
Ganodjimoinang ;

Wenidjanissingin
Ki sagiigonan.
Mechkwat dach gaie kinawind sagiada :
Giabitchiibaidiso.
Alleluia , alleluia.

Bekich gaie anwenindisoda ,
Mino inendanda ;
Win Debeniminang ,
Kaginig daiebwed ,
Enigokodeeiang debwetawada.
Giabitchiibaidiso.
Alleluia , alleluia.

3.

Nagamowin negamong api Jesus
gijigong ijad.

Debeniminang Jesus
Weweni manadjada ,
Mamakadenimada ,
Kakina onitawiton :
Gijigong nongom ija ,
Ossan onasikawan.

Megwa gibimadisid
Eji anichinabewid

Oma ogidakamig,
Ki gijawenimigonan.
Nongom gijigong aia,
Ki biigonan ima.

Gaie kinawind geget
Gijigong ki gatijamin.
Kichpin mino dodamang,
Gwaiak ijiwebisiiang.
Ki gamino - aiamin,
Apitchi go kaginig.

Jesus gijigong ija,
Ossan okitchi nikaning
Namadabi gijigong,
Mi dach wedi ogimawid.
Geget kitchitwawisi,
Kakina odibendan.

Ambe anamiada,
Maianadak webinanda,
Jesus dach sagiada,
Weweni tchi nopinanang,
Gwaiak tchi oditamang
Odogimawiwing.

Jesus gwanatch nossinan,
Apegich jawenimiiang,
Gijigong tchi ijaiang,
Giichkwa - bimadisiiang,

Tchi jawendagosiiang
Kit ogimawiwining.

4.

Nagamowin negamong api kitchitwa Marie gjigong ijad.

Sur l' air : Autour de nos sacrés autels.

Sagiada Jesus ogin
Mamakadenimada ;
Ichpiming gjigong ija ,
Minawanigwendanda.
Jesus onadoman ogin ,
Gjigong dach odassan ,
Mi dach ima nongom aiad ,
Kitchitwawenimada.

Megwa bimadisid aking ,
Kawin mino aiassi ,
Apitchi kitimagisi ,
Naningim animisi .
Nongom dach gjigong aia ,
Owabaman Ogwissan ;
Minawanigosiwining
Kaginig bimadisi.

Naningim kitchitwa Marie
Kitchi mawi, kachkendang,
Epitch kitimagisinid
Ogwissan oma aking.
Nongom dach owidabiman
Odogimawiwining;
Kitchi minawanigwendam,
Widabimad Jesusan.

Kitchitwa Marie, kiganan,
Mino aia gjigong;
Gimino - ijiwebisi,
Mi wendji - mino aiad.
Mino ijiwebisida
Mojag gaie kinawind,
Mi tchi jawendagosiiang,
Gjigong tchi ijaiang.

5.

Nagamowin, kakina ketchitwa-
wendagosidjig gjigong ebidjig
wi - manadjindwa.

Sur l' air: Tu vas remplir le voeu de ta tendresse.

Kaginig go manadjada Jesus,
Manadjadanig gaie bekich

Ketchitwawendagosidjig gjigong ,
Mojag gaie dach sagiadanig.

Geget mino ijiwebisigwaban
Megwa gibimadisiwad aking ;
Nongom jawendagosiwag gjigong ,
Kawin wika animisissiwag.

Weweni agianokitawawan
Kije - Maniton ogidakamig ;
Nongom dach gjigong owabamawan ,
Weweni go owidabimawan.

Ketchitwawendagosidjig gjigong
Gikitchi - animisiwag aking ,
Weweni dach mojag giminwendamog ;
Mi dach nongom jawendagosiwad.

Kaginig geget winawa Jesusan
Ogikitchi - sagiawan aking ;
Mechkwat Jesus osagian gjigong ,
Apitchi go omino - dodawan.

Geget ningotawassidog winawa !
Weweni pagossenimadanig ,
Tchi wi - ganodamonangwa gjigong .
Nibwakada , tchi wi - odissangwa .

6.

Sur l' air : Jésus est la bonté même.

Apitchi kijewadisi

Jesus Debeniminang ,

Kitchi nita - jawendjige ,

Geget sagiigosi.

Kawin dach bemadisidjig

Osagiassiwawan ,

Bebejig eta weweni

Okitchitwaweniman.

Jesus ki sagiigonan ,

Ki jawenimigonan ,

Pabige ki minigonan

Gego menesiiangon.

Bebejig dach eta geget

Migwetch odineniman ;

Wika go bemadisidjig

Omamoiaawamawan.

Gibija oma aking ,

Gikitchi - animisi ,

Tchibaiatigong ginibo ,

Wi - binodjimoinang .

Awenen dach iw mekwendang ,

Tchi wi - anwenindisod ?

Gegeti kit onendamin ,

Eji mino - dodonang !

Wenijiching gagikwewin
Win Jesus ogibidon ;
Ki kikinoamagonan ,
Gwaiak mojag tchi diiang.
Nibiwa dach kawin bapich
Odebwtansinawa.
Minik gaiji - gagikwed
Jesus Debeniminang.

Jesus ki wicomigonan ,
Epitchi sagiinang ;
Wiiaw kit achamigonan ,
Ki mino - dodagonan.
Anin dach mechkwat endiiang
Kinawind endachiiang ?
Wika awia weweni
Jesusan osagian.

Kitimagenimichinam ,
Jesus Debenimiiang !
Kego webinichikangeo ,
Neta - jaweningeian !
Songideechkawichinam ,
Tchi anwenindisoiang ,
Tchi apitchi adjitoiang
Eji bimadisiang.

Sur l' air : Troupe innocente.

Kije - Manito

Sagiada mojag ,
Manadjada
Enigokodeeiang.
Kawin bapich gego
Enigokwag aki
Apitendagossinon ,
Iw sagiiwewin
Epitendagwad.

Sagiigosi

Kossinan , gjigong
Kaginig ebid ,
Nita - jawendjige.
Wenidjanissingin
Ki sagiigonan ;
Mamakadendagosi
Win Debeniminang
Ejiwebisid.

Ogisiginan

Kakina omiskwin
Tchibaiatigong
Win kossinan Jesus.
Ki sagiigonan ,
Mi wendji . dodonang !
Ki jawenimigonan ,

Ki wi - assigonan
Ima gjigong.

Kaginig ambe ,
Mechkwat sagiada
Gaie kinawind ,
Pagossemimada . —
Mijichinam , Jesus ,
Ki sagiiwewin ,
Tchi mikwenimigoian ,
Tchi sagiigoian ,
Mosse , kaginig .

S.

Sur l' air: O digne objet de mes chants.

Kitchi apitendagwad
Jesus ogagikwewin :
Geget kitchitwawendagwad ,
Mojag kitchitwawendamog ,
Weweni pisindamog ,
Mino ganawendamog .

Kakina okikendan
Debeniminang Jesus ;
Kawin gego onendasin ,
Ka wika giwanimossi ;

Kaginig debwetawig ,
Gaie babamitawig.

Weweni pesindangig
Jesus odikitowin
Kitchi jawendagosiwag ,
Gwaiak owabandanawa
Wenijiching mikana ,
Mojag gwaiakossewag.

Win weweni pesindang
Jesus ogagikwewin ,
Weweni kikenindiso ,
Gaie tabassenindiso ;
Win dach Kije - Manito
Okitchi - jaweniman.

Dassing sa go nwandameg
Jesus odikitowin ,
Minwendamog kideiwang ,
Migwetch gaie inenimig.
Weweni pisindamog ,
Mino ganawendumog.

9.

Gijigong ejivebak.

Ketchitwawenda gosidjig

Wedi gij'gong ebidjig

Kaginig bimadisiwag,

Minawanigosiwag.

Minwendagwad sa gijigong,

Apitchi modjigendagwad,

Kawin gego maianadak

Gijigong dagossinon.

Misi gego oma aking,

Minawanigosiwin,

Kakina gaie daniwin,

Kawin nin sabendasin.

Minik gijigong endagog

Kaginig nin pagossendan;

Kagige bimadisiwin

Nin nanagatawenda.

Sanagad bimadisiwin,

Nin kachkendam nindeing,

Osam matchi - ijiwebak

Oma ogidakamig.

Ningotawassidog geget

Wedi gijigong eiadjig :

Kawin sa wedi awia

Wika matchi dodansi.

Anotch *gego* maianadak
Naningim *niu* wabandan,
Mi dach kachkendamān,
Enigokodeeiān.

Kegapi dach nind inendam :
Apegich wedi abiiān,
Kin wabaminagosiiān,
Nosse, Kije - Manito.

Apegich mino dodamān,
Apegich libwakaiān,
Kaginig tchi bimosseiān
Wenijiching mikanang.
Nosse gjigong ebiian,
Ambessa jawenimichin,
Gjigong ijiwijichin,
Wedi tchi wabaminan.

10.

Nijwasswe kitchi batadowinan.

Mino inendamog,
Enamiaeig,
Weweni go mojag
Mino dodamog.
Mojag mikwenimig
Debeniminang,

Tchi wi - ojindameg
Batadowinan.

Maminadisiwin
Geget bonitog ,
Kitchi batadowin ,
Jingenindamog.
Okitchi - jingenda
Kije - Manito ,
Gaie dach kinawa
Jingendamog.

Kitchi batadowin
Sasagisiwin ,
Mojag jingendamog
Iw batadowin.
Ketimagisidjig
Jajawenimig ,
Kaginig weweni
Minododawig.

Bichigwadisiwin
Wi - webinamog ;
Mikwenimig , gossig
Kije - Manito.
Tatchagiso geget
Beechigwadisid
Kagine ichkoteng
Anamakamig.

Missawenindiwin
Wi - ojindamog ;

Geget jingendagwad ,
Jingendamog dach.
Win matchi manito ,
Win igo nitam ,
Ogibidon aking
Iw batadowin.

Matchi ijiwebak
Nibadisiwin ;
Apegich kaginig
Jingenindamog.
Gawachkwebid geget
Matchi dodaso ,
Okitchi - nichkian
Kije - Maniton.

Mi tibichko gaie
Nichkadisiwin
Kitchi batadowin ,
Geget manadad.
Mojag sagiidig ,
Mino - dodadig ;
Kit igonan Jesus
Debeniminang.

Kitimiwin gaie
Kitchi manadad ;
Kitimagisiwag
Ketimichkidjig.
Mojag anokiiog ,
Anamiaiog ;

Mi gadodang aking
Gaie win Jesus.

11.

Sur l' air: O saint autel qu' environnent les Anges.

Anwenindisowin.

Kiye - Manito kejewadisiian ,
Kin , nosse , neta - jaweningeian !
Enigokodeeiān ki ganonin ,
Eji kitchi kitimagisiiān.

Osam geget nin bata - ijiwebis ,
Kawin gawaiak niu bimadisissi ,
Kawin weweni ki sagiissinon ;
Minawa , nosse , jawenimichin.

Nin kachkendam genichkiinan , nosse ,
Apitchi geget nind auwenindis :
Ondjita sa ki kitchitwawendagos ,
Mi sa wendji - anwenindisoiañ.

Kakina nin matchi dodamowinan
Ondjita geget nin jingendanan ;
Minik gabata - ijiwebisiiān
Nin kitchi jingendan , nin webinan.

Kawin gego nind iji jingendasin ,
Eji jingendamàn batadowiu ;
Ka gego iji jingendagossinon ,
Batadowin eji jingendagwak.

Kin sa , nosse , kin nind ondji - jingendan
Kakina gabi matchi - dodamàn ;
Nin kikendan eji jawenimiian ,
Mi kakina wendji - jingendamàn.

Jawenimichin , gassiamawichin
Nin matchi - ijiwebisiwinan ,
Apitchi sa nongom nin gigijendam ,
Tchi wi - mino - ijiwebisiiàn.

Kaginig weweni tchi songendamàn ,
Widekawichin kaginig , nosse !
Getineuimiwanen mi gediiàn ;
Kawin minawa nin gawidissi.

12.**Nibowin mikwendanda.**

Ambessa bemadisiieg,

Nanaga(awendanda ,

Kakina go endachiiang

Getijiwebisiiang.

Nibowin sa mikwendanda ,

Kego ouendansida ,

Tchi gotamang batadowin ,

Weweni tchi niboiang ,

Gikitchi - bata - dadamog

Nitam anichinabeg ,

Ogiagonwetawawan

Geget Kije - Maniton .

Mi dach iw wendji - nibowad

Bemadisidjig aking .

Mi sa gediiang kakina

Minik bemadisiang .

Wenibik apitendagwag

Bimadisiwin aking ;

Wenibik go kit aiamin

Oma ogidakamig .

Giichkwa - bimadisiang ,

Mi tchi nandomigoiang ,

Mi tchi nasikawang Jesus ,

Win tchi dibakoninang .

Kagige bimadisiwin
Mi wedi dagomagad,
Kawin awia minawa
Wegi wika nibossi.
Kaginig mino aiawag
Meno - bimadisidjig,
Kaginig animisiwag
Metchi - bimadisidjig.

Ningotawassidog geget
Meno - nibodjig aking,
Gwaiak gjigong ijawag,
Mi dach mino aiawag.
Ka gego kachkendamowin
Gjigong dagossinon,
Mi sa go eta kaginig
Minawanigosiwain.

Apegich gaie kinawind
Mino niboiang aking,
Mechkwat tchi bimadisiiang
Kaginig go gjigong.
Jesus babamitawada,
Apitchi sagiada,
Gaie anokitawada,
Mi tchi mino niboiang.

• *Einleitung* E. Kohn

THE MISSIONS

Index Epistolarum,

quæ diebus Dominicis, et iis Festis, quæ diœcesibus Statuum Unitorum in America de præcepto sunt servanda, leguntur.

In usum Missionariorum

apud Otawas, Otchipweos, Potawatamos, Manominos et Algonkinos; mutatis paucis mutandis.

	<i>Pagina.</i>
Dom. I. Adventus	Rom. 13, 11-14.
Dom. II. Adv.	Rom. 15, 4-13.
Dom. III. Adv.	Phil. 4, 4-7.
Dom. IV. Adv.	1 Cor. 4, 1-5.
In Nativ. D. N. J. C... .	Tit. 2, 11-15.
In Nativ. D. N. J. C... .	Tit. 3, 4-7.
Dom. inf. Oct. Nat.	Gal. 4, 1-7.
In Circumcis D.....	Coloss. 2, 6-11.
Dom. inf. Circ. et Epiph. .	1 Joan. 4, 9-15.
In Festo Epiph.....	Isai. 60, 1-6.
Dom. inf. Oct. Epiph... .	Rom. 12, 1-5.
Dom. II. post Epiph....	Rom. 12, 1-16.
Dom. III. post Epiph... .	Rom. 12, 16-21.
Dom. IV. post Epiph... .	Rom. 13, 8-10.
Dom. V. post Epiph....	Coloss. 3, 12-17.

Pagina.

Dom. VI. post Epiph...	1 Thess. 1 , 2 - 10 . . .	144
Dom. Septuag.	1 Cor. 9 , 24	107
Dom. Sexag.	2 Cor. 11 , 19	119
Dom. Quinquag.	1 Cor. 13 , 1 - 13	113
Dom. I. Quadrag.	2 Cor. 6 , 1 - 10	117
Dom. II. Quadrag.	1 Thess. 4 , 1 - 7	145
Dom. III. Quadrag.	Eph. 5 , 1 - 9	131
Dom. IV. Quadrag.	Gal. 4 , 22 - 31	125
Dom. Passionis	Hebr. 9 , 11 - 15	153
Dom. Palmarum	Phil. 2 , 5 - 11	137
Dom. Resurrect.	1 Cor. 5 , 7 - 8	104
Fer. II.	Act. 10 , 37 - 43	79
Dom. in Albis	1 Joan. 5 , 4 - 10	178
Dom. II. post Pasch. ...	1 Petri 2 , 21 - 25	167
Dom. III. post Pasch...	1 Petri 2 , 11 - 18	166
Dom. IV. post Pasch...	Jac. 1 , 17 - 21	158
Dom. V. post Pasch. ...	Jac. 1 , 22 - 27	159
In Ascens. D. N. J. C.	Act. 1 , 1 - 11	52
Dom. inf. Oct. Asc....	1 Petri 4 , 7 - 11	169
Dom. Pentecostes....	Act. 2 , 1 - 11	53
Feria II.	Act. 10 , 42 - 48	80
Dom. SS. Trinit.	1 Joan. 5 , 1 - 10	177
In Festo Corp. Chr....	1 Cor. 11 , 23 - 29	110
Dom. inf. Oct. C. C. ...	1 Cor. 10 , 16 - 21	109
Dom. III. post Pent....	1 Petri 5 , 6 - 11	171
Dom. IV.	Rom. 8 , 18 - 23	91
Dom. V.	1 Petri 3 , 8 - 15	168
Dom. VI.	Rom. 6 , 3 - 11	86
Dom. VII.	Rom. 6 , 19 - 23	88
Dom. VIII.	Rom. 8 , 12 - 17	90
Dom. IX.	1 Cor. 10 , 1 - 13	108
Dom. X.	1 Cor. 12 , 2 - 11	112
Dom. XI.	1 Cor. 15 , 1 - 10	115
Dom. XII.	2 Cor. 3 , 4 - 11	116
Dom. XIII.	Gal. 3 , 11 - 22	122
Dom. XIV.	Gal. 5 , 16 - 24	126
Dom. XV.	Gal. 5 , 25	127

Pagina.

Dom. XVI. post Pent...	Eph. 3, 13-21.	129
Dom. XVII.	Eph. 4, 1-6.	130
Dom. XVIII.	1 Cor. 1, 4-8.	102
Dom. XIX.	Eph. 4, 22-28.	130
Dom. XX.	Eph. 5, 15-21.	132
Dom. XXI.	Eph. 6, 10-17.	135
Dom. XXII.	Phil. 1, 6-11.	136
Dom. XXIII.	Phil. 3, 17.	137
Dom. XXIV.	Coloss. 1, 9-14.	139
In Festo Annunt. B. M. V. Isai. 7, 10-15.		181
In Festo Assumpt. B. M. V. Apoc. 11, 19. . ,....		181
In Festo Sanct. Omnium. Apoc. 7, 2-12.		179

